


**CASTI INNOCENTIS
ANSALDI ORDINIS
PRÆDICATORUM
VINDICIÆ
MAUPERTUISIANÆ...**

Casto Innocente Ansaldi



BIBLIOTECA NAZ.

Vittorio Emanuele III

XXIII

D

2

NAPOLI

111





7
CASTI INNOCENTIS ANSALDI

ORDINIS PRÆDICATORUM

VINDICIÆ MAUPERTUISIANÆ

AB ANIMADVERSIONIBUS

VIRI CLARISSIMI

FRANCISCI Mariæ ZANOTTI

QUIBUS

Quantum Philosophia morali Stoicorum Religio præstet in
infelicitate vitæ minuenda demonstratur.



V E N E T I I S

Apud PETRUM VALVAENSEM.

MDCCLIV.

SUPERIORUM PERMISSU, AC PRIVILEGIO.



III
EXCELLENTISSIMO REVERENDISSIMOQUE
DOMINO

D. NICCOLAO COLUMNÆ
EX PRINCIPIBUS STYLIANI,

Protonotario Apostolico de numero Participan-
tium, Utriusque Signaturæ Referendario,
Ferrariæ Vice-Legato, &c. &c. &c.

CASTUS INNOCENS ANSALDUS
Ordinis Prædicatorum.



ESI diu anceps fuerim, EXCEL-
LENTISSIME REVERENDISSIMEQUE
PRINCEPS, num de Elucubratione hac mea
illustrissimo tuo Nomini consecranda cogi-
tarem, magnique momenti argumenta non
deesse intelligerem, quare ab hoc ausu ab-
stinendum esse mihi videretur: quum ta-

a 2

men

men aliā se se menti obtulissent meae potentiores causae, quibus ad id audendum vehementius impellerer, animum tandem erigendum duxi, spemque concepi fore, ut non omnino invitus meum me exequi consilium paterere. Non erat sane dubitandum, mihi hanc rem primum meditantī se se statim spectandum praeberē debuisse insigne Genus tuum, cujus solum Nomen, altum quiddam, augustum, excelsum, inclytum, heroicum, menti offert, eminetque inter ea, quae Romam, quae Italiam, quae Europam, Ecclesiamque jamdiu ornaverunt universam. Accedebat consideratio spectatissimae Dignitatis tuae, illarumque ampliorum, ad quas tua Te, EXCELLENTISSIME REVERENDISSIMEQUE PRINCEPS, rara mox ducet prudentia, celsitudo animi, sapientia praeclarissima, ceterarumque complexio virtutum, quae omni loco & tempore, nobilissimi instar satellitii, Tibi famulantur; tantarumque cogitatione rerum ita a vix suscepto consilio deterrebar, ut meo me pudore vercundior involverem, fidenterque nimis con-

ceptum

ceptum desiderium animo premere & occultare constituerem. Quum improvise nova mentem subiit cogitatio, qua paulatim vires ipsa sumpsit, tantumque ne facinus experiundum adhuc foret, iterum deliberavit. Nam quum tota Disputatio hæc mea celebranda confirmandaque Religionis dignitati instituta esse videatur: quumque tanta sit pietas tua, tantumque Religionis studium, ut ipsam magis, quæque ad eandem pertinent, quam Genus & Proavos, celebritatemque nominis, & opes ab eisdem acceptas, aut quicquid mortale denique & perituum est, facias; heinc ipse Te magis cœpi ex moribus spectare tuis, quam ex Majestate & Dignitate, inque animum induxi meum, fore, ut videri Tibi posset argumentum saltem Operis acceptum. Verebar adhuc tamen ne molis exigua libellus haud dignus esset, qui Tibi, ingenio, virtute; fortuna infinitum in modum præstanti, EXCELLENTISSIME PRINCEPS & REVERENDISSIME, nuncuparetur; sed metum & dubitationem demum omnem abstulit præclarissima,

qua

qua fulgēs, animi facilitas, suavisque erga omnes voluntas & lenitas, sermonis affabilitas, & insita illa cupiditas benefaciendi, quæ serpit, nescio quomodo, per omnes actus tuos, neque ullum eorum esse patitur exper-tem sui; cujusque testes profecto & vades sunt, fueruntque tum maxime Ferrarienses, quum fato ipsis erepto Johanne Baptista S. R. E. Cardinali Barnio, ipsorumque a Latere Legato, Tu, diu multumque, solus Rempublicam eorum feliciter adeo humaniterque administraſti, ut sicut nihil prudentia tua majus, ita nihil benignitate comitateque tua melius aut excogitari, aut reperiri posse unanimi omnes admiratione & consensione adfirmaverint. Tam amabili ipse igitur indoli confisus Maupertuisianas hasce meas, Tibi, EXCELLENTISSIME REVERENDISSIMEQUE PRINCEPS, offero Vindicias, quam dum libenti animo acceperis, tanto minus gloriæ officies tuæ, quanto magis & apertius, ejusmodi agendi ratione, Tu te numquam ab humanitate tua posse discedere ostendes.

LE.

L E C T O R I.

VII



CUR hoc de argumento egerim , & quare ita scripserim , paucis docebo te , amice Lector. Ea inter studia, quæ Ecclesiastici homines fovere debent , maximo habendam in pretio moralem Christianorum Philosophiam arbitratus semper fui ; non modo quod ejus ductu in recta ordinataque vivendi ratione homines instituuntur ; verum etiam quod , ætate nostra , inimicorum quorundam arte hominum , ii , qui sacris Dogmatibus , & Ecclesiæ ministerio addicti sunt , temeratæ violatæque moralis Doctrinæ summam per injuriam postulentur . Barbeyracius , celebris ille Pufendorffii Interpres , quo laborem suum novitate aliqua imperitis commendaret , infinitam contexuit Præfationem , in qua totus fuit in veteribus Ecclesiæ Patribus , ceu moralis Doctrinæ corruptoribus , sine modo criminandis ; eo , ut reor , Præfationis singularis adeo facinore , Calvinii se , Casauboni , & Thuanii famam consequutum arbitratus , quorum ad Institutiones Christianas , ad Historiam sui temporis , & ad Exercitationes in Baronium , Præfationes ; aliis licet de causis , omnibus tamen absoluta numeris , & Sæculi Opera , ab hominibus

bus illarum partium solent appellari . Summa igitur, nimiaque injuria affectis Ecclesiasticis Scrip-
toribus, inferrendum tandem duxit Barbeyra-
cius, morum Doctrinam a publicis Religionis
Ministris neglectam, & ex Orbe pene pulsam,
ad Laicos, & ad profanos eruditos homines, se
demum recepisse, a quibus comiter magis, &
benignius excepta est: *La Morale ainsi negligee,
& presque bannie du monde, par les Ministres
Publics de la Religion, s'est réfugiée chez les
Laïques, ou les simples Gens de Lettres, qui lui
ont fait un beaucoup meilleur accueil.* Comparat
ille Sanctos Ecclesiæ Patres cum Sacerdotibus
Gentilium, qui solis de ritibus & Mysteriis sol-
liciti, moralem Doctrinam Philosophis traden-
dam relinquebant; quod a Laicis, ut ait., ho-
diernis æque factum . Verum, ut falsa, & ca-
lumniosa est tota illa comparatio, fuisset etiam
primum Barbeyraccio distinguendum inter præ-
cepta moralis Doctrinæ, ejusque summa Capi-
ta & Principia; inter morum nempe regulas,
& Dogmata existentiae Divinæ Naturæ, & Pro-
videntiæ, immortalitatis animorum, & futuræ
vitæ statuum, quæ necessaria sane sunt cujus-
cumque juris fundamenta . Eo autem ita con-
stituto, Barbeyracium rogassem, num veteres
Philosophi, qui recte adeo, ejus sententia, be-
ne ordinateque vivendi præcepta tradidere, æ-
qualem

qualem inde habuerint allegatorum Principiorum rationem? Non adfirmasset hoc ille certe, ut ex iis eruere est, quæ in citata docet Præfatione, & in Adnotationibus ad Pufendorhium; utque videre erit ex illorum Specimine doctrinæ, quod exhibebimus in Elucubratione nostra. Quanto minus igitur erravere Gentiles Sacerdotes, nonnulla aut negligentes, aut male applicantes moralis Scientiæ præcepta, Laicis illis morum Magistris, qui præcipua everterunt juris principia & fundamenta! Pene idem de Laicis aliquibus posterioribus relate ad Patres statuendum. Ut ut enim, ceu per hypothesim, Barbeyracio concederemus, hosce humani aliquid remotissimis in consequutionibus, & minimis in rebus, passos; num summa fortasse disjecere morum fundamenta & Capita; uti Hobbesius, Bælius, totque alii profani morum Scientiæ Magistri, veteres Atheos, Scepticosque, ubi de summis altissimisque principiis sermo est, probe imitati? Numquam certe magis quam hoc tempore falsum fuit, Doctrinam morum ab Ecclesiasticis neglectam, profanis fuisse ab hominibus, nempe Septentrionalibus, sancte inculpateque pertractatam.

Invidiosam tamen Barbeyracii criminationem a pluribus fuisse Orthodoxis scriptoribus rejectam, Sanctosque Ecclesiæ Patres vindicatos, ignorat
 b nemo,

nemo ; illud imo sane magis quam necessitas postulare videbatur. Num enim in veterum lectione Patrum adeo versatus erat Barbeyracius, ut jure posset de illis judicare ? Tota profecto, qua se ornatum ostentabat, eorum in sententiis peritia, in Bælianis demum, aut similibus Commentis exscribendis sita erat ; nec nisi imprudentes, incautosque fallere tandem potest ejusmodi Interpres ; quem, si licuisset, rogatum ipse voluissem, ut, omissis Patribus, & Ecclesiæ Scriptoribus, quorum idoneus Judex esse ipse, ejusque Lectores non possunt, de Recentioribus potius verba faceret, responderetque, Laicus ne, an Ecclesiasticus fuerit Machiavellus ? Ecclesiasticus ne, an Laicus fuerit Fenelonus ? Hosce igitur conferret, videretque, num hominem de Doctrina morum hoc tempore sollicitum, ad priorem confugere deberet vitæ civilis & aulicæ Magistrum, an vero ad posteriorem ? Collationem porro illam novimus factam præclarissimo illo ab Auctore, quem ætas nostra alterum veluti M. Aurelium Antoninum veneratur ; ab Auctore, inquam, Anti-Machiavelli, ita Capite illius Operis septimo scribentis : *Comparez le Prince de Fenelon avec celui de Machiavel, vous verrez dans l'un de la bonté, de l'équité, toutes les vertus. Il semble que ce soit une de ces Intelligences pures,*

res, dont on dit, que la sagesse est préposée pour veiller au Gouvernement du monde ; vous verrez dans l'autre la scélératesse, la perfidie, & toutes les crimes. Il semble que notre Nature se rapproche de celle des Anges, en lisant le Télémaque de Fenelon ; il paroît qu'elle s'approche des Demons de l'Enfer, lorsqu'on lit le Prince de Machiavel. Qua sola animadversione, omnia illa Barbeyracii, contra religionis Ministros dictæria, abunde compensata esse arbitror ; quum tanto majus sit quod nobis oritur ex ea decus, quanto sublimior & sapientior mens illa est, e qua ejusmodi comparatio preceedit. Gloriosissimus siquidem Machiavelli Adversarius, ut in Præfatione illius animadvertit Libri jure & merito Voltærius, est illos inter Heroas numerandus, quos benigna interdum terris concedunt fata, absolutissimum mortalibus virtutis exemplum ostensura ; adeo enim contra Machiavellum egregie differuit, ut dum ad seipsum scribere, sibi que modo præcepta constituere virtutum credidit, ea denique statuerit, quæ omnium præcepta Regum jure summo appellari meruerunt.

Quoniam tamen Barbeyracii Opus omnium manibus adhuc teritur, & imperitis, ut diximus, facere fucum pergit ; inde est, Ecclesiastici ut Viri, quo illam adeo temere sibi im-

pactam demum abstergant maculam ; illamque
 calumniæ nebulam ab omnium mentibus disji-
 ciant , inde est , inquam , ut nullum ipsi non
 movere debeant lapidem , nullamque præmit-
 tere occasionem , quare se moralis Philosophiæ,
 & Doctrinæ , quam maxime sollicitos ostendant ;
 uti , Numinis beneficio , præstant in præsens Ec-
 clesiastici omnes Orthodoxi Scriptores ; quorum
 Opera , sapientia & pietate maxima referta ,
 Barbeyraciani improbitatem Cogitati manifestis-
 sime ostendunt. Ut igitur meam & ipse pro vi-
 ribus symbolam conferrem , quum Cl. Virum
 Maupertuisium , qui moralem Christianorum Phi-
 losophiam , in humanæ etiam felicitatis negotio ,
 solum quærendam statuit ; nec idoneam ad vitæ
 statum infelicem minuendum esse arbitratus est
 moralem Stoicorum Philosophiam ; quum illum ,
 inquam , non omnino probare visus esset præ-
 stantissimus alter & celeberrimus Vir , Franci-
 scus Maria Zanottus , qui , vel in conspectu Chri-
 stianæ Philosophiæ , non modicam adhuc haberi
 oportere censuit Philosophiæ moralis Stoicorum
 rationem ; heinc prioris Vindicias statim susci-
 piendas duxi ; quare , adversus Barbeyracia-
 na præconcepta , omnes demum intelligerent ;
 in regione Ecclesiasticis referta Viris haud mi-
 nore studio pretium celebrari Philosophiæ mor-
 alis Christianæ , quam in regione , belli præ-
 fer-

tertium & pacis artibus , profanisque scientiis addicta.

Unum est reliquum , de quo dicendum reor. Cur scilicet quum præclarissimus Zanottus suas in Maupertuisium Animadversiones Italico sermone scripserit , ipse latino utar. Nam , inquiet fortasse aliquis , si ideo abs te , factum id est , quod tui stilum , & elegantiam Adversarii æmulari desperabas , eadem de causa , ab eo , quod usurpasti , scribendi genere abstinere potuisses , quum latina non minus quam italica nitide ornateque scribendi peritia carere videaris . Nec profecto ita arguens , male cogitaret. Plurimum diversa tamen fuit causa , quare vulgari a sermone abstinendum duxerim . Non enim quod longe a stilo absum & ab elegantia mei adversarii , sed quod docta & sapienti ejus arte , & quadam ejus , quam nemo posset imitari , caream solertia , id consilii demum cepi . Quum enim ubi in Disputationem summa veniunt & altissima Religionis & Legum principia , sit sane tota illa concertatio imperito Vulgo occultanda ; tanta ille tamen dignitate & gravitate , tamque singulari circumspectione suam temperavit scribendi rationem , ut , tametsi vulgari usus sit sermone , prudentioribus solum tamen & doctioribus verba fecisse videatur ; quam non minimam tanti Scriptoris esse laudem fatentur universi.

verſi. Ipſe igitur, qui adeo difficilia neque longe ſequi poteram veſtigia, Eruditorum lingua, profanorum hominum palato minime ſuavi, (abundamus enim nunc. dulcibus vitiis, dulcibus erroribus, linguis dulcioribus) eorum oculos ab horum inſpectione arcanorum ſubmoven- dos duxi, pervia hac arte præſtantioris caren- tiam artis ſuppleturus; quod æqui bonique ut facias Lector obſecro, & rogo; tuo ceterum ar- bitrio qualicumque huiusce Operis iudicium reli- cturus. Vale.



NOI

XV

NOI RIFORMATORI

Dello Studio di Padova.

A Vendo veduto per la Fede di Revisione, ed Approvazione del P. F. *Paolo Tommaso Manuelli* Inquisitor Generale del Santo Officio di Venezia nel Libro intitolato *Casti Innocentis Ansaldi Ordinis Predicatorum Vindicia Maupertuistiana ab Animadversionibus V. Cl. Francisci Maria Zanotti &c.* non v'esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo Licenza a *Pietro Valvasense* Stampator di Venezia che possi esser stampato, osservando gl'ordini in materia di Stampe, e presentando le solite copie alle Pubbliche Librerie di Venezia, e di Padova.

Dat. li 9. Luglio 1754.

[Z. Alvise Mocenigo 4. Kav. Proc. Riff.

[Daniel Bragadin Kav. Proc. Riff.

[

Registrato in Libro a Carte 53. al Num. 396.

Giacomo Zuccato Segr.

Adi 13. Luglio 1754.

Registr. in Libro del Magist. Eccel. dei Sig. Esecutori contro la Bestemmia.

Gio: Battista Battisti Segr.

117

ERRA-

Pag.	26. l. 7.	inferret	inferre
	32. l. 18.	propiores	propiores
	33. l. ult.	disservisse	disservisse
	71. l. 4.	quoquot	quotquot
	92. l. 2.	Gladiatorium	Gladiatorum
	ibid. l. 18.	Virtute	Virtutes
	100. l. 4.	Sæculum	Sæculo
	130. l. 5.	e futuræ	futuræ
	199. l. 23.	talem	tale
	213. l. 2.	dem	idem
	217. l. 26.	argumena	argumenta
	219. l. 24.	negamns	negamus
	231. l. 12.	rurfus	rurfus



VINDICIÆ MAUPERTUISIANÆ.

I.



ETERA inter, quibus jure & merito nostra quam maxime gloriatur ætas, illud profecto est, innumeros inter egregios Scriptores, quibus floret, non paucos recenferi Religionis Naturalis, & universim saltem Revelatæ Vindices, non apud Orthodoxos modo, verum etiam apud illos, qui in diversa versantur ab ejusdem sententia. Quamvis enim nonnulli jure aliquo suspicari videantur, Religionem, ut ajunt, universalem non alia de causa adeo ab aliquibus prædicari, & vindicari, nisi ut illa agendi ratione per cuniculos veluti, particularium Sectarum, & Orthodoxæ etiam, doctrinam enervent; ast ut id præstantioribus quibusdam de Scriptoribus vix profecto fas est ima-

A

gina-

ginari; illud est adhuc consequens, quocumque id factum fuerit consilio, Religionis tamen Naturalis & Revelatæ, universim saltem considerata, veritatem, necessitatemque ita in præsens esse demonstratam, ut nemo sane possit de eisdem dubitare.

II.

ACCEDIT jam vero, non Ecclesiastici modo Viros Ordinis, sed etiam Reliquos, Opera hinc de rebus edidisse præstantissima, nec in Orthodoxis modo regionibus, sed in iis æque, in quibus Hetherodoxi dominantur. Ut enim nostros notissimos æque, & celeberrimos prætereamus, eminent inter ceteros certe Grotius, Allixius, Jacquelotus, Abadius, alii, quos cum Naturalis, tum Christianæ præsertim Religionis, universim acceptæ, dignitati, majestatique plurimum profuisse videt quisque; Non enim faustum & decorum modo Religioni est, profanos homines, & nullum præsertim metuentes Ædilem, recte adeo Christiana de Religione cogitare; verum & eidem benevertit maxime; illam siquidem præclarissimorum segetem Scriptorum considerans impius, quanta miser versari se in solitudine intelligit! Res enim illa profecto certissima sit oportet, de qua doctissimos inter homines,

mines, ceterum inter se aliis tot in rebus diffidentes, perfectissime adhuc tamen convenit.

III.

Quod si causa inquiratur, cur omnium ad se oculos & amores traxerit, adeoque trahat etiam in præsens, Christiana Philosophia, se se illa ostendet statim infinitis eorum in Elucubrationibus, qui hoc argumenti genus illustrarunt. Nempe intelligentes Religionem præcipue Christianam secum ferre, inter præcipua Doctrinæ suæ Capita, expectationem bonorum æternorum, & promissionem felicissimæ post mortem conditionis, ab illis consequendæ, qui virtutem & honestatem fuerint sequuti, Legibusque paruerint divinis; facile consequuti sunt, nil Religione hac, & Philosophia morali Christianorum, pretiosius fuisse divinitus mortalibus concessum; doctrinamque ejusmodi non admiratione solum & veneratione, sed amore etiam maximo esse prosequendam; quum ejus prosecutione felicissimum non modo indepturi demum sint mortales futura in vita statum, sed spe etiam, & felicissimi illius expectatione status, hac etiam in vita non minimam consequunturi sint felicitatem.

I.V.

TOTUS hac in meditatione nuper fuit clarissimus Orthodoxus Scriptor, celeberrimus Maupertuisius, suo in Specimine Moralis Philosophiæ, quod Systema appellare posses Doctrinæ morum, & Religionis, relate ad humanæ felicitatem vitæ, quæ præcipuum est ipsius Operis Objectum. Ejusmodi siquidem in Specimine eo omnia direxit, ut a Philosophia morali Christianorum, cum infelicis vitæ retinendæ frenum, tum alicujus etiam acquirendæ hac in vita felicitatis modum, aut rationem saltem infelicitatis minuendæ repetendam esse demonstraret. Id autem qua nam metodo Vir doctissimus præstiterit, dicam paucis.

V.

DE felicitate primum egit, deque infelicitate; inde vero ostendens a malorum summa summam bonorum humana in vita longe superari, transitum ad media facit in examen revocanda, quibus tolerabiliorem efficere humanæ conditionem vitæ possumus; quumque animadverterit, haud videri nostra esse in potestate, momenta vitæ felicia augere, Stoicorum insistendam duxit.

xit

xit viam , qui hominis in potestate saltem esse arbitrabantur minuere momenra infelicia . Itaque inquit , an eadem Stoicorum Philosophia medium etiam præbeat , quo momenta illa infelicia minuere possimus ; quam suis tamen in principiis , & veluti visceribus , considerans , minus idoneam esse demum statuit ad finem illum obtinendum ; ejus principia siquidem conferens cum principiis Philosophiæ moralis Christianorum , in qua patientiæ virtus , Deique amor docentur ; spes invenitur præmiorum futuræ vitæ , quæ omittitur a Philosophia morali Stoicorum ; inde infert , Philosophiam moralem Christianorum aptiorem esse Philosophia morali Stoicorum , minuendis momentis vitæ infelicibus , & animo in angustiis leniendo ; illisque solum mediis , quibus immortalem homo adipisci felicitatem potest , hujus æque felicitatem vitæ posse ipsum consequi ; aut ejus saltem minuere infelicitatem ; nec Stoicorum Systema , & præcepta eam vim habere & virtutem , in humanæ felicitatis negotio , quam cordatus quisque asseret Systemati , Doctrinæque morali Christianorum .

VI.

ETSI vero nemo sibi facile persuadere potuisset , aliquem repertum iri , qui doctrinam allega-

legatam oppugnaturus foret ; præstitit id tamen Vir præclarissimus, Franciscus Maria Zanottus, quibusdam in Animadversionibus in Librum Maupertuisii, Compendio Philosophiæ moralis Peripateticorum ab ipso edito adjectis. Vir hic siquidem sapientissimus, etsi Philosophiæ moralis Christianorum pretium officiosissimis extollat verbis, quum tamen Maupertuisiano in Opere non satis decori Philosophiæ moralis Stoicorum consultum esse arbitretur, heinc illam sibi contra Maupertuisium vindicandam sumpsit ; ipsamque cum Philosophia morali Christianorum æque conferens, illam vel sine ista, felicitatem inducere, aut infelicitatem posse imminuere, contendit.

VII:

UT faciliorem autem sibi struat id ad demonstrandum viam Cl. Zanottus, Capite Animadversionum suarum altero, negare primum pergit, bonorum hac in vita summam a summa malorum longe superari. Hanc enim opinionem importunis hominum querelis ait esse tribuendam, eorumque exaggerationibus, quare ejusmodi Queruli, probi videantur ; quod vulgo frequensque jactitetur, probos hac in vita infelices esse, improbos, felices ; aut quo aliorum in se commiserationem potius, quam invidiam.

vidiam excitent ; Philosophis sua illa imaginaria perfectæ felicitatis descriptione auctoritatem querimoniarum conciliantibus , quibus Oratores eloquentia , Tragoediisque Poetæ accedentes , humanæ vices vitæ miserabiliores , quam reipsa sint , exhibuere . Verum mirari subit , cur , in limine Vindiciarum Stoicorum , de eo dubitare pergat Vir Cl. quod apud ipsos certissimum erat , & omnino constitutum . Stoici siquidem de conditione hominum dicentes , adeo vehementer declamabant , ut si vel minimum audiantur , inordinata hujus vitæ fabula Deo nec auctore , nec spectatore digna judicetur . Quod mirum esse non debet in Philosophis non admittentibus Divinam Providentiam . Numquam crediderim vero , nimiam malorum hujus vitæ copiam a præstantissimo hoc Maupertuisii Adversario negatam , quod eadem latum aperuerit Gallo Auctori campum , unde necessitatem Religionis inferret , tantis angustiis leniendis . Potius dixerim , Cl. Zanotum revera arbitratum esse , bonorum summam , hac in vita , minime a malorum summa superari ; iccirco , vel in Vindiciis Stoicorum , hanc Stoicæ Philosophiæ partem duxisse deferendam , quo veritati sanctissime litaret .

VIII.

HAC eadem de causa ipsum reor vindicandam duxisse Philosophiam Moralem Stoicorum, relate ad conservandam humanæ vitæ felicitatem, aut infelicitatem ejus minuendam. Quod quidem ut ostendat, primum statuit, humanam posse Rationem intelligere, futuram se morte obita superstitem: quare qui fortiter constanterque præsentis mala vitæ sustinuerit, præmium in altera possit, naturali lumine, & absque Religione aliqua, expectare. Ceterum expectationem futuræ felicitis vitæ, hujus augendæ, aut conservandæ felicitati, vel infelicitati minuendæ, non esse adeo necessariam; quum ipsi Christianorum filii apertissime profiteantur, ita esse se affectos, ut absque expectatione illa, qua indigere nolunt, ad virtutes acquirendas, & sectandas, recte tamen adhuc ordinateque operarentur: seque tunc solum ducere perfectos esse etiam Christianos, quum ita demum sunt affecti, ut recte & ordinate agant, absque spe præmiorum æternorum. Ab honestate igitur operis potius, quam ab expectatione illa, consolationem hausitam etiam a Christianis; quare eorum Philosophia moralis non adeo adversetur Philosophiæ morali Stoicorum, qui in præceptis morum

rum constituendis non indiguere Dogmatibus Divinæ existentia, & Providentiæ, aut immortalitatis animorum; sed sempiternam solum, & immutabilem honestatem, se se cum auctoritate, & imperio eorum oculis objicientem sequuti sunt, imperantemque non premii spe, aut poenæ metu, sed suum ipsam ob pretium. Denique, ea ratione, qua Christiani nil aliud respicientes quam Deum, & divinum præmium, perfectam inducunt in animum tranquillitatem, vitæque infelicitatem minuunt; ita Stoicos posse & hujus felicitatem vitæ conservare, & ejus minuere infelicitatem, quum alia de re solliciti non sint, quam de sempiterna illa & immutabili honestate. Est hæc ipsa Zanotti præclarissimi doctrina, quæ si vera sit, errasse videtur Maupertuisius palmam tribuens Philosophiæ morali Christianorum in infelicitate vitæ minuenda.

IX.

QUIA tamen Maupertuisium non adeo errasse existimamus, ejus Opinionem vindicare nobis placet; utque id, de quo disputandum in præsens est, probe proponatur, aliqua censemus esse præmittenda. Maupertuisius de natura felicitatis differens, hanc in perceptione sitam esse statuerat, quam anima habere potius gaudet,

B

quam

quam ea privatam esse; illa, inquam, in perceptione, quam semper retinere mallet, nec ad aliam transire, aut somno affici. Qua equidem in re videt quisque, ipsum de formali felicitate loquutum esse, quam, nova veluti dicendi ratione, in animi tranquillitate tamen collocari debere censet. Tunc enim certe homo perfecta gaudet animi tranquillitate, quum ejus animus ita affectus & constitutus est, ut statum mutare nollit, in eoque æternum, si fieri posset, perseverare. Ejusmodi autem contra definitionem ita argumentatur, Capite suarum Animadversionum primo, Cl. Zanottus: si in allegata, blanda, ut ita dixerim, perceptione statui debet hominis felicitas, igitur blanda illa perceptio, illeque jucunditatis sensus, erit ultimus finis hominis, ipsa erit hominis felicitas; adeoque ultimus finis hominis in ipso homine erit collocandus; quare sit consequens, illum modo ad jucunditatis sensum suas hominem debere dirigere actiones, nec aliquam Uxoris, filiorum, Patriæ, amicorumque oportere ipsum habere rationem, nisi aliquo simul afficiatur jucunditatis sensu; quæ profecto sententia, subdit Cl. Zanottus, honesto ab animo sit oportet, quam maxime aliena.

X.

VERUM ita differens Vir præstantissimus, Maupertuisii mentem non adtigisse se ostendit, & veteri errore confundit heic felicitatem formalem & intrinsecam cum felicitate objectiva, si-ve cum caussis efficientibus intrinsecæ felicitatis. Formalis felicitas, quocumque utaris nomine eidem significandæ, non aliud esse potest, quam perfecta animi tranquillitas; si-ve non potest homo felix appellari, nisi ea animi quiete & tranquillitate gaudeat, quam, Cartesiana phrasi, dilectam, blandamque perceptionem placuit Maupertuisio appellare. Ejusmodi autem dilecta blandaque perceptio, quæ eadem est cum animi tranquillitate, cur oriri non possit a cura Uxor-
is, Patriæ, Amicorum, nullus video. Si enim vetera semel omittimus præjudicia, & aliquam habemus Recentiorum rationem, intelligimus statim, ejusmodi rem esse demum definitam; & maximum discrimen esse formalem inter, & objectivam felicitatem. Prior in animi tranquillitate profecto collocanda est, unaque sit oportet in omnibus hominibus; quum felicitas objectiva ex opposito varia, & diversa sit oportet pro hominum desideriorumque diversitate, & conditione; alii enim desiderio honorum aguntur,

divitiarum alii, alii voluptatum, alii sexcentorum se se mille modis exhibentium, componentiumque, & invicem impredientium aliquando, diverforum adhuc, objectorum; idem imo homo, numquam secum habitans, infinitaque agitans, vel brevissimo vitæ spatio, desideria, unum modo, modo aliud felicitatis suæ respicit objectum; quum omnes tamen felices esse revera non possint, nisi intrinseca tranquillitate animi fruantur, suæque sint sorte contenti; quam conditionem, felicitatem formalem appellamus. Veteribus sane de Philosophis questi sunt Recentiores aliqui, ceu felicitatem formalem ab objectiva minime illi distinxissent; quod de omnibus falsum tamen arbitror, sive potius, perperam fuisse Vêteres recentioribus ab Interpretibus illustratos. Si enim semel ponimus, Epicureos formali de felicitate fuisse loquutos, eorumque verba malam in partem minime accipimus, [quod non præstandum certe, uti in elegantissimo suo *Aristippo* docuit amicissimus mei, meoque dignissimus amore, Comes Zacharias Serimanus] felicitatis formalis naturam optime illi explicasse dicendi sunt; perfecta enim animi tranquillitas esse sine aliqua ipsius animi voluptate non potest; ipsaque intrinseca sit oportet; quomodo enim quod extrinsecum foret, hominem efficeret intrinsece felicem? Ex opposito, si Peripateti-

tetici de felicitate objectiva loquuti sunt, egregie illam in bonorum omnium complexione, quæ humanæ naturæ, animo scilicet & corpori conveniunt, sitam esse docuerunt; summoque jure extrinsecam homini esse oportere. Recte adhuc tamen intelligendi. Siquidem illam bonorum omnium complexionem una & simul quis hocce in statu homini convenire posse sibi persuadeat? Nempe tot una bonis onustus opprimeretur homo, non efficeretur felix. Neque dum totus est in bonis humanum ad corpus pertinentibus, bona animi fovere, aut quærere adhuc potest; abest adeo ut illis tunc perfectissime fruatur. Itaque pro vario ejus statu, varioque desiderio, hac saltem in vita, unum modo bonum cupit, mox vero aliud, sicque pene in infinitum; quare quum prope infinitis agatur successive cupiditatibus, infinita prope necesse foret ille ut acquirere posset successive bona; adeoque felicitati adipiscendæ necessaria profecto est bonorum omnium naturæ hominis convenientium complexio.

XI.

CARENT autem sæpenumero Mortales felicitate objectiva, adeoque etiam formali, quia quum non omnia, quæ sibi convenire autumant, acqui-

acquirere semper possunt bona, non omnia explere possunt humanæ naturæ desideria. Nec ex eo tamen infelicissimi videntur appellandi. Nam & infinita sunt, quæ in homine reperiuntur desideria, blanda illa tamen, &, ut ita dixerim, tranquillâ, quibus etiam non satiatis infelicissimus adhuc non exurgit status; potestque aliquis e statu & conditione aliquo modo felici transitum optare feliciorem ad statum, & conditionem, quin prior ille status debeat infelix appellari. Qua equidem de re melius cogitatum video a præstantissimo Zanotto, quam a Maupertuisio. Verum adhuc tamen negari nullo modo potest, homines nonnullos hac in Œconomia statum aliquando experiri durissimum, & infelicissimum, sive quod continuo perceptionibus opprimantur, quas habere nollent; sive quod vix ullum umquam satiare possint humanæ vitæ desiderium; sive ob perpetuas afflictationes & teterrimas angustias, aut diuturnitatis, aut intensioris ratione intolerabiles. Quo nam igitur medio poterit status ille nimium infelix mitigari? Non alio, regerit Maupertuisius, quam Philosophia Morali Christianorum, quæ quum amandum proponat Deum, & speranda virtutis, & patientiæ, altera in vita, præmia, argumenta præbet, quibus vel infelicissimo quocumque, in statu consolemur; nec enim audiendos esse eos subjicit,

qui

qui Stoicam confugiunt ad Philosophiam , quæ quum non aliud proponat infelicis virtutis præmium , quam ipsum virtutis exercitium , aut illius pulchritudinis contemplationem , nullum revera proponit ad consolationem inducendam idoneum satis medium . Itaque nisi homo in Christianorum principiis versetur , quare se consolari non possit expectatione felicioris status , & bonorum alterius vitæ , consequitur Maupertuius , satius tunc esse ipsum , in angustiis versantem , generose se occidere , & illo se facinore ab infelicissimo statu demum liberare . Cur enim extrema heic in infelicitate perseveret , si nil ipsi sperandum sit ; timendum nihil ; si nulla autocheiriam vetante Religione teneatur ? Verum si ex opposito vel hominum infelicissimus Religioni adstrictus sit sui occisionem prohibenti , pulcherrimum imo spondenti , & felicissimum alterius vitæ statum , tunc certe ab autocheiria ipsi abstinendum ; imo spe & expectatione illa præsentem dolorem esse ab ipso leniendum , & infelicitatem vitæ minuendam , uti constitutum est in Philosophia morali Christianorum .

XII.

ZANOTTUS præstantissimus , etsi præsidium illud Religioni asseri non gravetur , imo & Maupert-

pertuiffi confilium laudet, habendam tamen intellectus adhuc humani rationem arbitratur, habendamque rationem adhuc Philofophiæ moralis Stoicorum. Itaque fole naturalis luminis beneficio fperari etiam poffe docet felicem alterum vitæ futuræ ftatum; proftareque etiam in Philofophia morali Stoicorum medium, quo fe homo in anguftiis conftitutus confoletur: denique ex Philofophia ejusmodi fatis idonea erui poffe felicitatis confervandæ, aut minuendæ infelicitatis argumenta. Contemplationem liquidem & profequutionem fempiternæ & immutabilis Stoicorum honeftatis, id agere potuiffe, quod profequutio & expectatio bonorum ait fupernorum: nempe ut ii tranquillitatem aflequerentur, *honeftatem unam quærentes, nec aliud præterea curantes* (pag. 279.). Stoicos quidem fe occidere aliquando folitos fuiſſe; ſed id præſtitiffe tamen in tempore, & in loco, imo maxima id præſtitiffe animi tranquillitate. Non eſſe itaque conſequitur Philoſophiam moralem Stoicorum rejiciendam, quum in eundem ipſa ſcopum ac Philoſophia moralis Chriſtianorum collimare videatur.

XIII.

ETSI vero Doctrina ejusmodi ſumma tanti Viri auctoritate ſulta eſſe videatur, quia tamen
non

non sat idoneis videtur nobis rationibus illustrata & argumentis confirmata; positiones imo Maupertuisii Religioni magis, quam positiones ejus adversarii favere videantur, heinc illas brevissimo hoc Commentario, qua decet modestia, ab Animadversionibus Cl. Zanotti sumimus vindicandas. Tria igitur inquiremus. I. An homo vi tantum luminis naturalis, & absque Religionis face, cognoscere certo possit, futurum se morte obita felicem. II. An solo sempiternæ, immutabilisque Stoicorum honestatis ductu possit homo recte ordinateque semper agere, suamque conservare hac in vita felicitatem, aut minuere momenta vitæ infelicia. III. An expectatio bonorum æternorum maxime præstet prosecutione sempiternæ & immutabilis Stoicorum honestatis in infelicitate vitæ minuenda. Hæc autem dum inquiremus, una etiam evincere conamur, solius ope Religionis posse certo nosse hominem, futurum se morte obita felicem, unius ope Religionis ita contineri posse ipsum in officio, ut ordinatus inde effluat Societatis, adeoque suæ hac in vita felicitatis status; sola demum spe & expectatione bonorum futuræ vitæ, quæ spondet, & de quibus certiores nos efficit Religio, hominem in miseriis & angoribus maximis aliquando constitutum lenire posse momenta vitæ suæ infelicia; quare consequi quisque

C

aper-

aperte possit, Philosophia morali Stoicorum valde præstare Philosophiam Moralem Christianam in infelicitate vitæ minuenda.

XIV.

PRIORE igitur a Capite auspicandum, proposita prius tamen præclarissimi Zanotti sententia & doctrina, ejus ex verbis summa sinceritate, licet stilo non admodum eleganti, a me ex italico latinum in sermonem versis, ne tantum Virum criminari voluisse videar. Ita ille igitur Capite suarum Animadversionum V. pag. 273. Maupertuisium notans miserrimo homini Religionem, ceu unicum præsidium ne se occidat, offerentem: *Multum quidem laudis reor Maupertuisio tribuendum, quod tantam Religioni concesserit auctoritatem, ut spe præmii, metuque suppliciorum, hominem ab autocheiria avertere possit, cui assentior libentissime. Probare non possum tamen, ipsum humanam Rationem eo adgisse, nil ut expectet post mortem; nec intelligo quo nam pacto id cum Religione conciliari valeat, quæ nunquam Rationi fuit inimica. Ethnici profecto, Romani, Græci, Ægyptii, Arabes, Chaldei, totque aliæ Nationes, omni lumine, præter Rationem, orbata, aliam tamen expectavere vitam. Quos Philosophi docuere animæ immortalitatem! Platonici,*

nici, tanta celebres gloria, ejus, ut ita dixerim, Sponsores se præstiterè. Ignoro igitur, cur fidenter adeo, & sine monumentis, adseratur humana Ratio carens omni spe futura vitæ; quare qui fortiter constanterque præsentis vitæ mala sustinuerit, præmium in altera non possit expectare. Ad præmium ejusmodi impatienter sui occisione advolare velle fas homini non est; autocbeiria quippe se tali indignum præmio præstaret. Ex opposito, si Maupertuisii consilium sequimur, quis hominum erit, qui, Religione non actus, seipsum occidere non pergat; quum bonorum hac in vita summa, a malorum summa, Judice Maupertuisio, longe superetur? Prudenter igitur omnes se miseri occiderint. Quod argumentationis genus horridum adeo est, & terribile, ut, eo semel admisso, jam nullus esset reliquus, qui illud posset denique admittere. Hucusque Zanottus, quem adeo rapuit contradicendi æstus, ut minime animadverterit, se plurimum extra Maupertuisii hypothesein differere. Quid enim illa sibi volunt: ad præmium alterius vitæ, sui occisione, impatienter nimis advolare velle, id vero est illo indignum se præstare? Num se occidendi facultatem Maupertuisius concedit iis, qui ad illud præmium anhelant? Minime sane gentium. Quid illa æque sibi volunt: Argumentationis genus hoc, horridum adeo est & terribile, ut, eo

semel admisso, jam nullus esset reliquus, qui illud posset denique admittere? Num præconcepit fortasse Maupertuisius, omnes homines Religione carere, neminemque teneri spe præmii futuræ Vitæ, & metu suppliciorum? Hisce profecto solis, ceu angustiarum finem, autocheiriam ipsum permisisse fassus mox erat Adversarius.

XV.

NON heic autem defendendum sumimus Maupertuisium relate ad infelicitatis gradum, aut statum illum, in quo fas esse homini Religione non acto contendit se occidere. Quam enim erravit Vir ceterum doctissimus mathematicam veluti suggerens computationem summæ bonorum malorumque humanæ vitæ, ceu de futuris certi possemus esse, aut de præteritis solliciti! Inconsultæ autem methodi est, humanos actus geometrice velle supputare, neque votorum adhuc compos reperitur, qui geometrica cum moralibusnectere pertentavit; visusque hic præcipuus, in quo lapsus est Montesquieus, error, qui nempe plura socialis vitæ officia pro vario diversarum climate & regimine nationum supputare voluit; quare, uti pulcherrimarum promptuarium rerum, ita & errorum, dictus a nonnullis ille *Spiritus Legum* Liber. Absolutam autem

tem infelicitatem ponere in majori infelicitum momentorum intensione & copia, relate ad momenta felicia, nil aliud profecto quam eorum Declamationes confirmare, qui mortem dicebant in beneficii loco tributam a Diis immortalibus, iis, quos maxime dilexerunt, atque miseriarum omnium, quas pertulimus, finem, vitationemque futurarum; veluti sapienter fecissent Thraces, qui nascentibus liberis lugere, morientibus lætari dicebantur. Ejusmodi, inquam, ad argumenta Declamationum pertinent, ad quæ, hacce in parte videtur accessisse Maupertuisius. Itaque gradus illos, in quibus infelicitatem ipse constituit extra quæstionem adversus Zanottum disputandam esse volumus. Ut revera tamen Mortalium quamplurimos esse infelicissimos oculis videmus ipsis, utque veterum recentiorumque temporum Historia infinitos nobis repræsentat Viros, qui summo ex Imperio, & jucundissimo ex statu; in magnas perpetuasque excidere calamitates, quibus impotenter acti seipsos revera occidere; ut acerbissimæ in humana vita aliquando reipsa sæviunt ægritudines & afflictiones, in morte præsertim eorum quos perditæ amabamus; ut denique quotidianus aliquorum status est revera diuturno etiam tempore miserrimus; heinc inquirendum, an infelicitati illi minuendæ magis Christiana valeat Philosopho-

loſophia, quam Doctrina Stoicorum; anve hæc ſufficiens ad finem illum æque obtinendum reapse videatur? Quoniam autem queritur de Maupertuiſio. Zanottus, nulla ipſum in medium protuliſſe argumenta, quibus oſtenderet, evinceretque, rationem humanam ſibi reliſtam, nulloque Religionis lumine illuſtratam, haud ſat certo poſſe immortalitatem animæ, diverſosque, pro diverſa meritorum & flagitiorum conditione, futuræ vitæ ſtatus, expectare; id nos præſtabimus in præſens, quo inferre quiſque valeat, haud ſatis laudari Maupertuiſium poſſe, qui quacumque uſus demum ſit id ad conſequendum methodo, infelicium conditionem, hac in vita, ſolius Chriſtianæ Religionis ope, temperari poſſe docuit.

XVI.

UT preſſo vero pede Cl. Zanotti Animadverſiones ſequamur, ab eo loco auſpicandum ducimus, in quo numquam conceſſurum ſe dixit, eo adigi humanam rationem, ut futuræ Vitæ ſtatum ſuo lumine non cognoſcat. *Ethnici profecto*, inquit, *Romani, Græci, Agyptii, Arabes, Chaldei, &que alie Nationes, omni ſupernaturali lumine orbata, ſolaque ratione humana prædita, futuram tamen expectavere vitam. Quo-*
equi-

equidem in effato veritatum maximam vides cum maximo errore copulatam . Ethnici profecto omnes , Romani , Græci , Ægyptii , Arabes , Chaldei , & Nationes ceteræ prorsus omnes , futuram expectavere vitam ; sed falsum omnino est , easdem illam lumine credidisse naturali , aut fuisse futurum ipsis Sæculum unius humanæ Rationis ope creditum . Quis enim , obsecro , hac in luce , hac ætate , tot post ingentissima præclarissimaque edita , infinita prope , hoc de argumento , deque Idololâtris veteribus , Volumina , ignorare adhuc potest , nihil aliud fuisse Idololatriam , nisi quamdam hæresim , quæ a primaria Religione in pravam deflexerat ; quare & veteres , quique inde sequuti eos sunt , Gentiles , nil aliud fuerint , quam Schismatici , aut Hæretici Religionis illius primæ veræ , quæ immortalitatem animæ tradiderat ? Paucis delibavit hoc Cardinalis Poliniacus , Libro Anti-Lucretii IX. ubi ortu explicato Adamiticæ Religionis , qua primi mortalium tenebantur , ita elegantissime prosequitur .

*Inde per humanas gliscente libidine mentes,
Vera Dei sensim species squalescere cœpit.*

Nam Populi Dominum veriti , at quis funditus esset

Obliti , non jam æternum , non simplicem & unum ,

Mul-

*Multipliæ fœde pictum coluere figura:
 Membratim in varios ausi discerpere Divos,
 Atque Deas; prout usus erat, suasitque cupido.
 Venit adulatrix & fallax turba Clientum:
 Huc accesserunt Sophiæ mysteria rectæ,
 Et mirabilium inventrix facundia rerum,
 Historiæ male ruta fides, & Carmina Vatum
 Ingeniosa, vel affinis Pictura Poesi.
 Qui quondam in rebus Numen videre creatis
 Thure salutabant res ipsas: victima trunco
 Plurima, vel monstro, lapidique, hominique
 cadebat.*

*Sic totum insulsis deceptum fraudibus Orbem
 Stulta superstitio pro Religione subivit.*

Quod vero Divina de Natura, post sexcentos
 alios, ait hic Auctor, idem de ceteris aliis uni-
 versalissimis altissimisque morum principiis sta-
 tuendum est, uti iidem fuscè docent; adeoque
 & de futura Vita, quam primum prioribus hu-
 mani Generis Mortalibus a Deo traditam, Po-
 steri etiam, ceu Religionis caput, credidere; li-
 cet ejus diversos status per Cocytos & Pyriph-
 legethonas fluvios, per Stygis undam, Tarta-
 rumque a terra distantem, quantum hæc ipsa
 distat e cælo, per Elysios campos, & Beato-
 rum Insulas, prataque & myrtos, & auram te-
 nuem, odoremque suavissimum denique signifi-
 carent, & exprimerent.

XVII.

HAC autem de re ut nulla reliqua esse possit dubitatio, duo nobis sunt ostendenda : alterum quidem , Rationem humanam Systema illud futuræ Vitæ suapte vi, tamquam certum firmumque Dogma, statuere nullo modo potuisse ; alterum vero, quum ab omnibus omnino Gentibus admissum fuerit, a Religione, licet interpolata, & falsa, derivasse. Et quod ad primum quidem adinet, non negaverim, potuisse homines aliquo sibi pacto, & verisimili quadam ratione, persuadere, futuros se post fata etiam superstitēs; & adhuc post mortem duraturos; sive ex immortalitatis desiderio, sive ex idea Justitiæ Divinæ, hujus ludibria sæculi compensaturæ. Verum aliud est aliquid ratione naturali suaderi posse; aliud, posse sola ratione duce illud sibi certo adeo persuadere, & constitutum ponere, ut de illo nulla inde possis ratione dubitare. Nonne omnes omnino Homines, haud minus quam immortalitatem, hac in Vita felicitatem desiderant, cujus tamen vix tenuē vestigium pene omnes adsequuntur? Certissima vero quidem est Justitiæ Numinis idea; sed quam ratione se se exerat, nisi Religione docearis, incertum, & obscurum. Itaque quum ra-

D

tio

VINDICIAE

26
tio nisi probabilia non adferat Vitæ immortalis
statuendæ argumenta, quis eam cum Religione
conferet, quæ nos certissimos efficit de Sæculo
futuro?

XVIII.

REVERA, si humana ratio suapte vi immortalitatem animæ cognoscere deberet, vel eam ex essentia & natura inferret animæ oporteret, vel ex ejus causa effectiva, vel ejus ex effectibus; quorum neutrum tamen ad certam ducit immortalitatis persuasionem. Non equidem natura id demonstrabit ipsa humanæ animæ, quæ a præstantioribus hodiernis Philosophis vel in præsens ignoratur; ea quippe, quæ a veteribus, recentioribusque Philosophis in medium producta hucusque sunt, & in Libris nostris de *Traditione Principiorum Legis Naturalis* fuscè enumerantur, speciosa quidem, & suadentia dici possunt, hypothetica illa tamen, neque omnino demonstrativa, argumenta; captumque Romanorum illorum, Arabum, & ceterarum Ethnicarum Nationum, quas Zanottus prædicat, nimium superantia. Itaque cur adtributum immortalitatis Animæ assereret præsertim Vulgus, essentia & Natura animæ (seposito Religionis lumine) prorsus ignorata? Vulgus, inquam, quod solam habere novit corporearum rerum cognitio-

tionem, & ideam: Sed nec ex causa efficienti animæ arguere certo mens humana potest eam esse immortalem; sive quod quum liberrime, omnia quæ ad extra fecit, operatus sit Deus, hominem potuisset condere mortalem; sive quod quum sentiant omnes coepisse se esse, inferre potius debuissent, uti cetera, quæ sicuti initium, ita & finem habent suum, se æque desituros, sepositaque Dei Revelatione, ejus de consilio non constet, nisi quadam verisimilitudine, quæ satis ad agendum movere non potest. Nutaret igitur mens, dubitaretque, an post fata futura foret superstes, semel atque nullo superiore lumine illustraretur.

XIX.

SED nec etiam ex effectibus erueretur sat certo & firmiter animæ immortalitas. Quæcumque enim ea de re circumferuntur argumenta, ad ejus immaterialitatem evincendam, non vero ad immortalitatem ejus demonstrandam, idonea videntur. Non defuere autem qui vel immaterialem essentiam suam habere finem posse existimarunt. Non defuere, qui vel atomis indivisibilibus, vel complexioni materiæ vim sentiendi, intelligendique asseruere. Omnia vero quæ Veritati vindicandæ in medium producuntur in præsens argumenta nec Arabes, Chal-

dæosque, & Ægyptios Cl. Zanotti, in examen revocasse novimus; eaque vulgarium hominum captum proculdubio excedunt; remanetque æternum indissolubilis nodus ex anima Brutorum derivatus, qui Philosophorum, eorumque, qui meditari valent, animum & mentem, nisi ad Religionem confugas, molestissimas rapere in ambages potest; quare Eminentissimus Poliniacus, Libro Anti-Lucretii VI.

*Bellua tota perit, clamas; concedere malim:
Sed si Pythagoram sequerer, vel Gymnosophistas,*

*Atque ferarum animos aboleri morte negarem;
Et nova perpetuo nascentum in corpora ferri;
Aut assevari velim, dum prisca resumant;
Dic, oro; qui me falsi convincere posses?*

*Quo te argumento, Quinti, Natura juvaret?
Hæreses; ut in hoc puncto Lucretius hæsit.
Nam licet hæc mera sint deliria, non tamen
ipsam*

Offendunt naturam animi, penitusque repugnant;

Imo nec sola possunt ratione refelli.

Adeo verum est, essenziale discrimen inter naturam animæ humanæ, & essentiam animæ Brutorum; immortalitatem inter hominum, & mortalem Brutorum vitam, non a ratione naturali, sed sola esse a Religione repetendum.

XX.

QUUM autem dubitare nemo possit ; omnes omnino Gentes & Nationes futuræ Vitæ cognitionem habuisse , qua in re profecto cum Zannotto perfectissime convenio ; hoc ipsum imo fusissime me demonstravisse arbitror , cum in *Libris de Traditione Principiorum Legis Naturalis* , tum etiam in *Commentario de futuro Sæculo ab Hebræis ante Captivitatem cognito adversus Johannem Clericum* ; heinc reliquum est ut evincam modo , cognitionem illam , quam de Vitæ futuræ statu habuere Ethnici veteres , & Populi omnino omnes , a Religione eos primævaque hausisse Traditione . Neque heic tamen ea utar methodo , qua in Libris superioribus , præstantissimos scilicet Eruditorum consulens , illosque tot , qui nobili adeo in pulvere felicissime decertavere . Quam enim egregie Natura & origo Idololatriæ in præsens illustrata ! quam evidenter saniora Religionis & Philosophiæ moralis Ethnicorum capita , primæva a Traditione manasse demonstrata sunt ! Vel soli Bochartus , Loydus , Fourmontius , & Clericus , quot Ethnicas enodavere fabulas Phœnicum , Hebræicorumque nominum ambiguitate ortas ; quod & subolfecisse Veteres nonnullos ex Libris Palephati ad

ti ad Heraclitum *de rebus incredibilibus* eruitur; quamvis in eo hi errasse videantur, ut ad Græcorum ambiguitatem nominum omnia retulerint. Facile, inquam, esset, Eruditionis ope, Græcorumque præsertim, & illustratis hebraicis Bibliorum testimoniis, futuræ persuasione Vitæ, vel apud Ethnicos, asserere Religioni; quæ tamen, ut dicebam, methodo non utemur in præsentia, siue quod contra Librum scribentes Italico sermone editum, & ratiociniâ modo præferentem, supervacaneam ducimus Eruditionem, & quicquid non sapit ratiocinium; siue quod, nostrorum Typographorum vitio, nil aliud præstare videntur qui Linguis utuntur Orientalibus, quam paginas scødare.

XXI

Ita igitur ratiocinari placeat. Si certum est, Populos omnino omnes, certissima gavisos fuisse futuræ Vitæ cognitione, neque hanc sat certo, naturali lumine potuerunt adsequi; itaque consequens esse debet, ipsos eam a Religione accepisse; præsertim quum inter Religionis capita persuasione illam omnes numeraverint; suisque ita fabulis protulerint, ut non a mente, & ratiocinio, sed a Sacerdotibus, Majoribusque suis, eandem illos derivasse manifestent. Num enim

enim ratione naturali excogitatæ creditæque sunt illæ alti Acherontis Imagines, viæque altæ, & arduæ,

Per speluncas saxis structas asperis pendentibus

Maximis ; ubi rigida constat crassa caligo Inferam ?

Num humano ratiocinio campi Elysi, & Beatorum Insulæ inductæ ? num corpora cremata quum scirent, tamen ea fieri apud Inferos humano ratiocinio sibi persuasere, quæ sine corporibus nec fieri possent, nec intelligi ? Num humano demum ratiocinio crediti Cerberus & Cocytus frémitus, & inexorabiles Iudices Minos, atque Rhadamantus ? Num humano asserendæ ratiocinio idææ & notiones illæ diversorum futuræ vitæ statuum, quas antiqui Septentrionales Populi habuere, quasque adhuc tot Orientales, Occidentalesque Indos, Afros, Malabaricos habere Populos novimus in præsens, uti ex tot Itineratorum Libris patet, & ex Eruditorum Actis, ætate nostra hisce rebus refertissimis ? Fabulæ sunt illæ quidem, & olim etiam apud veteres Gentiles erant ; sed nisi ejusmodi, aut similibus circumvestita fabulis, futura Vita credita a Populo minime fuisset ; præsertim quum Deorum nomine ita futuræ status diversi vitæ traditi Populo fuissent. Qui enim Leges Gentibus

bus tulere, ut eas Diis, ad conciliandam auctoritatem, referebant; ita Legis etiam lictores, spem præmiorum scilicet futuræ Vitæ; metumque suppliciorum, Deorum auctoritate & nomine sparsere in Vulgus; quod non alia, quam Religionis vi, in illarum induci potuisset certam firmamque rerum persuasionem.

XXII.

EVOLVAT revera præclarissimus Zanottus veteres omnes recentioresque Historias, evolvat omnium Volumina Itineratorum, serioque perpendat quid illi futura referant de Vita tot apud Gentes olim recensque detectas. Sane aut Nationes inveniet, lumine quidem naturali præditas, aliquibus si tamen credimus Itineratoribus, nil adhuc de Sæculo futuro cogitantes; certissimum, ni fallimur, indicium, persuasionem illam a Natura non manare; aut, si Orientalibus de Populis sermo sit, qui proprios veræ origini illius Dogmatis fuere, & Patriarcharum doctrinam, additionibus licet interspersam, adservavere; eosdem reperiet ita futuræ statum Vitæ prædicantes, ut a Revelatione, & Traditione, aut ab ea, quæ veræ vices gessit, interpolata Religione, se ipse haustum manifestet. Ut enim rerum exordia ad Deum opificem esse refe-

referenda; omnemque antiquitatem, & monumenta rerum omnia, uti omnes omnino veteres Colonias, ducere originem ab Oriente; utque doctrina de Chao rerum principio, de tenebris luce prioribus; de Dei spiritu Orbi infuso, molemque agitante; de mundo ex ovo veluti excluso, de homine ex luto formato, & ad Dei effigiem exstructo, de assignato ipsi divinitus in animantia reliqua dominio; de primæva hominum innocentia, morumque simplicitate, de subsequuta depravatione, ex qua postmodum omne mali genus, ipsaque mors terris incubuit; de Diluvio Universali, & affectato in Cælum itinere; ut, inquam, hæc omnia, quæ arcano tradidit Volumine Moses, universali pene omnium Gentium Traditione ita conservata sunt, ut vel ex ipsis fabularum nugis veritas eorum confirmetur; ita doctrina de Dei existentia & Providentia; deque præmiis & pœnis futuræ Vitæ; ita apud omnes Populos adservata est, ut quamvis adulterata & fabulis permixta, suam tamen exhibeat originem, & Religionis Caput habitum ostendat, non consequentem rationem.

XXIII.

RECTE igitur in Disputatione adversus Clericum ita in rem nostram videmur diffuisse.

E

Quum

Quum falsum sit doctrinam futuræ vitæ, futurique Dogma Sæculi, Philosophiæ esse asserendum; demonstratumque sit, Græcos, Ægyptiosque Philosophiæ Parentes, ea quæ ab aliis acceperunt, illustrasse tantum, & tradidisse; neque verisimile sit, Nationes hostiles, invicem invisas, longe distitas, nulloque fœdere & commercio sociatas, ea, quæ domi non erant nata, ab aliis aure patula, & communi adeo consensione accepisse; quum immortalitatem animi naturalis Ratio demonstrare non posse videatur; quæ videlicet olim, perpetuo, hodieque de natura ejus disputare pergit; consequens jure & merito esse debet, a vetustiori Traditione Dogma futuri Sæculi, uti cetera prima altissimaque Naturalis juris & morum principia, hausta & derivata denique fuisse; omnesque Gentes, quas speciales & proprias credebant Traditiones, ac suorum Scita Patrum, in monumentis quæ perierunt, oppido sequutas; tamen etsi id illæ ignorassent, nil aliud falsas fuisse tamen, nisi quod a prima, antiquissima, primisque tradita Patribus, erat doctrina revelatum. Ut enim Judæi non a Barbaris, aut a Græcis, sed a suis accipere Patribus futuri Dogma Sæculi; ita Græci, Romanique, & Gentes ceteræ, non ab Hebræis, sed ab Avis, Atavisque suis, & hi a Gentis Conditoribus priora hæc & universalia deri-

derivarunt vitæ principia, & fundamenta. Error Eruditorum præteriti erat Sæculi, ut quacumque in Natione, stricturas viderentur se videre Mosaicæ doctrinæ; Systema Christianorum probe Patrum imitatos se credentium, quod hi idoneum illud crederent adversus Ethnicos, dum de majori dissidentium Religionum antiquitate ageretur, argumentum. Sequuti inde sunt præstantiores cum Spencero, & Marshamo viri, qui Hebræos potius plurima ab Ægyptiis, ceterisque mutuatos Gentibus, contendere. Verum, uti ex malis moribus Leges bonæ proficisci solent, ita ex cognitis erroribus veræ aliquando opiniones: majori iccirco ab Antiquitate auspicandum ducunt universi, qui in præsens sapiunt; a Præceptoribus scilicet Hebræorum æque, & vetustissimorum Gentilium, a Populorum Conditoribus, a Patriarchis, & a Mortalium parente primo, cujus doctrinam, quod ad substantiam saltem pertinet; suos inter plangores Ægyptii, suasque inter choreas Græci, incondito strepitu suo Barbari, bellis suis & artibus Romani, suis fabulis recens detecti, & qui neque cum Hebræis, neque cum Græcis commercia habuere Africani, & Occidentales Indi; suis denique veluti erroribus Poetæ, Oratores, & Philosophi, ad seriora usque tempora adservarunt. Prudentiores igitur erant olim vulgares homines, quam Philo-

-161v

E 2

sophi,

sophi, qui abstractis suis, contemplativis & chimericis de natura animæ ideis, diversos everterunt Sæculi futuri status; illi enim ex opposito Traditionem tantum, & patriam Historiam sequuti, eo tutiorem veritatis inveniendæ inceserunt viam, quo magis quam arbitraria ratio-
cinia, rerum Historia ad experimenta rerum accedit.

XXIV.

Ex hucusque autem disputatis intelligit, ni fallor, quisque, errasse Cl. Zanottum, non necessariam qui duxit Religionem Vitæ futuræ credendæ, quod hanc Arabes, Ægyptii, Græci, Romanique, & Gentes ceteræ, admiserint. Non necessaria quidem Christiana tunc erat, aut Judaica Religio; sed necessaria id ad obtinendum fuit Religio tamen aliqua; Religio, quæ, quod suam spectat ad originem, vera erat; licet inde interpolata, & corrupta; neque ex consensione illa, ejusmodi relate ad Dogma, jure de vi humanæ rationis, deque sufficientia, ut ita loquar, naturalis luminis, argumentatus est. Revera num in vulgo & rudioribus potuisset id præstare humana Ratio, quod certe non valuit in doctioribus? Præconcepit jam quisque, de Philosophis nos verba facere, transitumque ad majus Zanotti Clarissimi erratum, ita, ut jam
vidi-

vidimus, prosequuti: *Quot Philosophi docuere Animam immortalitatem? Platonici, tanta celebres gloria, ejus, ut ita dixerim, Sponsores se præstiterent. Ignoro igitur, cur fidenter adeo, & sine monumentis adseratur humana ratio carens spe futura Vita. Quæ etiamsi vera forent, causam ejus tamen adhuc minime meliorem redderent. Nam, non quamcumque ipse Philosophiam aptam ducit felicitati augendæ, aut infelicitati, hac in vita, minuendæ; sed tantum Stoicam. Itaque Stoicos dixisse debuisset præstitisse se immortalitatis animæ Sponsores. Verum de Stoicis tacuit, quod eos futura de Vita securos esse intelligeret; sique Stoici præmia & poenas futura Vitæ spondissent, non igitur solius Virtutis & honestatis amore operandum docuissent. Sed hisce de rebus suo loco. Nunc de Philosophorum placitis relatæ ad vitam futuram inquiramus.*

XXV.

VIDEO enim hæc cogitatum a Zanotto Cl. de veteribus Philosophis, secus atque a Sapientissimis aliis ætatis nostræ Viris. Ne autem refelatum opus faciamus testimoniis Variorum, & linguarum diversarum; neve Lectorem fatigemus, & ut brevitati consulamus, unum, aut alterum in medium producemus e præstantioribus

ribus Scriptoribus, qui Myſteria ejusmodi perfecte calluerunt. Doctiſſimus Janus Vincentius Gravina, in Oratione de Sapientia Univerſa, ita Veterum mentem de Divina Natura, Naturaque animæ humanæ explicavit: Putabant *Ægyptii*, unam rerum omnium, eamque immenſam atque infinitam eſſe Naturam, ſpecies & formas univerſas e ſuamet infinitate, ingenito & pereunni motu, aſſiduaque ſui circumvolutione proferentem; atque in mentis identidem, & corporis univerſitatem perpetua ſingulorum animorum, & corporum productione ſe ſe explicantem; tantum ſui reddentem, quantum cujuſque rei creatæ facultas ex ea immenſitate decerperet; qualitatesque illas emittentem, quas exprimere poſſet noſtrarum perceptio ſenſuum, qui ſuo cujuſque modo, atque ambitu rem immenſam atque infinitam terminant, eamque certis figuris atque ſpatiis magno humanæ mentis errore circumſcribunt. Quam doctrinam refert Homericus *Ægyptiorum* Proteus, qui varias ineundo formas e poteſtate ſenſuum elabitur, propterea quod nunquam ſenſibus, aut per eā, quæ ſenſibus obſcūriuntur, hanc Naturam offendimus, niſi, e multiformi apparet ac v. mentis poteſtate re dete di

explicite, qui Ægyptios propius attigerunt; ut in
 cujusque Sectæ Principibus, quamvis ætate regionibusque
 disjunctis, ejusdem tamen Sapientiæ origo, atque
 successio agnoscatur. Ad hanc etiam sententiam
 referuntur multa, quæ supersunt, Veterum
 traditione, de Orphei Theologia, eodemque spectavit
 Linus cum dixit, omnia progigni ex uno, & in unum
 resolvi. Eodem flectit Anaxagoræ Omœomeria.
 Eodem respicit illud Anaximandri, omnibus qualitatibus
 expers infinitum. Illuc recidunt ex effatis multa
 Pythagoræ, ab ipso quidem arcanis notis ob-
 signata; reclusa vero paulatim a Discipulis, præsertim a Pythagoræ-
 orum studiosissimo Platone, qui appellari non dedignabatur
 Præco Pythagoricæ atque Eleaticæ doctrinæ: quæ
 omnia ponebat esse unum, idemque, infinitum,
 immobile, immutabile, sibi simile, ac seipso plenum,
 perinde ac Pythagoras, cui monas, sive unum,
 fuit rerum omnium principium. Hinc mundi anima,
 sive infinita cogitatio, infinitæ materiæ cognata,
 O animorum atque corporum, post unius rei
 dissolutionem, in aliam speciem immigratio: quæ
 omnia Pythagoras ex Ægypto, post assidua Sacer-
 dorum colloquia, secum adduxit in magnam Græciam:
 ad cujus doctrinæ fontem, Græcia cuncta & Italia
 diu convenit. Ad eandem etiam doctrinam tendebant
 Stoici, qui mundum ipsum esse dicebant. Quid, prima illa denique Aristotelis

telis materia a Platone arrepta, jam Arabum & nostratum Scholarum culpa, ludibrio recentium Philosophorum objecta, quo pertinet, nisi ad hunc Ægyptiorum Proteum, quem jure quis universæ Philosophiæ parentem appellaverit? Sane si Aristotelem pudendis Arabum involucris exuerimus, Pythagoricam in Peripateticorum Schola doctrinam introspeciemus, & Aristotelicam primæ materiæ definitionem Timeo Locrensi, cujus adhuc de Anima Mundi Liber extat, adjudicabimus. Neque Aristoteles ab ullo se in contemptum adductum queretur, nisi a factione sua, quæ absurdis interpretationibus, ei Arabum deliria non veretur adscribere. Sinenses vero affines Indorum, Ægyptiam doctrinam colentium, Dogma hoc, jamdiu apud alios Populos intermortuum, numquam dimiserunt; ejusque sive Auctorem, sive Instauratorem Confucium, divinis honoribus & religioso cultu ad nostram ætatem continuato, in cælum extulerunt; & adhuc morem Ægyptiorum retinentes, naturales res atque causas in Numina commutant; quæ Philosophi verbo tantum & imagine; plebs autem credula, & fraudis ignara, sensu etiam & animo veneratur. Ille hucusque; a quo specimen habes Metaphysicæ veterum Philosophorum, qui centrum veri Systematis, productionem scilicet e nihilo, a Religione revelatam, aut omittentem, aut non omnino tolerantem, ex ente illo

, primo,

primo, ingenito, infinito, tamquam ex materia, & fundo, & vena; res creatas eruerunt; Divinitatem ipsam speciebus distractam singulis in rerum universitatem transfundentes; quare humanæ etiam animæ ex Infinito intelligente ortæ, in illud resolverentur, & cum eo rursus confunderentur; eaque immortalitas erat, quam humanis animis Philosophi concedebant.

XXVI.

Er ea sane opinionum portenta, ubi de Traditione egi Principiorum Legis Naturalis, me satis aperuisse memini, hisce præterpropter verbis. Certum videtur esse, omnes quotquot fuerunt Philosophos veteres, duas modo in classes posse distinguere, Atomistarum alteram, veterum alteram Academicorum. Ad priorem illam Pythagoræ Sectatores spectasse ostendimus, & Epicureos; Stoicos autem, Platonicos, & Peripateticos, ad veterem spectasse Academiam. Jam vero neutra ex illorum classibus Philosophorum ejusmodi est, ut futuræ doctrinæ vitæ, qualem in systemate Religionis credimus, exhibuerit. Atomistarum enim aliqui Deum esse intellexerunt Mundum, ipsumque haud extra materiam esse; sed omnia essentialiter esse Deum. Mundum quippe immensum adfirmavere, totum

F in

in toto, imo vero ipsum totum; finitum, & infinito similem; rerum omnium certum, & similem incerto; cuncta in se extra, intraque complexum, eundemque rerum Naturæ opus, & ipsam rerum naturam; omnia tandem Deum esse, & Deum omnia; ipsumque ideo dici finem omnium, quod omnia reversura sint in ipsum, ut in eo immutabiliter conquiescant, unumque individuum cum eo, & incommutabile permanent, in illo tandem reddi, resolutaque referri omnia, quorum morti non esse locum, sed viva volare syderis in numerum, æque alto succedere cœlo.

Jupiter Omnipotens, Regum Rex ipse, Deusque Progenitor, Genitrixque Deum, Deus unus

Omnia.

Jupiter est quodcumque vides, quodcumque movetur.

Heinc quæ producta conspiciamus, Naturæ modo effectus esse, Naturæ, inquam, non artificiose ambulantis, sed omnia cientis & agitantis, motibus & mutationibus suis, convenientia quadam, consensuque partium, & quasi cognatione atque conspiratione continuam, quæ, quo super se sponte major, eo minus separato spiritu, atque ratione fieri existimanda sit.

XXVII.

MALO illi occurrere visi sunt veteres Academici, subdole tamen, & infidiosam veluti per speciem. Nam etsi Causam prædicarent omnium principem, primumque motus principium, summam veluti Intelligentiam, & divinum quodammodo sensum; quare & diligentissimis quoque fucum aliquando fecisse visi sunt; iis scilicet, qui veterum Academicorum plurimos Deum, qualis a nobis creditur rerum naturalium Conditor, cognovisse scripsere; vera eorum tamen sententia, non erant illa omnia, nisi humanæ mentis beneficio, a materiæ virtute discreta; eorumque de rerum natura testimonia cum iis demum conveniebant, quæ de universo rebus omnibus circumfuso, existensque principio, sive de Mundi anima Stoici loquentes frequentissime proferebant. Quare, etiamsi Deorum, ut agebant, immortalium laudibus, Divinæque encomiis Providentiæ, veterum resonarent Academicorum effata, Deum tamen, materiæ veluti animam excogitabant, atque virtutem; seu verius, materiam esse intelligenti virtute donatam, habereque in se, ultimum, altissimum, atque undique circumfusum, omnia cingentem atque complexum ardorem, ad quem, veluti divinum revera

11.006

F 2

ad

ad attributum, preces hominum conciperentur, & vota, ut ex Ennii illo:

*Aspice hoc sublime candens, quem invocant
omnes Jovem.*

Dum igitur Deum unum fatebantur ejusmodi Philosophi, ignem illum intelligebant, naturamque illam ætheream, quæ penetraret, animaretque entia universa, quæque diversas juxta res, quas per vim efformabat suam, variis nominibus insigniretur. Quare dum veteres Academici, ceteros adversus Philosophos, animorum humanorum essentiam neque e communis materiæ partibus, neque ex earum dispositione & nexu, contendebant esse constitutam, immaterialem æternamque illam quidem esse prædicabant, earatione tamen, ut cum universalissimo intelligente principio permisceri ipsam confundique docerent; eoque pacto immortalem esse, & suo uniri principio existimarent, quod unicus intelligentibus foret omnibus igneus ille vigor immanens, & cælestis origo: quo eruta e fonte Platonis illa de immaterialitate & æternitate erat animi demonstratio, in Phædro. Origo autem tam immanium errorum erat, quod veteres illi omnes Philosophi moralem rationem, causasque finales, ab efformatione rerum physicarum ablegassent; quum enim Principii cognitionem ex parte, ita ut loquar, moralitatis vestigare debuif-

debuissent ; ut scilicet ex ordinis rerum necessitate, principium ordinis liberum inferrent ; causarum enim nulla cognitu pervia magis est , quam finalis ; ipsi ex opposito physicam totius entis essentiam metaphysicis principiis inquirere perrexerunt ; seque cum infinitate confundentes, non minus a physica rerum essentia , quam ab earum principio longe abierunt. Qui nuper prudentius philosophati sunt , uti Newtonus , ubi de Optice agit , atque de Principiis ; Voltæriusque in Newtoniana Metaphysice , in primi Principii inquisitione , a finalibus causis non esse recedendum docuere , quarum in scopulum Atheorum vires se posse solum frangere videntur . Eas vero quum Veteres prætermiserint , in infinitatis monstrum cecidere , naturæ scilicet , & materiæ accomodatum ; quare qui philosophico quodam , uti olim inquiebam , oculo rimari fontes non valet , ast limpidiores saltem rivulos utinam confectaretur , eximiosque Recentiores , qui hoc in pulvere sudarunt , vel unum in Philosophiæ Historia Bruckerium . Nosceret profecto ille apertissime , quantum distiti ab opinione fuere nostra , & totius Generis humani , veteres Philosophi , ubi de natura animæ , ejusque post mortem conditione pertractarunt . Vidit hoc etiam , qui Tullium egregie adeo interpretatus est Cl. Oliveus , in Præfatione ad Librum Tu-

b-1 scu

sophi, qui abstractis suis, contemplativis & chimericis de natura animæ ideis, diversos everterunt Sæculi futuri status; illi enim ex opposito Traditionem tantum, & patriam Historiam sequuti, eo tutiorem veritatis inveniendæ incesserunt viam, quo magis quam arbitraria ratio-
cinia, rerum Historia ad experimenta rerum accedit.

XXIV.

Ex hucusque autem disputatis intelligit, ni fallor, quisque, errasse Cl. Zanottum, non necessariam qui duxit Religionem Vitæ futuræ credendæ; quod hanc Arabes, Ægyptii, Græci, Romanique, & Gentes ceteræ, admiserint. Non necessaria quidem Christiana tunc erat, aut Judaica Religio; sed necessaria id ad obtinendum fuit Religio tamen aliqua; Religio, quæ, quod suam spectat ad originem, vera erat; licet inde interpolata, & corrupta; neque ex consensione illa, ejusmodi relate ad Dogma, jure de vi humanæ rationis, deque sufficientia, ut ita loquar, naturalis luminis, argumentatus est. Revera num in vulgo & rudioribus potuisset id præstare humana Ratio, quod certe non valuit in doctioribus? Præconcepit jam quisque, de Philosophis nos verba facere, transitumque ad majus Zanotti Clarissimi erratum, ita; ut jam
vidi-

vidimus, prosequuti: *Quot Philosophi docuere Animam immortalitatem? Platonici, tanta celebres gloria, ejus, ut ita dixerim, Sponsores se præstire.* Ignoro igitur, cur fidenter adeo, & sine monumentis adseratur humana ratio carens spe futura Vita. Quæ etiamsi vera forent, causam ejus tamen adhuc minime meliorem redderent. Nam, non quamcumque ipse Philosophiam aptam ducit felicitati augendæ, aut infelicitati, hac in vita, minuendæ; sed tantum Stoicam. Itaque Stoicos dixisse debuisset præstitisse se immortalitatis animæ Sponsores. Verum de Stoicis tacuit, quod eos futura de Vita securos esse intelligeret; sique Stoici præmia & poenas futura Vitæ spondissent, non igitur solius Virtutis & honestatis amore operandum docuissent. Sed hisce de rebus suo loco. Nunc de Philosophorum placitis relate ad vitam futuram inquiramus.

XXV.

VIDEO enim heic cogitatum a Zanotto Cl. de veteribus Philosophis, secus atque a Sapientissimis aliis ætatis nostræ Viris. Ne autem tesselatum opus faciamus testimoniis Variorum, & linguarum diversarum; neve Lectorem fatigemus, & ut brevitati consulamus, unum, aut alterum in medium producemus e præstantioribus

ribus Scriptoribus, qui Myſteria ejusmodi perſeſte calluerunt. Doctiſſimus Janus Vincentius Gravina, in Oratione de Sapientia Univerſa, ita Veterum mentem de Divina Natura, Naturaque animæ humanæ explicavit: Putabant *Aegyptii*, unam rerum omnium, eamque immenſam atque infinitam eſſe Naturam, ſpecies & formas univerſas e ſuamet infinitate, ingenito & perenni motu, aſſiduaque ſui circumvolutione proferentem; atque in mentis identidem, & corporis univerſitatem perpetua ſingulorum animorum, & corporum productione ſe ſe explicantem, tantum ſui reddentem, quantum cujuſque rei creata facultas ex ea immenſitate decerperet; qualitatesque illas emittentem, quas exprimere poſſet noſtrorum perceptio ſenſuum, qui ſuo cujuſque modo, atque ambitu rem immenſam atque infinitam terminant; eamque certis figuris atque ſpatiis magno humanæ mentis errore circumſcribunt. Quam doctrinam refert Homericus *Aegyptiorum* Proteus, qui varias incundo formas e poteſtate ſenſuum elaborat, propterea quod nunquam ſenſibus, aut per eā, quæ ſenſibus obijciuntur, hanc Naturam aſſequuntur, niſi, ex utriusque imaginibus, quod multiforme apparet ac variū, ad unum & ſimplex, mentis poteſtate revocamus. Eandem ſententiam *Ptolemæus* veteres, Græciſque Philoſophi ſere omnes, diſſerſis dicendi generibus reddiderunt; iique magis
 expli-

explicite, qui *Ægyptios* propius attigerunt; ut in
 cujusque *Sectæ Principibus*, quamvis *etate* regionibusque
 disjunctis, ejusdem tamen *Sapientiæ origo*,
 atque *successio* agnoscatur. Ad hanc etiam *sententiam*
 referuntur multa, quæ *superfunt*, *Veterum*
traditione, de *Orphei Theologia*, eodemque *spectavit*
Linus cum dixit, omnia *progigni ex uno*,
 & in *unum* *resolvi*. Eodem *flectit Anaxagora*
Omœomeria. Eodem *respicit illud Anaximandri*,
 omnibus *qualitatibus expers infinitum*. Illuc *re-*
dunt ex effatis multa Pythagora, ab ipso *qui-*
dem arcanis notis obsignata; *reclusa vero paul-*
tim a Discipulis, præsertim a *Pythagoræorum stu-*
diosissimo Platone, qui *appellari non dedignabatur*
Præco Pythagorica atque Eleatica doctrinæ: quæ
 omnia *ponebat esse unum*, idemque, *infinitum*,
immobile, *immutabile*, *sibi simile*, ac *seipso ple-*
num, *perinde ac Pythagoras*, cui *monas*, sive
 unum, *fuit rerum omnium principium*. Hinc *mun-*
di anima, sive *infinita cogitatio*, *infinitæ materiæ*
cognata, & *animorum atque corporum*, post *unius*
rei dissolutionem, in *aliam speciem immigratio*:
 quæ omnia *Pythagoras ex Ægypto*, post *Assidua Sa-*
cerdotum colloquia, *secum adduxit in magnam*
Græciam: ad *cujus doctrinæ fontem*, *Græcia cum-*
sta & *Italia diu convenit*. Ad eandem etiam *do-*
ctrinam tendebant Stoici, qui *mundum ipsum esse*
 Deum *rabantur*. Quid, *prima illa denique Aristo-*
 relis

telis materia a Platone arrepta, jam Arabum & nostratum Scholarum culpa, ludibrio recentium Philosophorum objecta, quo pertinet, nisi ad hunc Ægyptiorum Proteum, quem jure quis universæ Philosophiæ parentem appellaverit? Sane si Aristotelem pudendis Arabum involucris exuerimus, Pythagoricam in Peripateticorum Schola doctrinam introspeciemus, & Aristotelicam primæ materiæ definitionem Timeo Locrensi, cujus adhuc de Anima Mundi Liber extat, adjudicabimus. Neque Aristoteles ab ullo se in contemptum adductum queretur, nisi a factione sua, quæ absurdis interpretationibus, ei Arabum deliria non veretur adscribere. Sinenses vero affines Indorum, Ægyptiam doctrinam colentium, Dogma hoc, jamdiu apud alios Populos intermortuum, numquam dimiserunt; ejusque sive Auctorem, sive Instauratorem Confucium, divinis honoribus & religioso cultu ad nostram ætatem continuato, in cælum extulerunt; & adhuc morem Ægyptiorum retinentes, naturales res atque causas in Numina commutant; quæ Philosophi verbo tantum & imagine; plebs autem credula, & fraudis ignara, sensu etiam & animo veneratur. Ille hucusque; a quo specimen habes Metaphysicæ veterum Philosophorum, qui centrum veri Systematis, productionem scilicet e nihilo, a Religione revelatam, aut omitcentes, aut non omnino tolerantes, ex ente illo

, primo,

primo, ingenito, infinito, tamquam ex materia, & fundo, & vena, res creatas eruerunt; Divinitatem ipsam speciebus distractam singulis in rerum universitatem transfundentes; quare humanæ etiam animæ ex Infinito intelligente ortæ, in illud resolverentur, & cum eo rursus confunderentur; eaque immortalitas erat, quam humanis animis Philosophi concedebant.

XXVI.

Et ea sane opinionum portenta, ubi de Traditione egi Principiorum Legis Naturalis, olim satis aperuisse memini, hisce præterpropter verbis. Certum videtur esse, omnes quotquot fuisse Philosophos veteres, duas modo in classes posse distingui, Atomistarum alteram, veterum alteram Academicorum. Ad priorem illam Pythagoræ Sectatores spectasse ostendimus, & Epicureos; Stoicos autem, Platónicos, & Peripateticos, ad veterem spectasse Academiam. Jam vero neutra ex illorum classibus Philosophorum ejusmodi est, ut futuræ doctrinam vitæ, qualem in systemate Religionis credimus, exhibuerit. Atomistarum enim aliqui Deum esse intellexerunt Mundum, ipsumque haud extra materiam esse; sed omnia essentialiter esse Deum. Mundum quippe immensum adfirmavere, totum

F

in

in toto, imo vero ipsum totum; finitum, & infinito similem; rerum omnium certum, & similem incerto; cuncta in se extra, intraque complexum, eundemque rerum Naturæ opus, & ipsam rerum naturam; omnia tandem Deum esse, & Deum omnia; ipsumque ideo dici finem omnium, quod omnia reversura sint in ipsum, ut in eo immutabiliter conquiescant, unumque individuum cum eo, & incommutabile permanent, in illo tandem reddi, resolutaque referri omnia, quorum morti non esse locum, sed viva volare syderis in numerum, æque alto succedere cœlo.

Jupiter Omnipotens, Regum Rex ipse, Deusque Progenitor, Genitrixque Deum, Deus unus Omnis.

Jupiter est quodcumque vides, quodcumque movetur.

Heinc quæ producta conspiciamus, Naturæ modo effectus esse, Naturæ, inquam, non artificiosæ ambulantis, sed omnia cientis & agitantis, motibus & mutationibus suis, convenientia quadam, consensuque partium, & quasi cognatione atque conspiratione continuam, quæ, quo sumptè sponte major, eo minus separato spiritu, atque ratione fieri existimanda sit.

XXVII.

MALO illi occurrere visi sunt veteres Academici, subdole tamen, & infidiosam veluti per speciem. Nam etsi Causam prædicarent omnium principem, primumque motus principium, summam veluti Intelligentiam, & divinum quodammodo sensum; quare & diligentissimis quoque fucum aliquando fecisse visi sunt; iis scilicet, qui veterum Academicorum plurimos Deum, qualis a nobis creditur rerum naturalium Conditor, cognovisse scripsere; vera eorum tamen sententia, non erant illa omnia, nisi humanæ mentis beneficio, a materiæ virtute discreta; eorumque de rerum natura testimonia cum iis demum conveniebant, quæ de universo rebus omnibus circumfuso, existensque principio, sive de Mundi anima Stoici loquentes frequentissime proferebant. Quare, etiamsi Deorum, ut agebant, immortalium laudibus, Divinæque encomiis Providentiæ, veterum resonarent Academicorum effata, Deum tamen, materiæ veluti animam excogitabant, atque virtutem; seu verius, materiam esse intelligenti virtute donatam, habereque in se, ultimum, altissimum, atque undique circumfusum, omnia cingentem atque completum ardorem, ad quem, veluti divinum revera

L. L.

F 2

ad

ad adtributum, preces hominum conciperentur,
& vota, ut ex Ennii illo:

*Aspice hoc sublime candens, quem invocant
omnes Jovem.*

Dum igitur Deum unum fatebantur ejusmodi Philosophi, ignem illum intelligebant, naturamque illam ætheream, quæ penetraret, animaretque entia universa, quæque diversas juxta res, quas per vim efformabat suam, variis nominibus insigniretur. Quare dum veteres Academici, ceteros adversus Philosophos, animorum humanorum essentiam neque e communis materiæ partibus, neque ex earum dispositione & nexu, contendebant esse constitutam, immaterialem æternamque illam quidem esse prædicabant, ea ratione tamen, ut cum universalissimo intelligente principio permisceri ipsam confundique docerent; eoque pacto immortalem esse, & suo uniri principio existimarent, quod unicus intelligentibus foret omnibus igneus ille vigor immanens, & cælestis origo: quo eruta e fonte Platonis illa de immaterialitate & æternitate erat animi demonstratio, in Phædro. Origo autem tam immanium errorum erat, quod veteres illi omnes Philosophi moralem rationem, causasque finales, ab efformatione rerum physicarum ablegassent; quum enim Principii cognitionem ex parte, ita ut loquar, moralitatis vestigare debuisset.

debuissent ; ut scilicet ex ordinis rerum necessitate, principium ordinis liberum inferrent ; causarum enim nulla cognitu pervia magis est , quam finalis ; ipsi ex opposito physicam totius entis essentiam metaphysicis principiis inquirere perrexerunt ; seque cum infinitate confundentes , non minus a physica rerum essentia , quam ab earum principio longe abierunt . Qui nuper prudentius philosophati sunt , uti Newtonus , ubi de Optice agit , atque de Principiis ; Voltæriusque in Newtoniana Metaphysice , in primi Principii inquisitione , a finalibus causis non esse recedendum docuere , quarum in scopulum Atheorum vires se posse solum frangere videntur . Eas vero quum Veteres prætermiserint , in infinitatis monstrum cecidere , naturæ scilicet , & materiæ accomodatum ; quare qui philosophico quodam , uti olim inquiebam , oculo rimari fontes non valet , ast limpidiores saltem rivulos utinam confectaretur , eximiosque Recentiores , qui hoc in pulvere sudarunt , vel unum in Philosophiæ Historia Bruckerium . Nosceret profecto ille apertissime , quantum dissiti ab opinione fuere nostra , & totius Generis humani , veteres Philosophi , ubi de natura animæ , ejusque post mortem conditione pertractarunt . Vidit hoc etiam , qui Tullium egregie adeo interpretatus est Cl. Olivetus , in Præfatione ad Librum Tu-

b. l

scu-

seularum primum, nil minus, rationi esse consonum testatus, quam summa Religionis naturalis Capita in Gentilium quærere systematibus Philosophorum; adeo enim a systemate Religionis Naturalis, & ab ejusdem Capitibus summis, principia distant veteris Philosophiæ, ut similibus omnino sub verbis, immaterialitatis, æternitatis, ceterorumque adtributorum, quæ mentis ideas ab hisce inferioribus removent, & ab universa congerie corporum abstrahere videntur, oppositum involvant tamen suis nexum partibus, atque consequentionibus sensum. Itaque egregie magnus, ille Heineccius, in Elementis Logicæ, Parte prima, *Nemo*, inquit, *dubitatur, immortalitatem animæ aliud significare Pythagoricis, & Platoniceis, aliud Stoicis, aliud Christianis.* Quum vero Platoniceos dicimus, eos significare volumus, qui ante Christianæ Religionis ortum exsistere. Posteriores enim, quamvis Ethnicos, nostri æmulatione, doctrinam reformasse suam, in Disputatione adversus Clericum, a nobis ostensum est.

XXVIII.

De ea jam vero plurius retulimus testimonia Philosophorum de natura, & statu animæ post mortem differentiam, ceteraque inter, illud

had Senecæ, Epistola IV. Libri VII. scribentis :
*Mors est , non esse id quod ante fuit , sed quale
 sit , jam scio . Hoc erit post me , quod ante me
 fuit . Si quid in hac vita torquenti est , necesse est
 fuisse antequam prodiremus in lucem : atqui nul-
 lum sensimus tunc vexationem . Rogo , non stultis-
 simum dicas , si quis existimet lucernæ pejus esse
 cum extincta est , quam antequam accenderetur ?
 Nos quoque & accendimur , & extinguimur , me-
 dio illo tempore aliquid patimur . Quæ quidem
 verba Muretum in admirationem rapuere , quum
 sibi Seneca aliis in locis dixisse videatur , ani-
 mos humanos , morte obita , in cælum avolare ;
 quare consequendum ducit , certum & stabile ni-
 hil esse posse , nisi quod vero & solido fundamen-
 to nititur , ideoque semper veterum Philosopho-
 rum de Deo , de animorum immortalitate , &
 similibus , judicia fluctuasse . Et hac quidem de
 re nullo modo dubitandum . Verum , dum Se-
 necam veluti nobiscum olim sensisse docet , hu-
 manos animos , morte obita , elatos in cælum
 avolare , næ Stoica in Philosophiâ prorsus hospitem
 se ostendit Clarissimus ille Rhetor . Non
 destrui animam , nec extinguî opinabantur qui-
 dem , ut jam diximus , Philosophi Academici ,
 non tamen ipsam remanere , & immortalem esse ,
 aut verius , non perire quidem animas , aut con-
 sumi fatebantur ; non retinere easdem tamen ,
 ad-*

adservareque propriam, ut cum Schola loquimur, personalitatem: sed cum anima mundi, ex qua delibata fuerant, iterum confundi, & cum universalissimo miscere se principio. Itaque & scribebat Vetus ille: *Ne dicas tantus sum. omitte illud tantus. fies universalis, cum & antea fueris universalis.* (Porphyr. in Sentent.) Qualem vero Seneca imaginatus fuerit animæ immortalitatem patefacit ipsemet, Libro V. Epistola I. scribens: *Cogita, nihil eorum, quæ ab oculis abeunt, & in rerum naturam, ex qua prodierunt, ac mox processura sunt, reconduntur, consumi. Desinunt ista, non pereunt. Et mors, quam pertimescimus, & recusamus, intermitit vitam, non eripit. Veniet iterum qui nos in lucem reponat dies, quem multi recusarent, nisi oblitos redderet. Sed postea diligentius docebo, omnia quæ videntur perire, mutari. Equo animo debet rediturus exire. Observa Orbem rerum in se remeantium; videbis in hoc mundo nihil extingui, sed vicibus descendere, & resurgere. &c.* Platonica autem omnium Renovatio, licet a Pythagorea, & Stoica diversa, ea tamen non erat, quæ cum opinione humani Generis de futura vita conciliari posset, quæque in humanæ vitæ actus serio influeret, & cuius consideratio infelicitatis momenta minuere valeret.

XXIX.

EJUSMODI ex brevissimo Systematis Philosophorum veterum specimine , intelligit quisque cum veritate utique non consonare illos , qui statuunt, Philosophos omnes alteram docuisse vitam , & Platonicos præsertim se illius Dogmatis fidejussores præstitisse. Evidentius se se nobis tamen offert argumentum , quo Philosophos a cognitione statuum futuræ vitæ longe abfuisse demonstramus; quum certum sit , tunc solum illius cœpisse fidem Dogmatis nutare vel apud vulgus Ethnicorum , quum se se protulit protenditque Philosophia . Non heic vero respicio encomia quibus hac de re Epicurum celebrat Lucretius; neque enim de Philosophia loquor Epicureorum; sed aliorum satius , qui animæ immortalitatem , æternitatemque prædicabant . Siquidem vel ubi immortales esse humanos animos demonstrare pergebant illi Ethnicorum Sapientes; illarum vi demonstrationum nulla præmia , nullasque esse consequabantur futuræ vitæ pœnas , nullos Elyfios campos , nullos Inferos , neque enim ambulare , loqui , aliqua jucunditate , & voluptate affici , aut corporeo agere modo posse sibi persuadere , aut imaginari poterant id , quod post mortem corporeis carere oportebat mem-

G

bris ,

bris, & cum mundi anima confundi. Heinc Athenæus, Libro Deipnosophistarum XI. hominem inducit, ita adversus ea, quæ de futura vita docuerat Plato, differentem: *De iis vero quæ Plato disputat in suis Dialogis quid judicandum? Nam ut dñemus eorum qui in vita præcesserunt animos in alias sedes migrare, & quia relicto corpore sunt leviores, in sublimiorem locum efferrī, quid hoc nos juvat? Ejus vero eternitatis, in qua, ubicumque sumus, nihil meminimus; & quamvis omnino simus, nullo rerum sensu tangimur, gratia quænam esse potest, & delectatio? Stoicos autem respexisse præsertim videtur Disputator ille apud Justinum Martyrem, initio Dialogi cum Tryphone, varias Philosophorum exponens de animæ statu post mortem sententias; inquebat enim: Sed plerique, ne id quidem laborant, utrum unus, aut plures sint Dii; & unicuique nostrum utrum provideant, necne; quasi cognitio ejusmodi nihil ad bene vivendum afferat. Hoc autem quoniam illis evadax, difficile non est intelligere. Proposita est enim his, qui ita sentiunt, differendi, & sequendi quod libuerit impunitas agendique & dicendi quidquid libuerit licentia, nec supplicium meruentibus, nec boni quidquam a Deo sperantibus. Quomodo enim metuant & sperent, qui eadem semper futura dicunt, meque & te eodem rursus modo victuros, nec meliores factos, nec deteriores?*

Alii

Alii quidam , quum immortalem & incorpoream animam esse ponant , nec pœnam duros se putant , si quid mali fecerint (pari enim non potest quod incorporeum est) nec jam Deo , quum immortalis sit anima , quidquam indigent . En quo evadebant Philosophorum de Natura & immortalitate animæ demonstrationes .

XXX.

EJUSMODI quippe Philosophiæ arcanis in Theatra , & fora , & apud Sophistas receptis , Religio , sive relate ad Caput de Natura & Providentia Deorum , sive relate ad alterum futuræ vitæ , magnas clades accepit . Lucianus enim , Libro veræ Historiæ II. non verebatur esse totus , in irridenda Populorum de Inferis , & Elysiis persuasione , & ironico quodam stilo memorabat , animos , morte obita , corpora quidem non habere , & impalpabiles esse , ea præstare tamen omnia , quæ corpus proculdubio requirunt . Stare , ambulare , & moveri eos sine pedibus , vocem emittere sine lingua , videre sine oculis , sine auribus audire , aliaque perficere , quorum antilogia lætam præbebat auditoribus materiam . De morte vero agens Peregrini , nonne stultissimos mortalium Christianos appellabat , qui se omnino immortales & perpetuo victu-

viſturos jaſtitabant? Heinc Polybius, qui veterum Romanorum diſciplinam celebrabat, quod doctrina futuræ vitæ, & commentationibus, ut ait, Inferorum, Rempublicam feliciter & prudentiſſime rexerant; de ſuis tamen Græcis quam maxime querebatur, quod nimium jam tunc diſſeminata in Hellade Philoſophia, incerta effecerat vel apud vulgus eam futuri Sæculi doctrinam: maximum videlicet, vitæ & Societatis fundamentum. Itaque, ita excerpto proſequebatur Libri VI. ut de ceteris ſileam, qui publicam pecuniam apud Græcos traſtant, ſi vel unum dumtaxat talentum fuerit eis creditum, decem Reſcriptionibus adhibitis, ſigillis totidem, teſtibus autem duplo pluribus, fidem tamen ut ſervent impetrare ab iis nequeas. Oppoſitum autem apud Romanos eveniſſe ſubjicit, ob juſjurandi Religionem, metumque Inferorum, & ſpem felicioris altera in vita conditionis.

XXXI.

SED, & Græcis ſerius licet, philoſophari perrexere denique Romani, iisdemque, quibus illi, uti demonſtrationibus evincendæ animorum immortalitati. Quid inde tunc eveniſſe conſtat? Ablatum fuiſſe Inferorum timorem, poenarumque, quas Religio minabatur poſt mortem. Idque

Idque satis patet apud Tullium, Libro Disputationum Tusculanarum IV. ubi in immortalitate animæ demonstranda inductus ille ab Oratore Disputator, totus esse videbatur; eos quippe contemnebat, qui cadentibus in terram corporibus, illisque humo tectis, e quo humari dicebatur, sub terra censebant reliquam vitam agi mortuorum; aut corpora cremata quum scirent, eā tamen fieri apud Inferos crederent, quæ sine corporibus nec fieri possent, nec intelligi. Itaque plenos esse aiebat idem Disputator Libros Philosophorum contra ista ipsa differentium. Plinius revera ita in suorum opinionem popularium, ut rebatur, inanem, Libro scribebat VII. *Post sepulturam, aliæ, atque aliæ Manium ambages. Omnibus e suprema die, eadem quæ ante primum. Nec magis a morte sensus ullus aut corpori, aut animæ, quam ante natalem. Eadem enim vanitas in futurum etiam se propagat; & in mortis quoque tempora, ipsa sibi vita mentitur. Alias immortalitatem animæ: alias transfigurationem: alias sensum inferis dando, & manes colendo, Deumque faciendo, qui jam etiam homo esse desierit: ceu ullo modo spirandi ratio hominis a ceteris animalibus distet; aut non diuturniora multa in vita reperiantur, quibus nemo similem divinam immortalitatem. Quod autem corpus animæ prosequitur materiam; ubi cogitatio illi?*

illi? quomodo visus? auditus? aut qui tangit? qui usus ejus? aut quod sine his bonum? quæ deinde sedes? quantaque multitudo tot sæculis animarum, velut umbrarum? Puerilium ista deliramentorum, ævidaque numquam desinere mortalitatis commenta sunt. Evulgaris autem ejusmodi apud Romanos etiam Philosophiæ arcanis, idem apud ipsos, atque quod olim apud Græcos, evenisse oportebat. Jam enim ex Philosophorum Commentariis irrisiones Inferorum ad fora transferre, & ad Rhetorum Orationes, uti videre est in Catilinaria quarta, & in Oratione pro Cluentio, in qua ita Tullius: Nam nunc quidem, quid tandem illi mors attulit? nisi forte ineptis & fabulis ducimur, ut existimemus illum apud Inferos impiorum supplicia perferre, & plures illic offendisse inimicos, quam hic reliquisse. A socrus, ab uxorum, a fratris a liberum pœnis actum esse præcipitem, in sceleratorum sedem atque regionem: quæ si falsa sunt, id quod omnes intelligunt, quid ei tandem mors eripuit, præter sensum doloris? Non heic certe Academicum, sed Dogmaticum agit Orator, Judicialibus nempe in Orationibus ad Senatum & ad Populum habitis, quæ causarum esse solent, & temporum; non hominum ipsorum & Patronorum. Denique eodem loquebatur sensu, in eo scriptorum genere, in quo candide loqui & libere solemus,

lemus, familiaribus nempe in Epistolis, quæ notissimæ censentur.

XXXII.

IPSI Hebræorum filii, qui, ut nos contra Clericum evicimus, futurum semper credere Sæculum; aut, si Clerici sententiam amplecti mavis, post Captivitatem saltem Babylonicam, & Macchabæorum ætate, constantes adeo in præmiis alterius vitæ sperandis, timendisque suppliciis fuere; statim atque tamen Alexandria philosophati sunt, postquam scilicet regnarunt Ptolæmei, in dubitationem illius dogmatis demum cecidere. Nam ex erroribus Pythagoræ, Platonis, Aristotelis, Philosophorumque Orientalium, & Ægyptiorum; Eclecticam illam confavere sectam, sive Cabbalisticam doctrinam, qua, in Natura animæ consideranda, ejusque post mortem sorte, verissimum tandem (si quemdam excipias loquendi modum) verissimum, inquam, constituere Spinosismum; de quo Windetus, Brückerus, Buddeus, aliique sexcenti. Itaque abest adeo, ut veteres Philosophi futurum Sæculum docuerint, futuræque vitæ sponsores fuerint, quod perperam Zanottius arbitrat, ut ipsis potius asserenda sit Philosophis everfio Dogmatis adeo necessarii; quare summo jure

jure Maupertuisius, Vir ille magnus, qui veram habebat veteris Philosophiæ notionem, præconceptum æque habuit, doctrinam futuræ vitæ a sola esse Religione repetendam.

XXXIII.

PRÆSTANTISSIMO Zanotto suppetias quis ferre tamen posset, Sanctorum non modo testimoniis Patrum adfirmantium Platonem ea de futuræ vitæ tradidisse statu, quæ jam antea docuerant Prophetæ; verum magis etiam, Platonis ipsius verbis, qui & in decimo de Republica, & in Timæo, & aliis in locis, Judices Inferorum, & gaudia & pœnas, Tartarum demum, & Elysium, ea describit & adserit ratione, qua in carminibus prostant Poëtarum, & a vulgo credebantur. Cui quidem argumento satis olim me occurrisse reor, tum ubi de Traditione egi Principiorum Legis Naturalis, cum etiam in Disputatione de futuro Sæculo adversus Johannem Clericum. Nam quamvis amabile consilium esse fateamur, non male interpretari, sed meliorem semper in partem, eorum accipere & explicare verba, qui humanæ nobis jecere fundamenta sapientiæ; Philosophorum mens animusque tamen, non e propositionibus heinc inde congestis, sed e doctrinæ
arca-

arcanioris nexu, & adsertionibus in systema collimantibus, sumi debent atque dignosci; nec singulis vocibus veteres præsertim illi spectandi sunt; sed perpetuitate atque constantia. Prioribus igitur in Libris, explicato ex Gundlingio, spinosiano systemate Platonis, animadverti cum doctissimo Stellino, Platonem, ingenio summo præditum, omnique doctrina expolitum, & in utraque facultate, quod paucis contigit, parem, ea videlicet pervidendi, quæ sejuncta a concre-tione mortali, abstractæ a sensu menti tantummodo patent, & ea, quæ mente percipiuntur, sensibus ipsis exhibendi quasi colorata & magnifice illuminata, res hæc duas inter se dis-junctissimas una composuisse, & ex utraque conflatum genus dicendi adtulisse, quod verborum splendore, rerumque pictura, pigmentis omni-bus illita, delectat sæpe magis, quam doceat. Et quidem tam crebro, tamque intemperanter calamistros orationi adhibuisse suæ, ut non so-lum a Philosophi hominis severitate desciverit, sed etiam Poetarum audaciam vicisse videatur. Hinc animadverti, eum quosdam fugillasse, quod in translationes immoderatas, inque alle-goricum correptus tumorem, quasi furore quo-dam efferratur; notatumque eo nomine, quod lemniscos verborum studiosius, quam rerum pon-dera fuerit infectatus. Quare dum a sensilibus

H

ad

ad insensibilia, a rerum imaginibus perpetuo fluentibus; ad rerum species ipsas, quæ neque gignuntur, neque interiturae sunt unquam, traducit animos, ut umbrarum harum consuetudine contractus error luce veritatis eluatur, allegoricis involucris omnia prætexens, retraxit ad umbras easdem, & sublustri nitore quodam occupatos ita adfecit, ut admiratione potius obstupefactos dimittat, quam evidentia collustratos. Quam enim Poetarum omnes undique flosculos conlegisset, & numerorum mysteria, doctrinamque idearum ab Epicharmo adumbratam penitus intrōspexisset, coegit in unum hæc omnia se se vicissim impediencia, perque flexuosa, & fabulosis imaginibus interspersa circumductos eo quosque trahit, ubi se nemo recognoscat; sed ipsa rerum Universitate circumfusus, absorbeatur; ac denuo conjunctus cum mente summa, ex qua delibatus est, se Deum esse credat. Nam, ut ex sensu Platonis Tullius; Deus est, qui viget, qui sentit, qui meminit, qui prævidet, qui tam regit, & moderatur id corpus, cui præpositus est; ut nemini videri mirum debeat, si tam multi ex hac disciplina fanatici lymphatique prodire; tamque multa poeticis decora fabulis, a Poetis demum avide arrepta, & ad fastidium usque inculcata esse reperiantur.

XXXIV.

ET ea quidem priore in Libro, melius in altero tamen nodum solvisse hunc arbitramur. Considerata quippe Platonis doctrina, qua Iudices aliquando constituit apud Inferos Justitia Custodes, actuumque humanorum vindices & remuneratores; eorumque nomina & officia, & varia poenarum genera, quæ improbis infligere ipsi dicebantur, adsignat; animadvertendum statim duximus, veteres Philosophos non semper ex systemate loquutos, sed, Poetarum instar, modo communes ad opiniones, modo aliorum adluisse ad sententias, modo ad suas. Dialogos illi, ut in Platone, & Tullio, videmus, frequentissime scribebant, in quibus per inductas, quæ loquerentur, Personas, opposita principia, oppositas tueri Leges, opposita sæpe etiam Dogmata propugnare videbantur. Quamobrem, esto uti Vulgus haud semel loquerentur, & communem ad opinionem omnis eorum accomodaretur Oratio, alia tamen erat, quum veritas ipsa limaretur, in Disputatione sententia, & ratio cogitandi. Permanere animos fateri, imo arbitrari etiam videbantur, ob consensum Nationum omnium, aut timentium inferos, aut colentium, nempe ob universalem Populorum omnium Traditionem,

H 2

nem,

nem, & Religionem. Ast ubi ventum erat ad modum illius permanentiæ explicandum, statim tunc humana Ratio & Philosophia omne destruebat universalis Religionis ædificium. In veteribus igitur Philosophis distinguere opus esse subjecimus, quid ex ore omnium æque comuni ex sententia, quid contra, ex propria, exque systemate protulerint: postremum hoc, futuro adversari Sæculo; illud autem futuram vitam confirmare vehementer; eamque esse clavam doctrinæ eorum intelligendæ; qua de re, uberrima protulimus exempla, minime in præsens repetenda.

XXXV.

CANONEM certe illum confirmare possumus ex iis quæ Johannes habet Clericus in Notis ad Prolegomena Ecclesiasticæ suæ Historiæ, qui sibi Poetarum veterum in gratiam illud speciosius objiciens, ipsos nimirum de Diis perinde ac de hominibus esse sæpenumero loquutos; sed multa adhuc tamen passim ab eisdem dici & prædicari, quæ in homines minime quadrare possunt; qualia non pauca colligi ex eorum scriptis queat; ac proinde quæ minus consentanea præstantissimæ supremi Numinis naturæ ab iis dicuntur, allegorice esse intelligenda. Cui ob-
 sto re-

Sto regerit ille tamen : haud diffiteri se , eam
fuisse Poetarum scribendi rationem ; deque Jove ,
exempli causa , dicta esse ab Homero , aliisque ,
quasi de summo Deorum , multa quæ Deum
verum deceant , quæque de homine cogitari nul-
lo modo poterant . Ejusmodi repugnantiarum
tamen rationem Viros doctos non esse satis ad-
sequutos , quam dudum adperuisse se subdit Cleri-
cus , & paucis hic etiam adponit . Nimirum apud
Græcos , ut apud ceteros omnes Populos , fuisse
quasdam ait primævæ & veteris Theologiæ notio-
nes , ab antiquissimis humanæ Gentis Conditoribus
acceptas , e quibus notionibus aliquando de Diis
loquutos rectissime Poetas . Notionibus autem il-
lis magna ex parte oblitteratis , subjisse novum
quoddam falsumque Theologiæ genus , quo ho-
mines , & quidem improbi , Deorum in nume-
rum relati , unde quæcumque absurda de Diis
dicta sunt , denique manarunt . Poetas repugnan-
tia duo hæc Theologiæ genera non invexisse
primos animadvertit , sed jam hominum in ani-
mis inventa exornasse , & expoliisse ; aut , si ma-
gis , magis & magis corrupisse . Nihil igitur
necessum esse quæri propterea oportere allego-
ricas interpretationes ; ea enim de causa factum
esse , ut Homerus nunc de Jove ea dixerit ,
quæ revera Deo digna sunt ; nunc quæ homini ,
& quidem improbo , melius conveniunt ; nunc
eum

eum in cœlo habitantem e prisca Theologia descripserit; nunc vero in monte *Olympo*, qui in *Theſſalia* fuit; unde poſtea etiam factum, ut *Cælum*, & *Olympus* miſcerentur, quæ erant ſane diverſiſſima. Jam vero quod de Poetis ait Clericus, idem omnino de Philoſophis veteribus, ſive eorum de ſcribendi ratione, ſtatuumdum. Sparſa erant adhuc ſiquidem per Orbem univerſum veræ primæque veſtigia Religionis; interpolataque Religio veræ vices ubique agebat; obtinebantque omnes apud Populos ſumma illa Naturalis Religionis Capita, fabulis licet interſperſa. Non erat autem veriſimile, omnes Philoſophos ea laboraſſe imprudentia, ut Inferos & Elyſios fabulam rotundo ore appellantes, Populum efferare vellent, & Magiſtratum in ſe judicia provocare. Populus ſiquidem jam tum de Philoſophia, ceu Religioni inimica, ſiniſtre ſentiebat; cujus rei locupletiſſimus teſtis eſt Plutarchus, in Vita Niciæ ſcribens: *Primus, qui lunaris luminis, atque umbra cauſſam deprehendit, & litteris mandare auſus eſt, Anaxagoras fuit, qui neque multo ante ea tempora clarueraſſet, neque in Vulgus adhuc opinionis ejus fama prodioraſſet, ſed inter paucos admodum verſabatur, qui non ſine metu talia proferre audebant. Neque enim facile de rerum natura ſermones Populus admittebat, ſed ejuſmodi ſtudiis deditos homines inani*

inani labore tempus conterere arbitrabatur, quum in his rebus laborarent, quas nihil in se rationis habere, & nullatenus ab hominibus prævideri posse putabat: tum vero talia quærentes impietatis crimine suspectos Populus habebat, quasi Divinum Numen quibusdam necessitatibus & terminis circumscribere volentes. Itaque & Protagoram Athenis pulsum fuisse: & Anaxagoras in carcerem ductus, vix a Pericle servari potuit. Tunc igitur temporis Sapientes satagere, ut Philosophiæ arcanioris mysteria vocibus tegerentur a Religione consecratis; quin eorum tamen systemata possint simulationibus illis jure vindicari. Aut Philosophiam fortasse omnem, veluti mentis lufum Philosophi illi magnam saltem partem habuere; nec illius eam fortasse habuere rationem, quam nos stultissimi in præsens. Hinc tot egregia apud eorundem nonnullos ex Traditione communi hausta & ornata, uti illa Socratis, de Legibus a Dns ortis, apud Xenophontem. Quæ tamen in hypothesi nullam habuissent aliam futuræ vitæ, diverforumque ejus statuum notionem, quam apud Populos receptam, & ab universali Religione derivatam.

XXXVI.

UNUM modo adjicere fas sit contra opinionem de certitudine futuræ Vitæ a Philosophis promissa. Nempe vel Philosophos illos quoque, apud quos totius humani Generis auctoritas & consensio plurimum valebant, quique hoc Religionis Caput, verum esse quam maxime voluissent, illos adhuc, inquam, eo in Dogmate nutasse, nuncque ad auctoritatem & Religionem, nunc vero ad Philosophiam denuo flexisse, cujus exemplum rei in ipso habemus Tullio; qui ubicumque Philosophum agit argumenta argumentis opponit, exempla exemplis, ut re in dubitationem revocata, cuicumque liberum sit de ea arbitrari quicquid verisimile sibi videatur. Marcus ille qui apud Tullium, Libro Tusculariarum Quæstionum primo, cum Attico de contemnenda morte differit, enumeratis Philosophorum animi de natura sententiis, harum, subdit, quæ vera sit, Deus aliquid viderit. Atticus quidem delectari se fatetur in ea, quæ spem affert, docetque posse animos, quum a corporibus excefferint, in cœlum, quasi in domicilium suum, pervenire: quod etiamsi ita futurum non sit, sibi tamen persuaderi vellet; cujus causa evoluisse se ait diligenter, & quidem sapius, Pla-

Platonis Librum, qui est de animo; sed nescio quo modo, subdit; dum lego, assentior: quum deposui Librum, & mecum ipse de immortalitate animorum cœpi cogitare, assensio omnis illa elabitur. Platonem inducit Orationem proferentem, qua usum facit apud Judices Socratem jam morte mulctatum, & apud Tyrannos præstantissimum Theramenem. Voluisse autem in ea legimus Platonem id modo, quod Attico Marcus persuadere conabatur; nostri scilicet, si-
~~ve post mortem remaneat, si-ve sit animus ejus~~
etiam post fata superstes, mori tamen nunquam malum esse dicendum. Ea prorsus ratione, qua, etiam si aliquando se ait Tullius iis minus posse assentiri, qui cum corporibus simul animos interire docebant; atque omnia morte deleri: magisque apud se Antiquorum auctoritatem valere, qui mortuis tam religiosa jura tribuerunt; quod non fecissent profecto, si nihil ad eos pertinere arbitrarentur; seque, si in hoc errasset, quod hominum animas immortales esse credidisset, lubenter tamen errare, nec sibi errorem illum, quo delectabatur, velle, dum viveret; extorqueri; hæc, inquam, quum & in Libro de Amicitia scripssisset Cicero, & in Libro de Senectute; ibidem tamen, o miserum, subdit; senem, qui mortem non contemnendam esse in tam longa ætate non viderit, quæ aut plane

negligenda est, si omnino extinguit animum; aut etiam optanda, si aliquo eum deducit, ubi sit futurus æternus! Rogo jam vero, num verisimili tantum, & incerta in re rationem augendæ felicitatis, aut minuendæ infelicitatis ponere momenta debeamus?

XXXVII.

Non negaverim Philosophos Christianos, illustriores in medium protulisse immortalitatis animæ demonstrationes, quas fuscè recensuimus, ubi de Traditione egimus Principiorum Legis Naturalis; eas tamen apud aliquos tantæ virtutis non fuisse animadvertimus, ut eorum extorquere potuerint consensum; præsertim quum demonstrationes illæ pene omnes, uti nostrorum, ita æque Brutorum animi immortalitatem viderentur denique probare. Sint tamen, per nos licet, sint illæ, veræ demonstrationes; illarum vi tamen alteram credidisse vitam Arabes, Ægyptios, Chaldaeos, Græcos, & Romanos, non imaginabitur Zanottus, uti nec earum ope futuram credunt nunc vitam tot hominum myriades, qui an ne umquam in rerum natura fuerit, qui demonstrationes invehit illas, ne quidem cogitarunt. Quis enim Vulgarium hominum, Populisque, qui non ex corona modo, sed

sed etiam ex chlamydati constituitur , certo sibi persuadet futurum se , morte obita , superstitem , quod anima principium sit motus ; aut quod nihil contineatur in idea animæ , eorum , quæ concipiuntur in idea corporis ; aut quod perpetua oppositio adsit inter judicia intellectus , & judicia sensuum ; aut quod divisibilis sit materia , intellectio ex opposito indivisibilis , (quod tamen naturam animæ respicit , non ejus immortalitatem ; & natura quoque indivisibilis , si creata tamen sit , & ex nihilo educta , doctissimorum hominum sententia , in nihilum reverti suapte natura postulare videatur .) Quis inquam , hisce , similibusque actus argumentis , certo immortalem se futurum credit ? Quare autem ex hodierno , quod sub oculis est , hominum genere , de præteritis omnibus cogitare non debemus ? Præsertim quum non virtute ratiocinii veritatem illam tenere mortales debeant , sed instar , ut ita dixerim , principii . Principium autem , ut fusc adeo , de honestate differens , statuit Cl. Zanottus , a ratiocinio pendere non debet . Verum hac de re mox ; placet enim prius unam ex allegatis ejus propositionibus in examen revocare , ut rem ejusmodi uberius illustremus .

XXXVIII.

SIQUIDEM ut Rationi cognitionem & certitudinem assereret futuri animorum status, hæc ille, ut vidimus etiam, protulit: *Probare non possum, Maupertuisium humanam rationem coade-gisse, nihil ut expectet post mortem; nec intelligo, quonam pacto id cum Religione componatur, quæ numquam Rationi fuit inimica.* Quo equidem in effato mirum in modum diversissimas res, rerumque diversissimas ideas confundit Vir doctus. Ex quo enim Religio non sit Rationi inimica, haud perinde inferri debet, eam omnia præstare Rationem posse, quæ præstat denique Religio. Ut enim Mysteria Christianæ doctrinæ in præsens omittamus, quæ, Bælio, & miseris tantum, & invisissimis Socinianis exceptis, non contra rationem, sed tantum supra rationem esse, omnes omnino Sancti Patres, omnes rerum Ecclesiasticarum Tractatores, Theologi omnes, docuere; quin tamen humana ratio Mysteria illa non dicam comprehendere, sed intelligere etiam perfecte valeat; quare supernaturali fidei donum opus esse consequamur. Ut, inquam, ejusmodi omnia omittamus, rogarem Cl. Zanobium tamen, num Ratio sit sensui inimica? aut supremus Dux Legato suo inimicus? aut suæ

.IIII.XXX

S I

totus

tôtus exercitus Legioni? aut rudiori homini doctissimus Philosophus? minime quidem gentium, regeret opinor ille. Num vero ex quo Ratio sensui non adversetur, supremus Dux Legato, exercitus Legioni, Philosophus rudiori homini, quæcumque poterunt Ratio, supremus Dux, Exercitus universus, & præstantissimus Philosophus, æque præstare poterunt sensus, Legatus, Legio, & homo nulla imbutus disciplina? Non reor tantum Virum consequutionem tam ineptam concessurum. Certe Dogma futuræ vitæ prima inter Legis Naturalis principia esse enumerandum negabit nemo; nosque etiam præcipuum statuimus, ubi de illis fuse egimus. Verum, non ideo naturalia dici ostendimus ejusmodi principia, quod a natura, & ratione ortum habeant; sed quod illi accomodata sint prorsus, & omnino necessaria. Ejus vero rei claram apertamque exhibuimus imaginem in communi animæ theoria, quam facile concipimus naturaliter corpori uniri, in eo naturaliter esse; ejusque ad motum naturaliter aliquando & ordinate moveri; quin tamen eandem aut corporis, aut hominis virtute effici posse credamus; solumque a Deo creari fateamur. Quamvis vero haud me lateat, non ita omnes de essentia & unione animæ cum materia cogitare, ita cogitaturam reor tamen Cl. Adversarium, Peripatetico-

ticorum, ut videtur, sententiis additum. Quot egregii veteres recentioresque Scriptores Religionem cum Ratione perfectissime coire ostenderunt, quin tamen eisdem in mentem caderet pares esse utriusque vires, aut Rationem Religionem non indigere? Ex tenuitate imo Rationis, post peccatum præsertim, Religionis necessitatem demonstratam esse contenderunt; quare Eminentiſſimus Poliniacus, ita suum abſolvit Librum Anti-Lucretii nonum.

*Quapropter geminis fundatur nostra columnis
Religio: quas non timor, aut male suada
cupido,*

*Ipsa sed ante oculos prudens Natura locavit:
Esse Deum Auctorem rerum, Justique re-
nacem;*

*Esse animos nullo perituros temporis ævo.
Sed quia non poterant hominum diversa per
Orbem.*

*Tot capita inter se concordi degere sensu;
At primam veri effigiem turpavit in horas,
Qui passim infecto de fonte scaturit error;
Natura vox considerat, lex viſta fugebat
Natura, humanis nisi vox Divina sonaret
Auribus; O sanctam, cui vos submittere
vellet,*

*Anioto Deus ipse daret velamine, Legem:
Us fax Natura, meliori lumine fulgens,*

Jam

Jam dubia nobis malefidas vinceret umbras.

Opprimerem heic copia testimoniorum Cl. Zannotum, si testimonii res agenda foret; a Bælianis quippe ad nostra usque tempora, quoque fuere vel inter Anglos, & Gallos, & Batavos, Germanosque, præstantissimi rerum harum Scriptores, difficilius esse arbitrati sunt difficultatibus, quæ se se offerunt in Systemate Religionis tantum Naturalis, quam iis, quæ e systemate effluunt Religionis revelatæ objectionibus occurrere. Verum cum Viro, qui solis utitur ratiociniis, rationibus etiam solis agendum est.

XXXIX.

NON possumus tamen, quin egregium Tertulliani testimonium in medium adferamus, quum agatur in eo præsertim de immortalitate animarum, sive de illius cognitione, quam a Religione magis, quam a ratiocinio, & a Philosophia tuetur hauriendam. Ille igitur ita in Libro de Anima scripsisse legitur: *Certe nullum alium Animæ Demonstratorem, quam Auctorem. A Deo discas, quod a Deo habeas; aut nec ab alio, si nec a Deo. Plane non negabimus aliquando Philosophos juxta nostra sensisse. Testimonium veritatis est etiam inventus ipseus. Nonnumquam*
Q in

Et in procella confusis vestigiis cæli Et fracti, ali-
 quis portus offenditur prospero errore; nonnum-
 quam Et in tenebris aditus, quidam Et exitus de-
 prebenduntur cæca felicitate; sed Et natura plera-
 que suggeruntur quasi de publico sensu, quo ani-
 mam Deus dotare dignatus est. Hunc nata Philo-
 sophia ad gloriam propriæ artis inflavit præ studio
 (non mirum si ista dixerim) Eloquii, quidvis strue-
 re, atque destruere eruditi, magisque dicendo per-
 suadentis, quam docendo. Ante pauca vero dixe-
 rat, Socratem moriturum, plura quidem de im-
 mortalitate animæ loquutum, sed ad injuriæ fru-
 strationem; illiusque sapientiam de industria ve-
 nisse consultæ æquanimittatis, non de fide compertæ
 veritatis. Significare nempe Tertullianus satage-
 bat, casu potius, quam vera scientia Philoso-
 phos in illas incidisse summas veritates; aut eas
 e vi potius & speciali mentis solertia, quam ex
 constanti hausisse & certissimo principio; adeo-
 que easdem rudioribus non potuisse demonstra-
 re. Qua nam ratione revera ceteris eas demon-
 strassent, quum de illis ipsi adhuc dubitarent?
 Plinius frequentissime mundum æternum, eum-
 que Numen æternum appellare solitus, immen-
 sum, neque genitum, neque interiturum um-
 quam; ejusque cetera indagare, nec interesse ho-
 minum, nec humanæ mentis capere conjectu-
 ram, Libro tamen Historiæ Naturalis secundo,

Quis-

*Quisquis est Deus, inquebat, si modo est alius
præter mundum, & quacumque in parte, totus est
sensus, totus visus, totus auditus, totus animæ, te-
rus animi, totus sui. Quæ optima videretur co-
gitatio immaterialitati Dei demonstrandæ, nisi
de distinctione subiecti illius immaterialitatis a
mundo dubitasset. Sic Lucanus, Libro Pharsa-
liæ VIII.*

*Tunc Cilicum liquere solum, Cypoque ci-
tatas.*

Immisere rates, nullas cui prætulit aras

Undæ Diva potens Paphiæ, si Numina nasci

Credimus, aut quemquam fas est cœpisse

Deorum.

Illud autem si, ut vides, totum, ut jam dixi-
mus, destruebat ædificium; quod, si quando ve-
teres Sapientes de altissimis rerum harum disce-
rebant principiis interesse perpetuo consueverat.
Itaque si de immortalitate animorum, deque fu-
tura vita doctiores dubitabant, quid de Populo
fuisset, nisi Religio tam necessarium illi suppe-
ditasset vitæ recte ordinateque instituendæ fun-
damentum?

XL.

*NE vero nos veterum erroribus Philosopho-
rum abuti velle quis credat, aut humanæ cor-
ruptionem naturæ, humanique intellectus tenui-
tatem*

tatem nimium exaggerare; alia via contra Cl. Zanottum differemus. Dabimus igitur liberaliter ita cogitanti, futuræ Dogma vitæ unam ex illis esse veritatibus, quibus statim atque propositæ humanæ menti sunt, ipsa acquiescat, neque ulla valeat ratione, earum de existentia dubitare. Itaque futuram esse vitam homini pene omni certissimum principium esse, eo modo quo principia definit Cl. Zanottus, constituamus; ita enim ille de honestate rerum loquens, principiorum naturam definit: Qui de Principiis disputant, haud satis eorum ideam, aut vocem percipere se manifestant. Nil enim aliud eo donant nomine Philosophi, quam effata illa, quæ semel menti proposita, ita mens eisdem adhæret, ut, vel invita, nullo possit pacto de eisdem dubitare. Itaque statim atque aliqua de re, vel volens, dubitare non posses; vel si contra differerent Philosophi universi, principium illa tibi esto; non enim argumentis, & disputationibus, sed intimo quodam sensu principiorum natura, veritas, & firmitas, percipitur. Neque enim, quo rem ita se habere dignoscas, opus est inquiras quid alii senserint, aut sentiant; quum semel atque rem intime certo teneas, oppositæ aliorum opiniones efficere non possint, ut id, de quo dubitare non potes, tibi non sit certissimum principium. Quæ quidem Zanotti defi-

definitio, etiamsi relate ad moralem rerum honestatem, & turpitudinem admitti possit; haud video tamen, an æque certa dicenda sit, relate ad alias veritates, quæ non suapte natura e rebus ipsis effluunt, sed suam habent e causis extrinsecis & liberis existentiam; uti doctrina est futuræ vitæ. Quamquam & illa definitio per se latius nimium patet; quot enim sunt de quibus nobis videre videmur nulla posse ratione dubitare, quæ tamen & falsa sunt, & in dubitationem ab aliis revocantur? Heinc quam infinita essent, aut innumerabilia, & inter se opposita Principia! Dic homini e Vulgo ut dubitet terram stare, solemque moveri; dic eidem dubitet ignem in se calorem intrinsece non habere. Te ille delirare consequetur. Quot etiam, quæ a sensibus non dependent, a nonnullis instar principiorum habentur, quæ alii vera esse negant? Quin & propositiones, & consequutiones omnes, de quibus dubitare aliquis non poterit, pro allegata Viri Cl. definitione, homini dubitare non valenti principia evadent; quod nemo tamen dixerit. Non satis igitur, axiomate citato, Principiorum naturam explicatam esse arbitramur. Sed & nullius est usus quæcumque principiorum cognitio, & certitudo, ignorata applicandi illa principia ratione, uti a tot egregiis ætate nostra Viris demonstratum est.

XLI.

PONIMUS adhuc tamen principium veluti esse homini cuicumque, sola intellectus vi, & nulla habita Religionis ratione, futurum se morte obita superstitem. Quot adhuc desiderantur tamen, ut cognitio illa evadat practica, utque vim habeat tum retrahendi hominem si summa in infelicitate versetur, ab autocheiria; tum ut ex ea rationem petat minuendi momenta infelicia? Plurima quidem adhuc desiderantur, & quæ solum a Religione possunt obtineri. Et quod ad primum quidem adtinet, Zanottum rogo præstantissimum, cur homo quicumque sibi certo persuadere debet futurum se, morte obita, superstitem? Causam ejus rei ipsum jam in medium protulisse novimus: *Ignoro, scripsit, cur fidenter adeo adferatur, humana ratio carens omni spe futura vitæ; quare, qui fortiter constanterque præsentis mala vitæ sustinuerit, præmium in altera non possit expectare.* Quo ex argumento præconceptum a Zanotto vides id quod, hisce in ipsis suis Animadversionibus, ipse non admiserat. Dum enim Maupertuisius statuit, bonorum hac in vita summam a complexione malorum longe superari, Zanottus, suorum contra mentem & sententiam Stoicorum, hominum veluti impoten-

ten-

tentiæ hanc querelam tribuit, ceu probi videri vellent, quod sint infelices, quum vulgo infelices, probi dicantur, improbi, felices; aut aliorum commiserationem ciere potius vellent, quam invidiam; aut exaggerationibus Oratorum, & Tragicorum imaginibus, totus ille questus asserendus esse videatur. Et tamen tot illi Viri summi, qui de Religione, vel de Theologia puriori Gentilium scripsere, ea præcipue de causa, mortales omnes futuræ judicium vitæ timuisse infinitis Veterum testimoniis ostenderunt, quod bona malis, & mala bonis, hac illi in vita contingere cernentes, non aliam tuendæ Divinæ Justitiæ rationem excogitassent, quam si post mortem aliud adhuc supremumque statuerent judicium. Si justus est, inquiebant, ut equidem est justus, ille rerum omnium summus Imperator, altera profecto post hanc reliqua est vita; quum enim in hac prosperum ac felix scelus, virtus vocetur, fontibus pareant boni; jus sit in armis; opprimat Leges timor; nec ad latenter peccantes earum severitas se se extendat; alter necesse est futurus sit status, alterque Judex, qui audiat, castigetque dolos,

subigatque fateri

Quæ quis apud superos furto latatus inani,

Distulit in seram commissa piacula mortem.

Itaque si, quum res hominum tanta caligine vol-

vi

vi aspicerent, lætosque diu florere nocentes, vexarique pios, quare penè labefactata eorum caderet Religio; alterius tamen opinione vitæ, hunc tandem sibi facile auferebant etiam Ethnici tumultum, Deosque absolvebant, cur adeo miratur Zanottus, de iis, qui, seposita Religione, de præsentī queruntur Œconomia, statuuntque, bonorum summam, a summa malorum hac in vita longe superari?

XLII.

VERUM, ut vidimus, ad allegatum confugiendo argumentum, jam tandem præconcepit ipse quoque quod irriserat. Inquirendum adhuc tamen, cujus sit virtutis illud argumentum, si Religione non fulciatur. Qua equidem in re non excitabo heic audacissimas Bælii concertationes de origine mali, quibus argumentum evertere illud velle videamur, neque animadvertemus, haud omnibus adrisisse Leibniziana, Wolfianaque Bælianis illis Objectionibus Responſa, quæ magnas potius cierunt undique Quæſtiones; quare Buddeus, in Introductione ad Philosophiam Hebræorum consequutus sit, cur Viris bonis mala accidunt, quum sit Providentiā, ex sola ratione, seposita Traditione, nullo modo posse expediti. Non excitabimus, inquam, has quæſtiones,

nies, quæ male animatum Philosophum turbare possunt, non bene affectos populares. Verum, ut argumentum adhuc illud apud hosce certum sit, & practica evadere possit ejusmodi cognitio, animadvertendum primum ducimus, haud satis esse, si quis ex Justitia Divina imaginetur alterum futurum omnia compensantem statum; ast æque necessum est, aliquam ut habeat sibi constitutam illius status notionem, quæ sola certe ratione, apud Populum præsertim, figi, statuique non potest. Quomodo enim quis speret, aut timeat id, quod quale sit ignorat? Num quæ possibilia sibi futura fore quis conciperet, dein Academicorum phrasi subderet: *Horum quoddam verum sit, Deus aliquis viderit?* aut Socratis uteretur morituri verbis: *Sed tempus est jam hinc abire, ut moriar: Vos, ut vitam agitis. Utrum autem sit melius, Dii immortales sciunt; hominem quidem scire arbitror neminem?* (Tullius Libro Quæstionum Tusculanarum I.) Ut porro firmissimum ducebant etiam Ethnicorum nonnulli alteram futuram vitam, permanfurosque animos, consensu Nationum omnium, intimoque quodam naturæ sensu; ast vero qua in sede manent, qualesque futuri sint, ratione dignoscendum esse contendebant; heinc, ut allegato videri potest Tullii loco, quum ratio sedes illas a communi Populorum voce decantatas, com-
muni-

munique Traditione receptas; irrideret, ratiocinia inducta sunt illa, quibus, dum permanentia, & confusio humani animi cum anima mundi demonstraretur, diversi illi poenæ, gaudiique evertébantur status; quod idem profecto erat, atque futuram vitam verissime evertere, secundum quod concepta & statuta fuerat ex argumento illo a Divina Justitia derivato. Everfis sane Tartari, Erebiq̃ue, & Orci apud Ethnicos opinionibus, ablatus omnis fuit timor Sæculi futuri; & exemplum non dicam Virgilii, Libro Æneidos sexto, Erebum describentis respectu ad Romanorum Forum, & Judicia Græcorum; sed ipsius etiam Salvatoris ad mores alludentis, adque consuetudines, ad Judices, & Leges, & ad nota Judæorum Tribunalia, in præmiis poenisque futuri Sæculi explicandis, sat evincit, necessariam aliquam fuisse, quo crederentur, illorum statuum notionem. Omnes omnino Gentes de sedibus alterius vitæ, edoctæ suis a Sacerdotibus fuere, nominibus ex analogia locorum amœnorum, vel horridorum derivatis, quod impossibile fuisset prorsus, Populo persuadere, dari improborum poenas, & præmia proborum, nisi quæ & qualia essent, quisve earum foret locus, aliqua ratione, esto pinguiori minerva, explicatus; iccirco Elysii Campi, & Fortunatorum Insulæ, & Inferorum flumina, necessario

fario veluti induc̃ta ; quorū de Origine satis olim diximus . In præsens puriora dogmata , beneficio Numinis , Christiani contemplantur . Quicquid tamen apud mortales omnino omnes de statibus , & sedibus alterius vitæ receptum fuit , a Religione , licet interpolata , non a ratione , fluxit ; uti veræ debemus Religioni quicquid nos de rebus ejusmodi concipimus .

XLIII.

ANIMADVERTENDUM autem Cl. Zanotto erat , quemnam ob finem Maupertuisius futuræ cognitionem vitæ asserendam duxerit Religioni ; nempe , quo cogitatio illa tantæ virtutis foret , ut vel hominem maxima in Infelicitate constitutum avocaret ab autocheiria ; vel ipse saltem futuri gaudii meditatione momenta minueret infelicitatis . Hæc omnia jam vero præstare non posset cognitio futuræ vitæ in homine nulla actō Religione . Homo quippe sola præditus ratione , etsi futuram esse vitam cogitaret , in qua virtuti præmia futura essent , supplicia peccatis ; ast ne se tamen miserrimo in statu occidat ; utque seipsum Ipe futuræ vitæ consoletur , tria adhuc certissime teneat oportet ; primum quidem , autocheiriam , ejusmodi esse actum , qui multo deteriorem in conditionem futura in vita

L ipsum

ipsum sit idestutur; deinde, Numinis voluntatem, & imperium esse, ipsum, statum illum duræ infelicitatis fortiter debere, constanterque tolerare; demum certo sibi persuadeat, se, talem ob patientiam, atque obedientiam, ita Deo acceptum fore, ut præmium altera sit in vita certissime consequuturus. In hæc autem tria quantum influere sola Ratio possit, videamus.

XLIV

Et quod ad primum quidem adtinet, ut aliquod suppeditem ipsemet præstantissimo Viro, quocum disputare pergo, argumentum, non ignoro quæ apud Tullium leguntur in somnium Scipionis, ubi P. Cornelius Scipio fingitur nocte quadam Carthaginem vidisse de excelso & pleno Stellarum illustri & claro quodam loco, Africanumque audivisse adferentem, certum esse in cælo & definitum locum, ubi Beati ævo fruerentur sempiterno, vivereque eos, qui e corporum vinculis, tamquam e carcere, evolaverunt, nostram vero, quæ dicitur vita, mortem esse: quin & ad se venientem Paulum Patrem quum adspiceret, dixisset: *Quæso Pater Sanctissime, atque Optime, quoniam hæc est vita (ut Africanum audio dicere) quid moror in terris? quin huc ad vera venire propero? Non est ita;* (respondisse fingi-

fingitur Paulus) nisi enim Deus is, cuius hoc templum est, omne quod conspicias, istis te corporis custodiis liberaverit, huc tibi aditus patere non potest. Homines enim sunt hac lege generati, qui tuerentur illum globum, quem in hoc templo medium vides, quæ terra dicitur; hisque animus datus est ex illis sempiternis ignibus, quos sydera & stellæ vocatis: quæ rotundæ & globosæ divinis animata mentibus circulos suos orbesque conficiunt celeritate mirabili. Quare & tibi, Publi, & piis omnibus, retinendus est animus in custodia corporis: nec injussu ejus, a quo ille est nobis datus, ex hominum vita migrandum est: ne munus humanum assignatum a Deo diffugisse videamini. Hoc jam verò ex testimonio, hacque ex doctrina, quam ex Phædone Platonis mutuatus est Tullius; ille vero ex Pythagora hauserat, ut ex Ciceronis Libro de Senectute eruere est, inferre quis posset, naturali dignosci posse lumine, licitam non esse autocheiriam; præsertim quum Virgilius, Libro Æneidos VI. Stygiam inter paludem, & lugentes campos, tertium iis adsignet locum, qui non scelere adacti, sed miseriis pressi, mortem sibi voluntariam consciverunt.

Proxima demde tenent mæsti loca, qui sibi lethum

Insontes peperere manu, lucemque perosi,

*Projecere animas ; quam vellent athere in
alto*

*Nunc & pauperiem , & duros perferre la-
bores !*

*Fata obstant , tristisque palus innabilis unda
Alligat , & novies styx interfusa coërcet .*

Quibus fane fortiora non reperio , unde Zano-
tti in favorem differere quis posset , præconci-
pientis , sola ratione duce , posse homines co-
gnoscere , fortunam , quæcumque foret , feren-
dam esse , sui que occisionem , ejusmodi esse
actum , qui eos in deteriore valde conditionem
altero fit in Sæculo ducturus .

XLV.

VERUM qui , Zannotto vindicando , ejusmodi
uteretur testimoniis , dubito an ea sat serio per-
pendisset . Num enim ignorare posset , Virgi-
lium toto in Poemate Religionem habere præ-
conceptam , nec , nisi ornatus causa , Philoso-
phorum aliquando ad systemata adludere ; dictum-
que ab Sancteuremontio , Virgilianum Heroem ,
ad instituendum potius Monachorum Ordinem ,
quam ad facienda magni Imperii fundamenta
idoneum ? Eadem vero ratione Tullius , in
somnia Scipionis , Paulum Patrem e cœlo dela-
psum inducit egregias illas sententias Cornelio
Sci-

Scipioni explicantem ; probe Platonem imitatus, qui, in decimo de Republica, Armenium quemdam inducit ex Inferis reducem, qui ea, quæ apud Inferos agebantur, traderet, & doceret. Quibus quidem ex locis abest adeo, ut Rationi illa Dogmata asseramus, quin potius vel ipsi nos doceant Ethnici prudentiores, eadem, nisi a Religione, non esse expectanda. Quamvis enim ex Systemate in Atheismum Philosophi illi raperentur; ast ut communi quodam e sensu, consensuque, non semel loquebantur, heinc intelligebant, summas illas veritates altiore indiguissse lumine, quo certæ fierent, jurisque vim induerent. Notum est Aristotelem veram optavisse quæsisvisseque, quam reperire non poterat, Theologiam, quamque appellabat *Desideratum suum*, ut Libro III. P. 2. animadvertit Drejerus; doctissimusque Heineccius, in Elementis Philosophiæ Rationalis, & Moralis, §. CCCIII. postquam conceptissimis scripsisset verbis, exstare oportuisse Revelationem aliquam a Deo profectam, quæ illa, ad quæ ratio cœcutit, nobis ostenderet, defectumque illum suppleret: agnovisse omnes Religiones Revelationis cujusdam necessitatem; quumque jam inde ab ipsa humani Generis origine homines illa Revelatione indiguerint, consequens esse, ut Revelatio vera & Divina debeat esse antiquissima, adeoque & ita con-

conservata, ut nec temporis, nec hominum injuriis, quidquam ceperit detrimenti: primam Revelationem in Paradiso factam esse, & per tot sæcula sapientissime conservatam; postquam hæc, inquam, ipsa scripsisset Heineccius, in Notis hunc ad locum statim etiam subjecit. *Eo minus hæc Doctrina miranda est, quo magis constat, ipsos Paganos Philosophos aliquando ita ratiocinatos. Socrates sane apud Platonem in Phædone, diu multumque de mentis immortalitate, ejusque conditione post mortem, sermocinatus, tandem hac in re cæcutire rationem agnoscit. Ex ea infert, alterutrum horum fieri debere ab homine sapiente, aut eum dicere debere, & invenire quem admodum illa se habeant; aut, si hoc fieri nequeat, optimam ac tutissimam humanarum rationum eligere, qua, tamquam rate vestus, procellas hujus vitæ pertranseat, & hanc posteriorem viam omnino ingrediendam esse censet; nisi forte liceat istas vitæ procellas firmiore quadam vehiculo, vel* **DIVINO QUODAM VERBO** *tutius, ac minore cum periculo tranare. Verba aurea, & consideratu dignissima. Hucusque magnus ille Heineccius, qui & Græca Socratis ipsa verba refert, a nobis maximo Operarum negligentia & inscitia timore omit- tenda. Si præceptum igitur de non perpetranda autocheiria ipsimet Gentiles Religioni asserebant, quæ nostrorum est fidentia illud tribuere Rationi?*

XLVI.

NEC tamen heic Animadversionum finis. Paulus enim ille, qui a Tullio loquens inducitur, non de iis sermonem habet, qui angustiis & infelicitate maxima oppressi, ipsos se occidendos statuebant; sed de iis solum, qui, pulchritudine acti beatarum sedium caelestium, illuc, nondum a Deo vocati, properare cogitarent. Ignoramus autem quid Paulus dicturus Scipioni Publico fuisset, si ipsum maximis constitutum in angustiis intellexisset. Vel enim ipsæ diurnæ & maximæ angustiae pro Divina voluntariam ad mortem invitatione interpretari potuissent. Qui enim Religione caret autocheiriam prohibente, negat fas non esse captivo a durissimis se subripere catenis; speratque Judicem fortasse futurum, altera in vita, naturæ amicum & benevolum Parentem, non puniturum eos qui ab intolerabilibus se liberaverint infortuniis. Cur enim illo in statu, illisque in circumstantiis non fuerit mors ipsa bonum a voluntate pene naturaliter optandum? Quam egregie Divus Augustinus, Libro III. de Libero Arbitrio Capite VIII. Neque enim moveri nos oportet eorum iudicio, qui urgente miseria se se interemerunt. Aut enim eo confugerunt, ubi melius fore sibi putarunt; aut si nullos se futuros omnino crediderunt, multo minus falsa electio nihil

hil eligentium commovebit. Veruntamen ut de hac tota re, si potero dicam quod sentio. Nemo mihi videtur, cum seipsum necat, aut quolibet modo emori cupit, habere in sensu, quod post mortem non sit futurus, tametsi aliquantum hoc in opinione habeat. Nam opinio aut in errore, aut in veritate ratiocinantis est, vel credentis: sensus autem aut consuetudine, aut natura valet. Posse autem fieri ut aliud sit in opinione, aliud in sensu; vel ex hoc cognoscere facile est, quod plerumque aliud faciendum esse credimus, & aliud facere delectat. Et aliquando veracior est sensus quam opinio, si illa de errore, ille de natura est Solet autem & recta opinio pravam corrigere consuetudinem, & prava opinio rectam depravare naturam: tanta vis est in dominatu & principatu rationis. Cum ergo quisque credens, quod post mortem non erit, intolerabilibus tamen molestiis ad totam cupiditatem mortis impellitur, & decernit atque arripit mortem, in opinione habet errorem omnimodæ defectionis, in sensu autem naturale desiderium quietis. Quod autem quietum est, non est nihil; imo etiam magis est quam id quod inquietum est. Inquietudo enim variat affectiones, ut altera alteram perimat; quies autem habet constantiam, in qua maxime intelligitur, quod dicitur, EST. Omnis itaque ille appetitus in voluntate mortis, non ut qui moritur non sit, sed

sed ut requiescat, incenditur. Ita cum errore credat non se futurum, natura tamen quietus esse, hoc est, magis esse desiderat. Quæ adversus Sophistas illos a Sancto Patre dicta sunt, qui mortem, idest nihil, non posse esse arbitrii objectum tuebantur. Pene igitur naturaliter potest homo aliquando extremis constitutus in angustiis ruere in mortem. Nonne Stoici (pulcherrimæ nostri Adversarii deliciæ) qui nec naturali sane lumine, nec philosophico, carebant ratiocinio, malum quidem esse fatebantur in angustiis & necessitate vivere; sed in angustiis & necessitate vivere necessitatem nullam esse subiciebant: patere undique ad libertatem vias multas, breves, faciles; maximas imo Cælitibus agendas grates, quod nemo in vita teneri possit invitus; ideoque, posse volentem mori, maximum esse Numinum ipsorum beneficium, ut ex Senecæ Epistolis palam est? sed Stoicorum de mente & Doctrina relate ad mortem voluntariam suo loco differemus. Interim constare arbitror, Philosophorum sententiam aliquorum, de retinendo animo in custodia corporis; nec injussu ejus, a quo ille est nobis datus, ex hominum vita migrandum esse, ne munus humanum a Deo assignatum, diffugisse videamur, non esse confundendam cum opinione, quam quis imaginari, & efformare sibi posset, hominis ætatu, maximis & diuturnis in angustiis

M

stis

fiis constituti. Quod enim humanum munus homini huiusmodi (si sine Religione sit) potest Deus assignare? Quod munus possumus ipsi a Deo constitutum præconcepere? Quare nec ipsum Virgilium, eos, qui se, miseris pressi, occidisse finguntur, sceleratorum in sedes videmus coniecisse, in Tartarum videlicet, ubi Phlegethon, Tisiphone, Gnosius, & Rhadamantus; sed Inferorum modo ad fauces, & circa stygiam paludem, ubi illorum animæ Infantium,

*Quos dulcis vitæ exsortas, & ab ubere raptos
Abstulit atra dies, & funere mersit acerbo;*

ubi & illi, qui falso crimine damnati capite supplicium luerant; clarique Duces, qui bello periere; apertissimum indicium, non adeo fontes ab illo Vate habitos, qui amoris, vel angustiarum impatientia, violentas sibi manus conscivisse credebantur.

XLVII.

ETSI eos vero Nos non esse diximus, qui vel carentem omni Religione hominem, illum modo ob infelicitatis gradum, de quo ait Maupertuisius, voluntariam si in mortem mueret, commiseraremur; vel enim maximis in angustia humana docere videtur Ratio, posse rerum vires in melius mutari. Verum, ut miserrimus adhuc

adhuc tamen præconcipi status potest ipsa morte, ut videretur aliquibus, deterior; vitioque Generis humani scelus ipsum ita faciem induit virtutis, ut ab homine passionibus, & præjudiciis actō dignosci vix possit; vitia siquidem nos sæpenumero decipiunt, sub specie umbraque virtutum; imo per ipsas aliquando virtutum vias in vitia delabimur, ut quum de humilitate ipsa capimus superbiam; multæ virtutes in vitia degenerant, &, quod magis est, sæpe videas eosdem affectus, pro temporum sorte, nunc virtutes esse, nunc vitia; tunc vero dicimus, solius ope Religionis posse a sui occisione hominem averti. Ut enim Stoicis, ita ceteris æque miserrimis Mortalibus, cur arduæ imo virtutis opus videri non posset ipsum mori? Da mihi nobili genere ortum Virum, suis non modo privatum filiis & rebus, catenisque cinctum, sed infami etiam supplicio, Tyranni, aut Judicis imperio, perimendum. Nonne æqua Ratio videretur illi jure suadere, infamem mortem morte voluntaria esse præveniendam? Quis Deus, sola humana Ratione consultā, punire ipsum deberet, quod certo & necessario moriturus, honori saltē consultasset suo? Nonne huic vindicando in singulare ruunt certamen, qui tot Divinis humanisque Legibus, & pœnis, ejusmodi facinore interdiciuntur? Atrox illa certe pesti-

DND

M 2

lens-

lensque lues tantum Christiani etiam cruoris exhaustit, ut non plura Gladiatorum paria olim Romanorum arena conspexit. Usu autem famaque populari adeo invaluerat tam detestabilis infamia, quod illi vitio ex virtute semen esse videretur. Ut enim olim monebamus, etsi conceptu difficile videatur, quam ratione depravatio consuetudinum, opinionumque varietas, ita potuerit animum flectere, ut in mores descenderit iustitiæ honestatique repugnantes; facile id intelligimus tamen, si animadvertimus, quantum erroris creare aliquando soleat similitudo. Virtus enim atque iustitia, tametsi illis solum reperitur in actibus, qui illud modo, quod suapte natura rectum, iustum, honestumque est, ordinate respiciunt: vitio contra adfecta, iniustæque sint actiones illæ solum, quæ ordini honestatique adversantur: virtute adhuc tamen, eas etiam existimavere homines, quæ juxta sunt legem opinionis, vitiosasque dixere actiones consuetudini aliquando repugnantes. Quum enim in vita civili actus opinionis legibus consoni, honore & laude digni censeantur, contra vero contemptu & vituperio, qui civili adversantur consuetudini: quumque laus virtutem perpetuo sequatur comes, vitium contemptus; heinc ob honestatis & gloriæ similitudinem, ideam laudabilis; ut ita dicam, actus, cum

cum idea actus vera virtute præditi, ideamque vitio adfecti, cum idea contemptibilis confundere perrexerunt; honestumque demum credere, quod consuetudini, & legibus erat consonum opinionis. Sola igitur Religionis meditatione poterit maxime infelix, sui ab occisione avocari, soloque Religionis Præcepto ipsi denunciato, cujus tantum imperio detrectans timere potest, deteriorem se in statum lapsurum. Debet siquidem actus ejusmodi necessario præconicipi illa sub comminatione a Lege interdictus; talem autem Legem ponere, nil aliud est, quam ponere Religionem, miserrimum hominem illo a facinore avertentem.

XLVIII.

Ut miserrimus autem homo necessitatem ipsam valeat constanter tolerare, necesse est, ipse sibi certo persuadeat, voluntatem, imperiumque summi Legumlatoris esse, ut in infelici illo statu perseveret, donec Numinis ipsius beneficio vel ab angustiis, vel a misera illa vita, tandem liberetur. Id autem sola ut humana Ratione callere posset, humana æque Ratione ipsum callere oporteret naturam & originem malorum, eorumque Divinis cum adtributis nexum, & quare tandem justissimus sapientissimusque

que Deus in illo miserrimo, veluti Creaturæ suæ
statu delectetur. Humana autem solum Ratio-
 ne, ut ip[s]is utar Origenis verbis, Libro contra
 Celsum IV. ajo, *ne Philosopho, quidem Viro per-*
vium esse malorum originem cognoscere; fortasse
etiam, nulla modo, potest, nisi Deo, aspirante di-
scat, intelligatque, & quid mala sint, & quomo-
do orta fuerint, & quonam modo, toleranda sint.
 Et de origine quidem si loquimur malorum,
 eorumque permissione & natura, num putas
 cum libenter patienterque toleraturum infortu-
 nia perpetua & teterrima, qui mente versaret
 Leibnitiana tantum, aut Wolfiana, aut hisce
 prope similia Veterum, Recentiorumque de
 origine, & permissione malorum argumenta? Num
 hominis animum angoribus extremis laborantem
 putas futurum ut sedaret Senecæ illa Oratio:
Cum videris bonos Viros, acceptosque Diis labora-
re, sudare, per arduum ascendere; malos autem la-
scivire & voluptatibus fluere; cogita nos filiorum
modestia delectari, vernularum licentia; illos disci-
plina tristiori contineri, horum ali. audaciam? Sic
 enim ille in Libro de Providentia. Num, in-
 quam, nugis hisce putas sedaretur homo, in an-
 gustiis & tormentis constitutus? Quin, potius
 omnia malo contigisse fato responderet; illaque
Cogitata, hominum esse otio abutentium deli-
zamenta. Quid enim diu calamitatibus actus,
 2 2
 per-

perpetuisque circumclusus miseriis, alicujus hominis animus, quid, inquam, eximium revera & egregium cogitare aut suspicere unquam potest? quid illo infelicissimo in statu, nulla præconcepta Divinorum Decretorum Traditione, imaginari apud Superos potest humanum & clementem, & erga vota & desideria humana beneficium & liberale? Mirum profecto, ne se se tunc impotens abjiciat hominum natura, extremaque desperatione veluti perculsa, humi jaceat, & odisse se & Auctorem suum denique incipiat. Si enim, ut animadvertit Origenes, Libro contra Celsum primo, tot Mortales, ob ea quæ ceteris hac solent in vita probis & improbis contingere, lapsi in Epicureissimum sunt, quid de illis cogitandum, qui non aliena, sed sua sibi objicere coguntur mala & infortunia? Veteres profecto, recentioresque Atheos, angustis potius, & sinistra nimium fortuna; quam argumentis ætos, libertatem & Providentiam Numinis inficiatos esse alibi ostendimus; habet enim generositatem quandam humanus animus, quæ magis ducitur, quam trahitur; habetque humana mens nescio quid sublime & altum impatiens superioris, nisi delectatione cujusdam reverentia, & illecebra altioris conditionis, aut spo saltem felicioris status, & novarum expectatione rerum, leniatur.

XLIX.

QUIS revera hominum fatebitur, fontem adeo esse se, & sceleribus onustum, ut maximas æternasque angustias hac pati in vita mereatur? Aut saltem, cur alios æque fontes, æque infelices quoque non intelligat; sed ex opposito, indigniores prospere agere, vitæque, sibi ut videtur, secunda & beata frui? Ex carentia autem moralis hoc in rerum statu ordinis, moralis inferre futuritionem ordinis altera in vita, humanus intellectus verisimili aliqua ratione, sine Religione quidem potest, certa tamen & tutissima non potest. Qui enim rerum Auctor ordinem moralem altera amare, velle, & exequi, in vita præconcepitur, cur in hodierna idem etiam non debet, plurimæque sine ordine sciens & volens finit? Certe, qui Religione caret, & carentiæ illius ordinis effectus periri se imaginatur, illa in dubitatione veluti hæreat oportet. Verum contra, qui Religione aliqua tenetur, versari se in communibus vitæ miseriis, & specialibus angustiiis novit, non necessitate Naturæ, Auctorisque rerum infirmitate, & invidia; sed extrinseca de causa, & ratione justæ poenæ & justitiæ; censetque omnia Naturæ, quæque præsertim patitur vitæ durissima tormenta, debita esse

esse humano Generi supplicia, quod a supremo illo Rege & Conditore suo turpissime defecerit, & a prima olim aversum Lege, ad impetus se converterit animi non ordinatos. Ingrata nempe hominum Natura, munus illud suave quondam adeo humanæ Libertatis suum vertit in Muneratorem Deum; quo factum, ut homo, adversus Naturam operatus suam, dissidium induxerit non solum inter Legem mentis & Legem corporis, sed in harmonia æque totius Universi. Fuit hoc autem, estque in præsens, veræ antiquissimæ Religionis Caput, naturæ & origini malorum explicandæ; sed æque receptum olim, perpetuo, certoque, reperitur quacumque in Religione, vel a vera longe dissita, quæ; aliorum sub involucro verborum & factorum, errorumque aliquorum additamentis, eandem est tamen præterpropter sententiam, aut saltem illius imaginem sententiæ, professæ. Post vulgatissimas enim Scaligeri, Seldeni, Salmasii, Casauboni, Scotii, Vossii, Spenceri, Bocharti, Usserii, Marshami, Pfanneri, Wormii, Blanchini, sexcentorumque aliorum Ethnica de Theologia pertractantium Elucubrationes, ea de re adhuc dubitare, idem sane foret, atque nullarum se Litterarum, nullius expertem se humanitatis profiteri. Vel solus Daniel Huetius Libro de Concordia Rationis & Fidei adsensum posset vel ab invitissimo

N
extor-

extorquere. Verum, ut jam olim animadvertimus, omnes longe superavit celebris Lafitavius, qui, post diuturnum Antiquitatis studium, Americanas in regiones profectus, Americanorumque Religionem & mores serio meditatus, in opere demum, in quo diligentissime de illis pertractavit, evidentissime ostendit, locorum distantias revera analogicas esse distantias temporum; ideoque regionum causa ita a nobis Americanos distare, uti veteres Idololatraz ratione temporum; quare, uti specie potius, exque additamentis tantum, Americani quod ad summa pertinet Naturalis Religionis Capita, in diversas a nobis abeunt sententias, reipsa tamen admodum conveniunt; ita & idem esse de Idololatriis veteribus dicendum. In Religione siquidem Americanorum non ideam modo Dei contemplativam invenisse se ait, nec moralem modo, verum etiam ideam, ut ipse appellat, Theologicam; neque aras modo, & Tempia, Lucosque; sed & Historiam Creationis mundi propagatam, uti & diluvii, primique hominis, nec non fallacis historiam serpentis, mulierisque, quæ universum infecit genus humanum; cetera demum, quæ ad originem mali cum physici, tum etiam moralis explicandam, pro systemate veræ antiquissimæque, imo primæ Traditionis idonea sunt & necessaria; tametsi elongatione temporum im-
muta-

mutata veluti, & explicandi modo interpolata ; quare evidentissimis denique veterum Scriptorum testimoniis, cum rebus illis, quas oculis ipse suis viderat, collatis, rectissime consequutus est, summas illas, aliquibus licet immixtas additamentis, veritates ab universo humano Genere, malorum origini cognoscendæ, leniendæque infelicitati hujus vitæ, fuisse usurpatas. Natura autem, origo, & permissio malorum ita solum explicata hominem vel in extremis animi corporisque angustiis constitutum ab Auctoris, Naturæque, & vitæ suæ odio potest avocare, ipsique in angustiis constanter retinere. Religionis tunc enim vocem audiens, quæ poenas hac in vita toleratas commissas luere docet sordes, poenasque minuere Sæculi futuri, se tunc justissimæ voluntati Numinis, si non prorsus hilari, patienti tamen animo accommodat; adeoque jure post tenebras lucem sperat, exactaque tempestate meritum serenum, & futuri meditatione gaudii in angustiis permanens, & perseverans, infelicitatis adhuc suæ momenta saltem minuit; si perfectam inducere non potest in animum tranquillitatem.

L.

QUONAM pacto tamen futuræ expectatio vitæ minuere momenta infelicitatis potest, nisi certe homo speret, beatum se statum altero in sæculum consequuturum? Num quod fortiter solum constanterque præsentis mala vitæ sustinuerit, ut Cl. Zanottus arbitratur? Verum quis illi tam beatam spem sponndit? Idea Justitiæ Divinæ, ait Adversarius. Verum hæc ipsamet Divinæ Justitiæ idea humanam monet, Rationem, nullam consequuturam se beatum altera in vita statum, nisi fuerit integra vitæ scelerisque pura. Verum, qui concipi umquam potest, hominem omni Religione carentem, integrum esse vitæ, scelerisque purum? Effet hoc certe phænomenon, quod nulla adhuc vidit ætas, æternumque non videbit; si enim vix aliquis ejusmodi, inter homines recensetur Religioni addictissimos, quo fundamento talem imaginabimur esse posse hominem solo Rationis humanæ lumine illustratum? Statim atque vero contra Rationem graviter se quicumque homo peccasse intelligit, & animadvertit, nisi certo Religionis decreto venia sibi promittatur, vel si infinitas & inexcogitabiles fortiter constanterque toleraret hac in vita miseras, & angustias, animum
tamen

tamen non posset lenire suum spe tuta alicujus præmii Seculi futuri. An Deum existimas omnem a te turbati ordinis memoriam, salva Sanctitate sua, deponere statim posse, aut factum infectum etiam præstare? At vero ejusmodi in Deo esse voluntatem, unde, absque Religionis revelatione, poteris cognoscere? Humana id profecto Ratio numquam valebit reperire; quum sola hæc Religionis prærogativa reapse sit, unde tollatur, eradicetur, & deleatur ita denique peccatum, ut possit quod admissum est, fieri infectum. Namque ut post factum animadvertas, actibusque, & habitibus oppositis emendare fatagas peccatum; facies ea quidem agendi ratione, ne mala malis iterum accumules, utque aliqua quasi in herba prius illud suffoces; numquam præstabis tamen, ut quod semel commissum est, revera sit infectum. Scilicet hic ille labyrinthus, est, ubi Ratio, & etiam Philosophia, cultorem destituit suum, atque ad sublimius aliquod remedium postulandum duntaxat; acceptandumque; quoad potest, homines disponit. Nisi enim illud adsit, qui omnino integer vitæ scelerisque purus non est, pereat oportet; quippe contra Rationem, injustumque esse non concipitur, ut patiatûr quisque quæ meruerit. An autem hujusce vitæ angustia Divinam lenire valeant justitiam quis tibi certo spondet?

Nec

Nec ex placata solum Divina iustitia sequitur felices nos in vita altera futuros, quum quæcumque circa hominum felicitatem sola Ratio humana comminiscitur, non sint nisi conjecturæ frivolæ, & quid Gloriæ Divinæ dignum sit, sola nos docere valeat Divina Sapientia; illa quippe omnia, quæ non ex ipsa rerum natura effluunt, sed, sive essentiam eorum, sive modum consideremus, ex libero æterni Numinis consilio, & suprema voluntate, originem habent suam, ejus sunt conditionis, ut ea quidem verisimili quadam sagacitate divinari simulemus; ast sat certo intelligere, cognoscere, & tenere, nunquam, sine Religione, valeamus. Hoc igitur univèrsum Justificationis peccatorum genus a divina pendet promissione, adeoque a denuncia- ta divina voluntate; hocque veniæ peccatorum Caput tantæ necessitatis nonnullis Christianis Patribus visum est, ut in eo præcipue notam veræ Religionis collocarent, ut apud Lactantium videre est posteriore capite Libri Divinarum Institutionum quarti; quamvis hac etiam in re a falsa Religione veram fuisse simulatam constet, Ethnicosque omnes, suis in Sacris, ritus & pre- cationes expiationum habuisse, unde estimatione & promissione veluti Divina factum infestum fieri autumarent; quod infinitis de Religione Gentilium Commentariis palam est. Illa autem
in

in persuasione, homo, summis in angustiis constitutus, dolorem certe lenire potest suum, spe & imagine gaudiorum futuræ vitæ; quod nunquam præstare sola posset humana Ratio, an veniam admitti semel sceleris obtinuerit, incerta. Reaple quomodo se quis consoletur expectatione divini beneficii; nisi certitudinem habeat beneficiæ ejus voluntatis? Quo fundamento ex tot malis hujus vitæ, bona inferre poterit alterius? Facti ne argumenta pendeant ab opinionibus contemplativis, aut potius hæ pendeant oportet a facti argumentis? An acquiescimus in *Ratione sufficienti* Leibnitiana, & Wolfiana, & a cerebro duorum Septentrionalium hominum veritas suum tandem consequetur fundamentum? An præmium sperabimus, quod quale futurum sit Ratio sola non suppeditat? Nam si immaterialis est anima, quo nam poterit sensibili gaudio affici? Si materialis; quomodo immortalis? Animam imaginari corpoream, & adhuc æternam tamen, seu indivisibilem monadem, & poris carentem, quid aliud quam nullo sulca præsidio opinio? Quare incertum erit quidquid sine Religionis lumine de futura concipiemus vita, ambiguum, obscurum. Patet igitur nullius esse consolationis posse futuri expectationem Sæculi in unico Rationis lumine fundatam; quum tamen illud futuram esse vitam certo etiam

etiam persuadere sibi posse imaginemur; ejus ope sola tamen, & absque superiori Religionis luce, aliquam non habere possit homo sat sibi constitutam diverforum futuræ vitæ statuum notionem; neque angustias lenire valeat, seque expectatione illa consolari, nisi a Religione doceatur, voluntatem & imperium summi esse Numinis, ut fortiter ipse constanterque in meritis miseris agat; seque ab eisdem voluntaria morte subducentem, actum præstare ejusmodi, qui ipsum deteriorem in conditionem sit denique ducturus; veniam denique cujuscumque commissi obtinuisse sceleris, quo beatum altera in vita ad statum possit pervenire.

LI.

SED jam descendamus oportet ad Collationem moralis Stoicorum Philosophiæ cum Philosophia morali Christianorum, ut pateat quam recte Maupertuisius relate ad hujus vitæ societatem & felicitatem, palmam tribuerit posteriori. Quam autem oppositæ sint ejusmodi Philosophiæ, impervium non fuit Maupertuisio demonstrare. Inter ipsos enim primum Stoicos Deorum de existentia & Providentia, animorumque immortalitate, non satis conveniebat; illas imo veritates, diversosque vitæ futuræ status

tus proprie Stoici negabant ; quare in eorum actus , Deorum & futuræ vitæ opinio minime influebat. Erant illi fato inevitabili addicti , felicitatemque hujus solum vitæ , virtutis auxilio & medio , quærebant ; vitæ autem infelicitatem morte auferre dicebantur . Moralis ex oppposito Christianorum Philosophia docet , Deum certo esse , ipsumque æternum , immortalem , & liberum , justum æque & liberalem , omnipotentem , & providentem , omnia pro imperio suo & voluntate decernentem , ipsumque rerum omnium factorem , laudibus & honore prosequendum . Homines vero animos fortitos esse immortales , & post fata superstites ; ipsosque misera aliquando in conditione esse , non necessitate Naturæ ; aut imbecillitate Factoris , sed extrinseca omnino de causa , & ratione justitiæ ; virtuti præmium , supplicia certissime respondere vitiis atque peccatis ; lento aliquando gradu Divinam procedere iram , tarditatem tamen supplicii gravitate pensare ; Deo igitur parendum , ab eo sive bona , sive mala hilari semper animo acceptanda ; mitigari ipsum obedientia nostra , & patientia ; mitigari amore non modo erga ipsum , sed etiam amore & auxilio ceterorum hominum , quos a nobis diligi præcepit ; nec hujus vitæ felicitatem flagitiis quærendam , aut morte infelicitati finem imponendum , sed beatas alterius vitæ

O

vitæ

vita respiciendas sedes , Numinis promissione , parituris concedendas . Hæc moralis est Christianorum Philosophia, illa Stoicorum . Non arbitror autem tenebris lucem, noctique adeo oppositum esse meridiem, ut earum una alteri opposita est, & contraria . Illa desperationem adfert, hæc consolationem; ad mortem illa impellit, hæc in vita retinet; illa infelicitatem vitæ imminuere non novit nisi privatione vitæ, hæc infelicia imminuit momenta spe sortis felicissimæ; in illa felicitatem tantum suam homo quaerit, in hac felicitatem homo suam invenit in felicitate reliquorum; illa Societati demum adversatur, hæc societatem fovet, & optatam inducit in animum tranquillitatem.

LII.

QUID contra hæc tam certa, tam constituta, tam evidentia Cl. Zanottus? Fatetur se tam amplam intelligere non posse duo illa inter systemata oppositionem . Capite siquidem suarum Animadversionum V. notare pergit Maupertuisium, quod Philosophiæ moralis Stoicorum conspectum efformaturus, non animadverterit, ipsos id speciale & proprium habuisse, ut felicitatem in virtute collocarent . Verum cur id animadvertisset Maupertuisius, qui toto in Opere de au-

augenda felicitate, aut infelicitate formali im-
 minuenda sermonem habet, non de felicitate
 Objectiva, pro variis Philosophorum sententiis,
 diversisque hominum desideriis, varia perpetuo,
 & diversa? Verum relate ad præcipuum syste-
 matis totius Caput quid eodem in loco disse-
 rat præstantissimus Zanottus videamus. *Nil mi-
 rum, inquit p. 276. Stoicos adeo convenisse in regula
 actionum & morum, quum nil tamen certi Divi-
 na de existentia & providentia, immortalitateque
 animorum statuissent. In morum siquidem regulis
 figendis nil respiciebant aliud, quam immutabilem
 quamdam sempiternamque honestatem, quæ se se,
 auctoritate & imperio, eorum oculis objecerat,
 imperabatque nulla Deorum habita ratione, nec
 ob præmii spem, aut metum pænæ, sed suum ipsa
 ob pretium obediri cupiebat Honestatem illant
 igitur Stoici sequuti, finemque hominis in ipsa
 collocantes, non indigebant allegatis Dogmatibus,
 quæ speciosa quidem videri ipsis poterant, videri
 autem necessaria non poterant. Qua equidem in
 re, non adeo ipsos, ut aliqui imaginantur, a
 Christianorum systemate abfuisse arbitramur. Quid
 enim aliud, honestas æterna immutabilis & ne-
 cessaria, nisi Deus ipse quem Christiani veneran-
 tur? Illum quidem Stoici non agnoscebant, quia
 solum sempiterna de honestate cogitabant, non ani-
 madvertentes eandem, intelligentem aque esse,*

*creatricem omnium rerum, perfectissimam, beatam
 & omnino liberam; si ita quippe eam præconce-
 pissent, ceu Deum adorassent; de quo ignoro an
 questi fuissent Christiani. Verum quum non aliud
 adtributum illa in honestate se videre viderentur,
 nisi auctoritatem quamdam & imperium, sequuti
 ipsam adhuc sunt, licet ceteris ejus de perfectio-
 nibus minime solliciti; eoque pacto ignoratum se-
 quuti sunt Deum; quum ex opposito Deum sequi
 se intelligentes Christiani, eidem ita cognito obe-
 diant. Heinc, Capite Animadversionum sexto;
 ejusmodi ex honestatis auctoritate & imperio,
 ortas Zanottus ait ceteras Stoicorum virtutes;
 sique tranquillitatem animi indipiscitur Christia-
 nus quærendo Deum, non videre se subjicit,
 pag. 282. cur tranquillitatem indipisci non pos-
 sit æque Stoicus quærendo honestatem. Chri-
 stianos demum testari, ait, ita esse se affectos,
 ut absque præmiorum etiam spe, & pænæ metu,
 bene adhuc ordinateque operarentur; nec illis in-
 digere mediis, virtutem ut sequantur; tuncque
 se solum perfectos ducere Christianos, quum ita
 sunt affecti. Quibus hoc, ut arbitratur, modo
 constitutis, ignorare se consequitur; cur Stoi-
 cos debeant Christiani irridere; Stoicos, inquam,
 honestatis illius Sectatores, cujus solius ope be-
 ne ordinateque agerent Christiani, si præmii
 spe, & suppliciorum formidine carerent. Est*

hæc

hæc summa eorum , quibus dum , Stoicorum doctrina , tranquillitatem obtineri posse animi ostendere se credit ; manifestat ex opposito , Vir hic cetera doctissimus , homini Religionem , hypotheseos solum etiam gratia , omittenti , aliqua excidere nativæ vi virtutisque suæ mentis non omnino convenientia .

LIII.

PRIMUM jam vero rogo , cur oppositas neget duas ejusmodi Philosophias Zanottus ? Num Philosophia , in qua Deus , ceu Doctrinæ caput , proponitur cognoscendus , & amandus , opposita Philosophiæ illi non est , in qua nec amandus proponitur Deus , neque cognoscendus ? Num Philosophia in qua , ceu alterum Doctrinæ caput , proponitur certo tenenda animorum immortalitas , opposita Philosophiæ illi non est , quæ futura de vita nihil est sollicita , imo ipsam inficiatur ? Num Philosophia , in qua proponuntur inconspicua præmia virtutibus , poenæ inconspicuæ peccatis , opposita Philosophiæ illi non est , in qua nulla proponuntur virtutibus præmia , nulla supplicia peccatis ? Num denique Philosophia , quæ docet hominem suam habere libertatem , eaque posse se consolari libertate , bonis scilicet operibus , & expectatione gaudii futu-

futuri; num. & inquam, Philosophia ejusmodi, illi opposita non est, quæ omnia statuit regi-
fato inevitabili, nec aliam minuendæ infelicitatis monstrat viam, quam sui occisionem? Numquam crederetur certe hac de oppositione dubitatum, nisi Animadversiones hoc dubium præferentes, editæ, & in Vulgus sparsæ etiam fuissent. Apertissime igitur ut pateat quantum Philosophia morali Stoicorum Religio Christiana præstet in infelicitate præsertim hujus vitæ minuenda (qui fuit Maupertuisiani Speciminis, estque nostrarum Vindiciarum scopus) duo sunt in examen revocanda; primum scilicet, an prætermis-
sis principiis, quæ Stoici omittebant, natura scilicet Divina, & futura vita, dari possit ordinata Societas, ab illa solum pendens sempiterna & immutabili Stoicorum honestate? Certissimum enim est, maximam felicitatis hominis hac in vita partem ab ordine pendere ejus, in qua est, Societatis. Alterum, an admissa etiam, absque illis principiis, ordinata Societate, sola meditatio sempiternæ illius immutabilisque Stoicorum honestatis hominem valeat hac in vita consolari? Quippe, si necessaria sunt Religionis Capita Societati continendæ, & inepta sit honestas illa immutabilis & sempiterna ad infelicitatem vitæ præsertim minuendam (quod nos fuse demonstrabimus) consequens jam erit, riden-

ridendam omnino esse moralem Stoicorum Philosophiam, contemnendamque ab illis omnibus, qui vel levissimam imaginem habent Philosophiæ moralis Christianorum.

LIV.

ET de prima quidem quæstione ut loquamur, audire placet Tullium, ubi Legumlatorem agit, Libro scilicet de Legibus secundo, ostendentem, ordinatam præconciipi non posse Societatem, sine persuasione Divinitatis, ut ita dixerim, cujusdam, atque Providentiæ: Ita ille vero; *Sit igitur hoc a principio persuasum Civibus, domines esse omnium rerum ac moderatores Deos, æque quæ gerantur, eorum geri vi, ditione, ac numine, eosdemque optime de genere hominum mereri, & qualis quisque sit, quid agat, quid in se admittat, qua mente, qua pietate colat Religiones, intueri; piorumque & impiorum habere rationem. His enim rebus imbutæ mentes, haud sane abhorrebunt ab utili, & a vera sententia. Utiles esse autem opiniones has quis neget, cum intelligat, quam multa firmentur iurjurando? quantæ salutis sint fœderum religiones? quam multos divini supplicii metus a scelere revocavit? quamque sancta sit societas Civium inter ipsos, Diis immortalibus interpositis, tum Judicibus, tum*
testi-

testibus? Hoc autem Legum omnium esse proœmium subdit Tullius, qui, priore Legum Libro, eorum errorem oppugnans, qui Divinam negabant Providentiam, jam enim, inquiebat, eorum si vera est sententia, quæ potest esse pietas? quæ sanctitas? quæ Religio? hæc enim pure & caste tribuenda Deorum numini ita sunt, si animadvertuntur ab his, & si est aliquid a Diis immortalibus hominum generi tributum. Sin autem Dii neque possint nos juvare, nec volunt, nec curant omnino, nec quid agamus animadvertunt, nec est quod ab his ad hominum vitam permanare possit, quid est quod ullos Diis immortalibus cultus, honores, preces adhibeamus? In specie autem fictæ simulationis, sicut reliquæ virtutes, ita pietas inesse non potest, cum qua simul & sanctitatem & Religionem tolli necesse est: quibus sublatis, perturbatio vitæ sequitur, & magna confusio. Atque haud scio, an pietatē adversus Deos sublata, fides etiam, & societas humani generis, & una excellentissima virtus tollatur. Hæc ille egregie, si non de Diis, sed verius de Deo loquutus fuisset; in eo æque peccans, ut sublata cælesti Providentia, auferri quoque humanum erga genus Divinam gratiam & beneficentiam ostendat, Divinam tamen Justitiam nullus memoret, hominibus in officio continendis adeo necessariam;
ordo

ordo enim esse nullus videtur constanter posse , ubi nullus metus est . Quare verissime Solon duabus maxime rebus Respublicas contineri dicebat , præmio scilicet & pœna . Reapse non magis compellerentur in vitia mortales , quod nulli Deo se esse curæ existimarent , quam si nullum Vindicem scelerum paverent . Quid enim , inquit Lactantius , Libro de Ira Dei , quid homine erit truculentius , quid immitius , si demto metu superiore , nulloque cupiditates nostras compellente Deo , vim legum aut fallere potuerit , aut contemnere ? Timor igitur Dei solus est , qui custodit hominum inter se Societatem , per quem vita ipsa sustinetur , munitur , gubernatur . Is autem timor aufertur , si fuerit homini persuasum , quod iræ sit expers Deus , quem moveri ac indignari , cum injusta fiunt , non modo communis utilitas , sed etiam Ratio ipsa persuadet . Ita ille . Jam vero si felix nullo modo esse homo potest , nisi constitutus sit in aliqua ordinata Societate ; nec potest etiam concipi Societas ordinata , sine persuasione Divinæ Naturæ , ejusque Providentiæ ; quum Philosophia moralis Stoicorum hoc tam necessarium tamen Caput aut prætermitteret , aut negaret , non erat ipsa igitur idonea ad Societatem continendam , ideoque nec ad hominum felicitatem conservandam , aut eorum infelicitatem in angustiis minuendam .

LV.

VERUM Stoici, inquit eorum Vindex Cl. Zanottus, illam sequebantur sempiternam & incommutabilem honestatem, e qua virtutes omnes ad Societatem felicitatemque hominum pertinentes oriebantur. Itaque aliis non indigebant Capitibus, & principiis, quibus perfectissimam constituere potuissent Societatem. Ast id quam verisimile non sit, nemo, opinor, non intelligit. Fatetur ipsemet Zanottus, Heroas illos suos in illo sempiternæ & immutabilis honestatis imaginario idolo, non aliud cognovisse adtributum, quam auctoritatem quandam & imperium, solamque honestatem illam animo versantes, nil ejus de intelligentia, & omnipotentia cogitasse, nil de perfectissima ejus libertate, ceterisque alijs de adtributis, quæ Deum proprie constituunt. Auctoritas illa igitur honestatis ulla erat sine vi, imperium sine potestate; adtributa erant tantum contemplativa, & abstracta; non practica, & efficacia; quum hominum nemo aliquid sibi posset ab honestate illa sempiterna & incommutabili timere; nec in idea ejus, aliquid omnia circumspicientis Judicis, & scelerum Vindicis, fulgeret, aut aliquid, quod Societatis & Legis Naturalis Ofores jure & merito
pave-

paverent. Non sat igitur sempiterna illa & immutabili honestate provisum ordini fuisset Societatis, adeoque ipsi etiam Societati, quæ Vindictam postulat suarum Legum intelligentem, liberum, volentem, videntemque, & omnia potentem; non imperium illud, quod, etiamsi illi non pareas & acquiescas, suam numquam novit tamen vindicare auctoritatem. Si enim sempiterna illa & immutabilis honestas fontes plectere & punire perrexisset, alterum certe Stoici fate-ri debuissent Sæculum; quum hac id in vita aliquando minime evenire intelligamus. Nil tale Stoici admisere; itaque contemplativa mere erat, & sine viribus potestas illius honestatis, adeoque minime capax ad ordinem regendum conservandumque Societatis, a quo non minimum pendet hominum felicitas.

LVI.

Non intelligit vero heic quisque, Stoicos de sempiterna illa & immutabili honestate dis-ferentes, mere declamasse? Quid enim sempiterna ejusmodi & immutabilis essentia, sine intelli-gentia tamen, sine voluntate, sine libertate? Quid honestatis imperium & auctoritas sine vi, sine potestate, sine Licetoribus, spe scilicet & metu, sine effectibus, præmio scilicet & pœna?

P 2

Sic

Sic homines illi de Natura æque Deorum ; de Lege Naturæ ; de hominum sorte loquentes ; infanorum more , semper declamabant . Habemus enim confitentes reos . *Non potest* , inquit Seneca , *grande aliquid supra ceteros loqui nisi mota mens .* Quum vulgaria & solita contempserit , instinctuque sacro surrexerit excelsior , tunc demum aliquid cecinit grandius ore mortali ; nec potest sublime quicquam , & in arduo positum , contingere quamdiu apud se est . Decidat oportet a solito , & efferatur , & mordeat frenos , & retorem rapiat suum , eoque feratur , quo per se timuisset ascendere . Nempe , si quid intelligo , ut grande aliquid & arcanum proferrent Stoici , oportebat prius eos delirare . Quod si exacto jam ejusmodi abstractionum imperio , & regno , exactoque inanum abstractionum Sæculo , abstractis illis dicendi modis prætermisissis , quo , ex Philosophia & opinione illa Stoicorum , aliquid quod communem ad sensum , & æquam ad interpretationem trahi prudenter posset , eliciamus ; ad hodiernos confugeremus accuratissimos dicendi modos , quos rerum cum ideis perfectius consonare intelligimus ; tunc esset existimandum , Stoicos , illa declamatoria dicendi ratione , constituere fortasse solum voluminose , tantam honestatis vim esse & virtutem , ut sola , & absque aliis Dogmatibus & prin-

principiis, homines movere possit ad recte operandum. Non ignoro autem, secus fortasse cogitaturum doctissimum Zanottum, qui de Stoicis si quando agitur, eorum ideis standum esse autumabit, neque de honestate rebus intrinsecis hoc loco disputandum, sed de honestate illa immutabili & sempiterna, imperium & auctoritatem nacta in mentes Stoicorum. Verum & Stoicos, & Zanottum, in cogitatione æternæ illius immutabilisque honestatis tantisper versari relinquemus; ipsosque adhuc tamen vehementer, ut opinor, oppugnabimus; siquidem, ubi semel demonstratum erit, solam rerum honestatem, ceteris illis, de quibus agimus, omissis veritatibus, futurum certumque non esse, nec umquam esse potuisse, Societatis instituendæ, adeoque nec acquirendæ conservandæque felicitatis, aut infelicitatis hac in vita minuendæ fundamentum; hoc, inquam ubi semel erit demonstratum, idem æque statuendum esse demonstrabimus, de immutabili illa sempiternaque Stoicorum honestate.

LVII.

Duplici autem institerunt via ad illud ostendendum; qui hoc de argumento docte copioseque pertractarunt. Alii siquidem nedum Legum jura,

jura, sed ipsam etiam rerum honestatem a denunciata nobis Dei voluntate, sive a Religione, repetendam esse docuere; alii ex opposito intrinsecam rebus honestatem fassi, perviamque honestatis illius cognitionem, & illecebram, summa illa adhuc tamen Capita & principia, sive Religionem, tamquam id unicum, quod vim ad movendum habeat, idoneam & aptam, propugnare. Priori in sententia versati sunt Samuel Rachelius, in Prolegomenis ad Libros Ciceronis de Officiis, & Samuel Coccejus, Dissertatione prima Procemiali ad Hugonem Grotium, a Parente suo illustratum. Hi quippe animadvertentes, diversissimos & oppositos esse inter se, fuisseque semper, Populorum & Nationum diversarum mores; valde corruptam vero hodierno in statu hominum naturam; Rationem humanam demum mutabilem esse semper, & valde inconstantem; constantissimam contra Divinam voluntatem, perfectissimam, immutabilem, consequuti sunt, ex hac solum nobis manifestata, esse naturam honestatis rerum hauriendam: præsertim quum honestatis naturam independentem a Deo præconcipere, idem esse videatur, ac ponere extra Deum aliquid, quod humano Generi imponere necessitatem possit; causamque aliquam extra Deum constituere, quæ actus hominum justos, vel iniquos ita consti-

sti-

stitueret, ut nec Deus statuere aliud posset. Hoc autem eisdem videtur minime admittendum. Consonare vero huic videtur opinioni Johannes Alphunsus Turretinus, ea in Oratione, in qua *Jus sine Religione nullum* esse demonstravit. Ipsa enim, inquit, vivendi præcepta, ipsæ juris humani tabulæ, quid tandem tuti habebunt, quibus tandem fulcris nitentur, nisi supremi hominum Judicis auctoritas accesserit? Enim vero, si ex nostra tantum, vel publica utilitate, juris præcepta deriventur, prudentia quidem vel imprudentia, utilia vel damnosa, facta nostra dici poterunt; at justa vel iniqua cur dicantur, nulla ratio erit. Quamobrem nisi Ens detur, a quo Genus humanum pendeat, cujus imperio subjaceat, cujus legibus adstringatur, utique nulla obligatio, nullum officium, nulla virtus, nullum denique juris fundamentum, inter homines constare poterit. Verum esto, dentur jura quædam ex pactis mutuis deducta: sed, unde iis reverentia, unde iis robur accedet? Quis occulta cohibebit? quis valentioribus metum injiciet? quænam fides jusjurandi? quænam adversus veneficia, proditones, fraudes occultas, securitas & defensio? quænam, dico, nisi ex Judicis semper vigilantis, semper attentis, omnesque, prout se gesserint, ad rationem olim vocaturo, alte impressa mentibus, & ne ab ipsis quidem Tyrannis, hominumque profligatissimis,

ex-

excutienda reverentia? Revera statim atque Deus aliquo saltem modo Legum & naturalis Juris auctor non consideretur, quot in errores cadant necessum est vel Mortales illi, qui honestatis amore rapi se existimant? Optime Theodorus Rychius, Præfatione ad Cornelium Tacitum animadvertit, scribens : *Quod vero in uno alterove loco Tacitus esse Epicureus videatur, cum in toto Opere virtutis se fautorem præbeat, & hostem acerrimum vitiorum, non acerbius ei, quam aliis hujus classis Scriptoribus, quibus similia, & multo graviora excidere, imputandum est. Quod si in causam ejusmodi enuntiationum apud hos nonnumquam occurrentium inquiramus, nulla forte reperiatur alia, quam quod circa rerum principia Scæptici fuerint. Hinc cum innata Ratio faciendorum fugiendorumque theoremata, quibus omnis virtus innixa est, illis dictaret; ipsi autem circa horum in se causam fluctuarent, talia subinde effutierunt, quæ cum his, quæ nihilominus sequebantur, conciliari minime poterant. Quanto melius Cicero obligationem Juris naturalis adseruisset in suis Officiis, si Deum illius nobis Auctorem constituisset! En quo evadebant illorum cogitata, qui summa illa certo non tenebant Capita & principia; Deum scilicet existere; omnia ipsum circumspicere; supremum esse Judicem; ipsique nos reddituros factorum omnium rationem.*

LVIII.

POSTERIORA hæc, fateor, testimonia opinionem eam minime confirmant; qua ipsa etiam rei honestas a denunciata Dei voluntate statuitur esse repetenda. Verum neque opinionem illam nos amplectimur, & naturam honestatis intrinsecam fatemur; nam, esto rerum morales etiam essentias præter Dei arbitrium suapte natura tales esse, Naturalistarum causæ favere nonnulli arbitrentur; ast qualis obsecro propositionum esset illarum sensus, quibus Deum amare dicimus quod bonum, quod justum, quod æquum, quod cum summa honestate est, & sanctitate conjunctum, si hæc omnia necessariam in se non haberent, & incommutabilem naturam? Idem profecto ordinis, decentiæ, & conformationis actuum nostrorum humana cum Ratione suam habent, ut dicimus, realitatem, veritatemque, quibusdam certissimis innixam relationibus; quare vel confusam veritatis ipsarum imaginem habent Rudiores quique, eaque vel hebetioris intellectus est natura, ut vix proposita rei honestate, eidem statim mente acquiescat. Nec idem profecto est, aliquid suam habere intrinsecam naturam, idemque minime a Deo dependere.

Q

Est

Est enim Deus principium, fons, & origo omnis essentiae, quæ propriam habet tamen a Deo distinctam unitatem, veritatem, & bonitatem, quamvis a Numine participatam atque derivatam; quare intrinseca est rebus aliquibus honestas, nec tamen a Deo independens; quod Ratione notum. Ut voluntate etiam tamen honestatem illam, nec sola mente, sed factis æque, & operibus, homines sequantur, ut obligatio ad sit sequendi ejusmodi honestatem; utque illa obligatio sat certum habeat fundamentum, allegata necessaria ducimus principia, quæ Religionem, naturalem saltem, proprie constituunt; quare imperfectissimam statuere possumus Philosophiam esse moralem Stoicorum, ex opposito diversam prorsus, perfectissimamque, Philosophiam moralem illam, quæ talem adjicit honestati vim, & allegata habet præconcepta naturalis Legis, & exercitii honestatis fundamenta.

LIX.

RELIGIO revera, ut ab infinitis Scriptoribus observatum est, tutissimum fuit semper cujuscumque civilis societatis, factorumque moralium, fundamentum. Contractus liquidem, pacta, societates, commercia negotiatorum, ceterique penè omnes humanae vitæ actus, promissionum fidei

fidei innituntur. Infinitæ vero se se obijciunt occasiones, in quibus utilitas alterum Agentium extimulat, ne stet promissis, præsertim si falli Judex civilis possit. Nisi igitur inconspicuus Judex, vindexque violatæ fidei certus & supremus timeretur, confusio & perturbatio civilis status, quæ jam minima non est, ob tenuem impiorum illius Judicis timorem, quodque non semper in illum ceteri animum intendunt, eo perveniret demum, ut totum brevi ipsa tempore depopularetur Universum. Et sane humanæ Leges olim statui non potuissent, nisi præconceptis Legibus divinis, humana scilicet non solum Ratione, sed Divina præcipue existentia, auctoritate, & providentia; quum facile imaginari nequeamus, quonam pacto infinitæ pene Gentes facile adeo tot se Legibus humanis, libertati oppositis & cupiditati, subjecissent, nisi fuisset ipsis persuasum, Leges illas superiore fuisse ab ente, veluti profectas, aut conformes saltem, denuntiata ejus voluntati. Maxima siquidem hominum pars, imo pene omnes, publicæ utilitatis ergo agere non valent, quum id suadentia argumenta, abstracta & captu difficilia nimium sint, adque Metaphysicam scientiam pertinentia, nec tantum sit otii omnibus Mortalibus, ut ea in examen revocare, eorumque vim meditari valeant, affectibus præsertim, & privata utilitate, publi-

cæ se se utilitati non semel opponentibus. Quo enim sublimior aliqua Philosophia est, eo paucioribus contenta est Judicibus, & Sectatoribus, multitudinem consulto ipsa fugiens, quæ perpetuo id negligit quod non intelligit; affectibusque agitur potius, spe scilicet, & metu, quam rationum pondere & argumentorum. Quare quod sensibile modo est, quod planum & apertum, naturæque simpliciter consonum, capacitatem multitudinis explet; quæ numquam abstracta obscuraque rimatur; adeoque inepta Foro dicta sublimior eloquentia, nec aliquid frigidius creditum, quam Lex aliqua cum Prologo. Recentiorum Philosophorum nullus magis Dogmaticus fuit Johanne Clarkio, inter Anglos sane celeberrimo, qui in Inquisitione tamen sua de Causis & Origine mali, Religionem, Dei munere, mortalibus concessam, tuetur, ceu unicum & necessarium medium, quo Divinam non modo certe aperteque cognoscerent auctoritatem, verum etiam obligationem parendi Legibus, quæ ad virtutem impellunt, & ad honestatem. Inferendum igitur, omnium primos & antiquissimos Legumlatores principium aliquod pervium & commune jam constitutum invenisse apud illos Mortales, humanis qui se Legibus facile adeo subjecere. Illud autem certo constitutum principium non aliud esse poterat, quam Judicis inconspicui certa per
sua-

suasio, qui hominum acta rimaretur, eaque pro meritis præmio afficeret, aut puniret, qua profecto de re fidem facit Historia præsentis & veteris memoriæ, quæ Religionem Civitatum & Societatum fuisse vinculum ostendit; nam, ut egregie Plutarchus contra Colotem differebat, si terram obeas, Urbem quidem certum est reperiri posse sine muris, sine litteris, sine legibus, sine opibus, sine numismate, sine Gymnasiis, sine theatris; at Urbem templis, Diisque carentem, neminem umquam vidisse, aut reperiisse; quin imo facilius Urbem sine solo, quam sine Diis constare posse, idem Plutarchus affirmare nullus dubitat; siquidem Religio, ut ipse ait, opportunum est, fuitque semper, ad ferendas Leges, retinendamque Societatem, inventum, & arcanum.

LX.

CELEBRIS Johannes Barbeyracius, cognita licet, admissaque, intrinseca omnino rebus honestate; Religionis tamen necessitatem, ceu quæ vim sola movendi habeat ad recte operandum, & parendi obligationem inducat, cum in Præfatione, tum etiam in Notis ad Libros de Jure Naturæ & Gentium Pufendorffii, copiose demonstravit. Certum quippe persuasumque habet, doctri-

doctrinam morum filiam esse Religionis, ipsaque procedere pari passu, & unius perfectionem, normam, & mensuram esse perfectionis alterius. Marcum Antoninum, magnum illum Cæsarem una & Philosophum, id docuisse animadvertit, quum dixit nunquam nos juxta rectam morum regulam operaturos, nisi cognito ordine, quem regula ejusmodi ad Divinitatem habet; neque moralia præcepta probe sequuturos, nisi constituto Cælestium erga mortalia influxu. Principia reapse, & summa Religionis naturalis Capita (quæ basis est omnium Religionum) tutius non modo esse subdit, sed unicum etiam prorsus cuiuscumque moralis Doctrinæ fundamentum. Nisi enim Divinam constitutam habeas existentiam, atque Providentiam, nihil est, quod absolutam adferat necessitatem hoc vel illo modo operandi. Honestas siquidem intrinseca licet revera rebus inest, propter ideas ordinis, & decentiæ conformationis voluntatis nostræ ad humanam Rationem; ut ideæ tamen illæ practicæ evadant, vimque acquirant operandi, utque movere voluntatem possint, ne affectibus cedat & privatæ utilitati; ut vera demum & proprie inducatur obligatio, & necessitas parendi, frenumque injiciatur voluntati, ne se se Rationis lumini, adeoque officio, subducat; necesse prorsus est, supremum Ens & potentissimum præcon-

concepiatur, cui jus sit in voluntates ipsas, quodque eas cogat recte agere, & ordinate. Idea quippe Entis hujus sapientissimi factorum Judicis, ipsiusque præsertim honestatis Vindicis, tantam vim habet & virtutem, ut sola tunc, & solum veram inferat voluntati hominis necessitatem se morum doctrinæ & honestati rei accomodandi. Ex opposito si Religionem auferas a quocumque vel speciosissimo morali doctrinæ systemate, ædificium mediteris nullo innixum fundamento, & nunquam quidem præsticam, sed contemplativam modo contextuisse te noveris morum Doctrinam, nisi dixerim falsissimam.

LXI.

EJUSMODI fuisse moralem Stoicorum Philosophiam subjoinit Barbeyracius; idea siquidem, quam conceperant virtutis, prima esto fronte, magnifica esse videatur, si serio consideretur tamen, nec omnino vera erat, nec perfecta, nec veris innixa principiis, nec ab omni demum errore libera. Virtutem enim summum appellabant bonum, neque bonum aliud agnoscebant, præter honestatem: itaque hominem virtute præditum, vel inter tormenta, felicissimum prædicabant. Sed ut quod jam diximus, certumque est,

est, in præsens omittamus, virtutem scilicet; esse quidem posse felicitatis, & tranquillitatis animi efficientem causam, non ipsam vero felicitatem, sive animi delectationem, & quietem; & quod idem est, objectivam quidem felicitatem esse posse, non formalem; in eo tamen Philosophi illi maxime errabant, quod nil eorum ex virtute oriretur, & procederet, quod consolationem aliquam adferre homini posset, aut utilitatem; quum sp̄s ipsi futuræ carerent vitæ, aut futura de vita ambigue prorsus, & confuse loquerentur. Brutus, qui, ceu, e secta Stoicorum immutabilem illam sempiternamque honestatem, quæ summa imperare auctoritate dicebatur, contemplatus fuerat, & sequutus, ille, inquam, si Dioni Cassio, Libro XLVII. & Floro, Libro IV. fides, moriturus, *Tibi male sit, dixit, infelix virtus, quæ me Te sequutum decepisti. Forè autumabam, naturam ut haberes tuam, quare me Tibi toto animo addixi. Ast nunc video te nomen inane, & umbram modò esse; fortunæque prædam & miserum mancipium.* Hoc autem acerbius Bruto imputandum non esse arbitratur Barbeyracius, quod ubi virtutis exercitio adjecta non sit idea sæculi futuri, virtuti possint & innocentiae jure merito aptari Salomonis verba: *Vanitas vanitatum, & omnia vanitas.* In sola siquidem confidere virtute & in-

nocen-

nocentia, idem certe foret, atque in fracta confidere novacula, a qua vulnus demum accipit qui ea incaute utitur. Deus siquidem hacce in Œconomia generalibus videtur subjecisse aliquando legibus, uti sanitatem & opes, ita virtutem etiam & innocentiam; nec nisi qui prorsus insanivit, appellare felicem potest hominem inter angustias & tormenta crudelissima versantem, nisi altera in vita tantæ virtutis & constantiæ præmium ipse copiosissimum expectet. Male heinc argumentatos olim fuisse Leibnitium, & Bælium, Barbeyracius ostendit, imaginatos nempe solam honestatem, vim habere posse movendi semper ad bene operandum, quod homo, occulte etiam peccans, erubescat; eo eodem pacto, quo, dum in errorem labitur memoriæ, aut etiam ignorantia. Male, inquam, eos argumentatos apertissime ostendit; illo siquidem ex rubore consequi & inferri modo posse evincit; ejusmodi expertem omnis Religionis hominem; angustis se nimium terminis, errorisque capacem intelligere; ruborem iccirco illum, & intrinsecam illam, tacitamque animi perturbationem, superbiæ ejus, & philautiæ tribuendam esse; non autem quod sit eidem persuasum teneri se, nunquam memoria labi, veritatesque omnes, quæ ad Scientias pertinent, callere. Sive igitur fundamentum totius obligationis ad

R

recte

recte ordinateque operandum, five efficaciora moventia ad virtutem consideremus, intelligere & fateri certissime cogemur, Societatem hominum, Divinam Naturam & Providentiam, immortalitatemque animorum, & futuræ statum vitæ ignorantium, chimæram esse Platonica Republica leviozem; aut malis saltem infinito pene modo deterioribus obnoxiam atque ea sint quæ de Populis nullam habentibus Societatem referuntur.

LXII.

SHERLOKIUS, Anglus Doctor, in Tractatu de Judicio extremo, in quo divinam sibi sumit vindicandam Providentiam, relate ad hujus vitæ Economiam, honestati æqualem omnino vim tribuit & virtutem, ei, quam præconcepit, & asserit Barbeyracius. Mala igitur cum physica, tum etiam moralia, contra Providentiam ab atheis objecta, Declamationis potius esse ait, quam veritatis argumenta; quin ex opposito aperitissimum, certissimumque erui ex eisdem probat Divine ipsius Providentiæ monumentum; quum humani naturæ animi ita constituta esse videntur, ut ex virtute præmium, penam vero ex peccatis procedere, & oriri facillime intelligat. Quot enim cruciatibus, quot angustiis, ejus ani-

animus torquetur, qui affectibus agitur non ordinatis? De hoste ulciscaris. Quot inde emergunt molestissimæ animum sollicitantes curæ quæ ultionem comitantur, aut sequuntur! Nulla certe ex animi motu vehementer perturbato reliqua est quies, sed ipse se punit, ipse crudelissimum sibi est supplicium. Angor conscientiæ vero, primus est peccatorum vindex, quare illa Orestis:

Me fugio; fugio conscium scelerum omnium

Pectus: manumque hanc fugio, & hoc cælum, & Deas,

Et dira fugio scelera, quæ feci innocens.

Hunc Deus in nobis posuit Legum suarum li-ctorem; nec duræ etiam & infelicitis exercitium virtutis ea nobis infert, aut similia tormenta, iis, in quæ rapimur cultu vitiorum. Virtus ex opposito æstimationem non modo sibi parit hominum, sed conscientiæ quietem animique tranquillitatem, in qua vera sita est felicitas. Verum, subdit egregie Sherlokus, quid aliud est, omnes apud homines, conscientiæ angor, dum peccant; & animi tranquillitas ex virtutis exercitio, quid aliud, inquam, nisi certissima imago, & apertissimum indicium diversorum statuum Sæculi futuri, quibus ampliorem jucunditatem consequetur virtus, & crudeliora vitiorum tormenta? Ille quippe angor animi ex vitio,

R 2

illa-

illaque ex virtutis exercitio tranquillitas & quies, Deum nobis indicant, manifestantque, rectorem, muneratorem, atque vindicem; qui nunquam ejusmodi se foret tamen mortalium omnium oculis perspicua ostensurus in *Æconomia*, nisi alter futurus esset status, in quo externum etiam virtuti præmium, externaque futura forent honestatis osoribus supplicia. Quoniam autem & plurimi eo impietatis devenere, ut ob vitiorum habitum, mentisque cœcitatem, nullo pene, dum peccant, aut tenui solum angore conscientiae cruciarentur; quumque diversi illi futurae status vitæ circumscriptis nimium mentibus mortalium; quales futuri demum sint, non adeo se clare manifestant; heinc data, Dei munere, mortalibus Religio, cujus face ad illarum duci possent cognitionem veritatum, quibus homines in officio continentur.

LXIII.

POSITA igitur & prædicata, imo amplificata, quantum optare aliquis possit, honestatis natura, & præstantia; si præcipua adhuc tamen desideretur causa, quare sequamur honestatem, spes præmii scilicet, poenæque timor; vix inter homines reperietur, qui practice demum honestatem illam propriæ præferat utilitati. Quam
 bene

bene ea de re Lockius scripsit, in suo illo rationabili, sive deformato, Christianismo! Fa-
 reor, inquiebat, Philosophos veteres nonnullos
 virtutis pulchritudinem & constantiam ad astra
 usque extulisse, divinamque illam cæli filiam ita
 exornasse, ut omnium ipsa oculos, admirationem-
 que & amores ad se raperet, nec ullus foret qui
 eam non probaret, & summis prædicaret laudi-
 bus. Verum, quum pulcherrimæ huic tamen
 Virgini nullam Philosophi illi constituisent do-
 tem, nemo de illa in matrimonium ducenda
 cogitabat. Horum vero, ut olim dicebamus ra-
 tio est omnium, quod tametsi ad bene sapien-
 terque operandum, non humanam Rationem
 modo, sed præclara etiam nobis aptaque admi-
 nacula, visa sit præstasse Natura, quum scilicet,
 per lenes quosdam & compositos animi motus,
 erga objecta, tum virtutem innatam animæ,
 tum etiam sensus demulcentia rapimur, quæ
 honesta suapte natura sunt, & cum virtute con-
 juncta; quare secundum virtutem facile opera-
 mur, dum oppositus affectus non urget, & vir-
 tuti inimicus: ast rebelles tamen sæpenumero,
 accensi, iracundique animi impetus ipsum agunt
 adeo, & in vitia detorquent, ut eorum colli-
 sione perpetua atque conflictu, non angere modo
 & discrucari se; sed & ad inhonesta rapi ani-
 mus adeo sentiat, ut impetus illos nulla videatur
 tur

tur posse ratione superare. Quum enim in nobis fervet animi calor, qui per alterius oculos intima delatus ad præcordia vires paulatim carpit, & circa jecur sæviens ulcerosum ita arit, ut acerrimum tandem moveat incendium; ille, inquam, animos adeo inflammare solet, iners ut evadat illa, quæ reliqua fuit in homine virtus, & honestatis illecebra, nec aversum tunc animum possit provocare. Probe etiam virtutem noverat, deperireque, & sequi Medea videbatur, quoad potuit, quod honestum non erat averfata. Ast quum amantis anima, ubi amabat magis esset, quam ubi intelligebat, & animabat, traxit invitam nova vis, vicitque cupido mentem meliora suadentem. In libertatem fateor, honestatis meditatione aliquando se vendicare Medea conabatur;

*Dixit, & ante oculos rectum, pietasque,
pudorque
Constiterant, & victa dabat jam terga Cupido.*

Viso tamen iterum Jasone, in prope excussas præceps rursus se dedit flammis, quæ animam semel ingressæ, æternum agitant; quum nescire videatur amor priscis cedere imaginibus. Itaque & Phædra incestum petitura ab Hypolito amorem inducitur exclamans:

Vos

Vos restor omnes Caelites, hoc, quod volo me nolle

Fugienda petimus, sed mei non sum potens.

Quum igitur fugaci voluptati tantas illecebras dederit Natura, ut pudicitiam, famam, graviditatis molestias, ipsumque vicerit Deorum timorem, apud tot honestas etiam Ethnicorum animas, quis contranitentes ipsas solam sempiternæ immutabilisque honestatis imaginem compellere & cogere potuisse imaginabitur? Hominem, fateor, bene affectum aget quidem innata virtus, reique honestas ad recte ordinateque operandum; imo si lenes sint, licet non omnino ordinati, animi affectus, possunt fateor, a delectatione virtutis, & honestatis superari. Verum quum perturbati animi motus vehementius in eum defaviunt, & a cupiditatis impetu & vi, illecebra honestatis superatur, fortius tunc innata illa hominis virtute, reique honestate, fortius, inquam, & necessarium magis requiritur principium, imo & fortius auxilium, quod homines ad officium vehementius impellat; nec istud nisi a Religione, & a Numinis ope repetendum, quæ præmiorum spe, metuque suppliciorum, cogat eos non ordinatis affectibus obstare, honestatemque sequi, & amplecti.

LXIV.

QUAMVIS autem innatum in homine virtutis amorem, & perviam æque honestatis cognitionem admittamus, neminem latere tamen debet, propensionem adhuc illam, atque cognitionem, perturbatione passionum vehementer labefactari & imminui; quod ipsi cordationes Ethnici intellexere. Tullius siquidem, Libro de Legibus primo, serio animadvertibat: *Iustos natura nos esse factos; tantam autem esse corruptelam malæ consuetudinis, ut ab ea igniculi exstinguantur a Natura dati, exoriantur, & confirmentur vitia contraria.* Libro autem Quæstionum Tusculanarum tertio, parvos, inquit, *Natura dedit nobis igniculos, quos celeriter malis moribus, opinionibusque depravatis sic restinguimus, ut nusquam Naturæ lumen appareat: nunc autem simulatque editi in lucem & suscepti sumus, in omni continuo pravitate, & in summa omnium perversitate versamur.* Deterius adhuc humana de natura sensisse videtur Polybius, ita Libro XVII. scribens: *Humanum genus, quod omnium videtur animantium esse vaferrimum, multum rationis habet ad hoc ut sit vitiosissimum. Etenim reliqua quidem animantia, corporalibus concupiscentiis servientia, per solas eas seducuntur. Humanum vero*
genus,

genus, quoniam gloriæ studiosum est, non minus per inconsiderantiam, quam per naturam peccat. Verum ne Declamationi alicui tribuere nimium videamur, admittamus, ut dixi, virtutum igniculos; a Natura nobis datos, & innatum in honestatem amorem; quid illi adhuc tamen in nobis sine Religione poterunt? Nihil profecto, semel atque animus affectibus vehementer perturbetur minime ordinatis. Itaque magnus etiam ille Vir Hugo Grotius, mentis animique nostri labefactas vires non modo vidit, sed remedium indicavit etiam, in lumine Religionis collocatum. Siquidem illud Libri Sapientiæ (XIII. 1.) *Vani autem sunt omnes homines, in quibus non subest scientia Dei*; enarrans, hæc suis in Notis adjecit. *In Græco est amplius, nempe, Vani natura omnes homines, quibus adest Dei ignorantia; ubi natura non tantum significat, ut alicubi, id quod reapse est, sed quod plane animo inolevit. Sic in naturam mutata dicuntur ea vitia & virtutes, quæ altas in animo radices egere. Congruit autem hic sermo cum eo, qui est ad Romanos primo. Nam quamquam magnifice dicunt quidam, Honestum per se expetendum, tanta tamen in animo est vis eorum quæ concipimus, ut nisi adsit de Divina Providentia, & quidem facta hominum repensante, persuasio, simulque Leges quædam, quæ in recta via homines dirigant, fieri non possit,*

S

quin

quàm extra orbitam evagentur, & quidem saepe graviter, ut Stoici in masculam Venerem prolapsi, Romani nihil injustum arbitrantes, quo imperium ipsis cresceret, & luxus sui sustentandi causa exponentes liberos, & gaudentes temere effuso in arena sanguine, quasi id ad virtutem esset incitamentum. Vanos ergo dicit Libri Sapien-
tiæ Auctor eos, qui Dei & Providentiæ ipsius cognitionem non sollicitè custodiunt, sed de ea re sententias cujusque permittunt arbitratui, quo nihil potest reperiri, non dico bonis moribus, sed Reipublicæ exitiosius. Hoc autem ex testimonio videt quisque, non modo maximo cum fundamento Grotii Interpretes, eum excusare perrexisse, in Libris de Jure Belli & Pacis ponentem, homines etiam negato Deo, jure Naturæ obligari; adserentes, ipsum scilicet, non per modum thescoos, posuisse, Jus Naturæ dari posse absque Deo, sed per modum fictionis; quia expressis verbis statim subjicit: *id sine summo scelere dari non posse*. Id, inquam, non modo se-
qui videt quisque: verum & elicimus, magnum illum Virum novisse discrimen inter id quod obligare deberet, & id quod demum solum obligat, aut revera movet ad agendum; itaque nihil evidentius allegato dari posse reor testimonio, quo honestatem illam Stoicorum sempiternam intelligamus ineptam fuisse, minusque idoneam,

neam, ad Societatis ordinem aut inducendum ,
aut etiam conservandum . Non majorem enim
sempiternæ illius immutabilisque honestatis fuisse
auctoritatem, nec majus fuisse imperium poterant
Stoici imaginari , auctoritate , imperio ,
vi , & virtute illa , quam principio *Socialitatis*
suo Grotius assererat ; nec magis Stoici ponere
poterant obligari homines ad officia Naturæ , &
virtutum a sempiterna illa & immutabili honestate,
ac posuerit Grotius ad eadem eos obligari a principio
Socialitatis . Verum posita adhuc tamen obligatione
maxima a principio *Socialitatis* procedente, vidit &
fessus est Vir ille magnus apertissime, fore ut
adhuc virtutum & Societatis officia non præstarent
homines , nisi ad ea a Religione impellerentur ; ergo
etiâsi admittenda foret honestas Stoicorum sempiterna
cum imperio æque & auctoritate a Stoicis arbitrario
præconcepta , non inde tamen efflueret ordo Societatis,
nisi adjectis principiis illis & Capitibus , de quibus
Stoici imprudenter dubitabant .

LXV.

ILLO sane in Grotii testimonio perfectissimam
habet imaginem Stoicorum , quod honestum est,
per se esse expetendum, magnifice quidem prædicantium ;
Divinam vero Naturam & Pro-

videntiam , immortalitatemque animorum negantium , aut veluti incertam & obscuram negligentium . Posteriora hæc vero ignorantibus , & prætermittentibus , num virtutes tantum ordinis supernalis deesse potuisse , imaginaberis Grotium fuisse arbitratum ? num Stoicos masculam in Venerem apertissime prolapsos , honestatis amore tamen , & pulchritudine virtutis actos ? absque persuasione Divinæ demum Providentiæ facta hominum repensantis , ad altissimum pervenire eos potuisse virtutis & perfectionis gradum ? Quin potius eorum virtutes , simillimas dixisset virtutibus Sinensium nobiliorum , qui , ut Johanni Clerico in *Parrhasianis* animadversum , animorum de perennitate , deque Providentia Numinis , securi , non alia sunt præditi virtute , quam profundissima dissimulatione vitiorum . Aut Stoicos cum Sadducæis contulisset Grotius , qui Deum esto admitterent ; quum tamen neque singularium Providentiam rerum , neque futuram faterentur vitam , invicem crudeles & feroces erant ; nec tam exterorum , quam hostes suorum implacabiles , ut Flavius Josephus testatur , in Libro de Bello Judaico secundo ; ea vivendi ratione fatis ostendentes ; non posse allegata illa prætermitti Capita , quin animus inde oriatur omnis Societatis & humanitatis inimicus . Quod si quæsieris quā nam ratione , quum Athei fuerint

rint Stoici, uti Sinenſes nobiliores, potuerint illi olim, uti hi nunc, non modo in Societate vivere, ſed Magiſtratum etiam gerere? Pervium omnino reſponſum eſt; eadem nempe ratione, qua Sadducæi olim, & Epicurei; quorum de prioribus teſtatur Flavius Joſephus, Libro antiquitatum Judaicarum XVIII. *Ipfos ſi quando magiſtratus gererent, invitoſ & neceſſitate coactos, Phariſæorum opinionibus aſſenſos fuiſſe; quod eos alioquin non tuliffet Populus;* de poſterioribus autem fidem faciunt Lucianus in Sympoſio, & Athenæus, Libro Deipnoſophiſtarum IV. ipſos æque Magiſtratui gerendo Sacerdotia obiiſſe, feciſſe ſacrificia, alioſque Religionum ritus peregiſſe. Cenſes ne minus ſimulandi capaces Stoicos fuiſſe, atque in præſens ſint Sinenſes, & quondam Sadducæi fuerint, & Epicurei? Ceterum ſi coactam illam & ſimulatam prætermittimus virtutem, tantis, uti Sinenſes nunc, Sadducæique olim, & Epicurei, videntur Stoici laboraſſe vitiis, ut ſoli nullam conſtituere potuiſſent ordinatam Societatem. Revera, quinam fuere Sectæ Stoicæ Heroes? Cato Cenſor, infamis, avarus, crudeliſſimus, ſuperbus; Seneca, avariſſimus; Marcus Aurelius, effrenis Uxoris licentiæ impotenti patiens conniventia; aliiſque, qui hoſce omni vitiorum genere longè ſuperarunt. Hortabantur illi quidem Scriptis ſuis & effatis ad exercitium

citium virtutis, sed vitiis ipsi tamen laborabant turpioribus. Sique mortales omnes Stoicis similes fuissent, eam constituissent Societatem, in qua nemo aliquam indipisci potuisset, aut conservare tranquillitatem animi, & felicitatem.

LXVI.

NON ignoramus, Samuelem etiam Pufendor-
fium vitæ futuræ expectationem, & animæ im-
mortalitatem in Jure Naturæ seposuisse; qua de
re questi adeo doctiores ejus Editores, & In-
terpretes. Pufendorffii adhuc tamen Systema non
est certe cum Systemate Stoicorum imperfectio-
re confundendum. Siquidem tametsi immorta-
litas animorum Dogma prætermiserit Pufen-
dorffius, existentiam tamen Numinis æterni, in-
telligentis, providentisque posuit; imo Libro de
Jure Naturæ & Gentium secundo, Capite quar-
to, totus est, ut inter hominis officia præcipuum
esse ostendat, animum primo Religione imbuen-
dum; & quum vim jurisjurandi in Jure Natu-
ræ admittat, Deum hac saltem in vita perju-
rii Vindicem agnovit; quare illius ex Systemate
non omnia desiderantur ordinatæ societatis
fundamenta. Sic doctissimus Anglus ille War-
burtonus, qui celeberrimo in Opere de Divina
Moyſis Legatione, inficiatus est, Hebræos Theo-
cra-

cratiæ tempore aliquam habuisse futuri Sæculi notionem (quod nos speciali Commentario adversus Johannem Clericum, esse falsum demonstravimus) quum tamen infinita in medium proferat ille monumenta, quibus vehementissime evincit, ceteros omnes Populos futuram credidisse vitam; ideo hoc evenisse arbitratur, quod quum Ethnicorum Respublicæ humanos tantum Judices haberent, e quibus solis ordinatus haberi non potest Societatis status; heinc necessariam apud eosdem fuisse diversorum statuum futuræ vitæ persuasionem, quo in officio continerentur, & Societas apud ipsos aliquo modo conservaretur. Contra vero, id, Theocratia ætate, non necessarium apud Hebræos Dogma hoc habitum consequitur, quod Judicem ipsi minime tunc haberent, uti Gentes ceteræ, humanum, & qui nota tantum nosset; sed Deum ipsum occulta etiam videntem, & ita dicentem judicium apud ipsos, ut propriis veluti oculis omnia circumspiceret, semper vigilaret, semper attentus esset, Leges quotidie ediceret, plecteret, puniret, præmioque meritos afficeret. Intellexere igitur, vel dum in præjudicatis opinionibus verfabantur, præstantissimi hi Scriptores, non satis constitutum poni posse Societatis Civilis statum, nisi aut utroque præconcepto Religionis Capite, aut priore saltem, Divina nempe Providentia.

Ita-

Itaque quum Philosophia Moralis Stoicorum ; utrumque Caput prætermitteret , nullus ex ipsa oriri potuisset ordinatæ Societatis status , nulla- que felicitas iccirco apud eos , qui fuissent sempiternam illam tantum honestatem Stoicorum immutabilem sequuti.

LXVII.

QUIS igitur non miretur vehementer , Zanotum eo processisse ; ut , vel in hac Philosophiæ Moralis Christianorum luce , laudandam celebrandamque adhuc duxerit Philosophiam moralem hominum illorum ; serio imo monendum duxerit Maupertuisium , pag. 289. *caveret , ne aliquam tantis Viris inferre pergeret injuriam ?* Quod ipse tamen Viro Gl. non animadvertenti de quo nam tunc diceret Systemate , inconsiderate excidisse arbitror . Justum Lipsium olim Stoicifmæ , ut ajunt , postularat Redanius , cui sic respondentem Lipsium , in Defensione ejus posthuma , inducit Capite XI. Carolus Scribanus Societatis Jesu Vir doctissimus : *Et vero non avversabar Stoici nomen , sed Stoici Christiani . Tibi lubens conviciatoris , linguæ tuæ calumniatricis nomen concessero . Deum restor & homines ; post calumniam natam , apertiore & mendacior calumnia neminem petiturum .* Quum vero eandem illi asseruisset notam Georgius Thomsonus , Arnoldus a Boecop , in Dialogo de vera
Justi

Justi Lipsii Religione Catholica ita illum fatum
 simulat: *Non dissimulo, in pretio & amore mihi
 Stoica Secta est, non sequor tamen, aut approbo,
 nisi in quibus cum Christianis contesserat. Perno-
 sci autem sine Christiana veraque Religione, Stoi-
 ca Philosophia non potest, quam prælucem si
 tollis: fateor ecce & clamo, ludibrium illa, va-
 nitas, delirium est.* Montesquieum recens notā-
 vit Adversarius, ceu Stoicorum laudatorem; cui
 respondit ille statim, laudasse se Stoicorum præ-
 cepta, non principia; illamque quam præfere-
 bant morum Scientiam celebrasse, non autem
 ipsorum naturalem Philosophiam, aut Metaphy-
 sicam. Ex alicujus autem Sectæ Metaphysica
 Systema totius pender, exque Systemate totius,
 singularium Systema. Heinc videas quamnam
 Stoicorum rationem habendam duxerint, qui
 minimam quoque habent opinionum communium
 rationem. Nec id sane mirum. Epicureis liqui-
 dem, & Hobbesianis hujusce temporis, exceptis,
 qui nullum Naturæ Jus admittunt, Sectam du-
 riorum Stoica inveniet nemo. Nam illi etiam,
 qui in præsens Naturalem tantum Religionem
 esse docent admittendam, & bellum cuicumque
 sive veræ, sive falsæ Revelationi & Traditioni
 movent infestissimum, nec aliud bene beateque
 vivendi, adeoque etiam ordinatæ Societatis,
 principium ponunt, quam humanam Rationem;

T

illi,

illi, inquam, ipsi Systema inducunt, pessimum illud quidem, sed magis adhuc quam Philosophia Moralis Stoicorum tolerandum. Quiaque enim summa Religionis, ut ajunt, Capita & principia, Deum nempe summum, providentemque, esse & existere; coli ipsum debere; virtutem esse præcipuam cultus divini partem; respiscendum esse a peccatis; dari denique præmium & poenam tum in hac vita, tum etiam in altera; hæc, inquam, principia ita ponunt clara, aperta, & constituta, ut de eisdem humana Ratio nullo possit pacto dubitare. Eorum autem de necessitate summa, quot quantaque in medium Wollastonus protulit, in specimine suo Religionis Naturalis! Itaque sola ea esse admitenda consequuntur, & humanæ solum Rationi, uti principia, ita morum etiam præcepta afferunt, nec non cognitionem discriminis justos inter & iniquos actus; pretiumque, uti cognitionem honestatis, ab humana Ratione repetunt; sed a Ratione, ut vides, suapte natura & vi, existentiam & providentiam Numinis ponente; a Ratione certo æque ponente præmium & poenam, tum in hac, tum futura etiam in vita. Fateor sane, hoc in Systemate nullam haberi fat claram certamque præmiorum poenarumque futuræ vitæ notionem; nullamque in ipso tradi de malorum origine doctrinam; nullam exhiberi re-

ri remissionis peccatorum certitudinem; nec ipsum satis posse se tueri ab objectionibus Atheorum. Verum, vel in hoc adhuc imperfectissimo Systemate summa illa inculcantur Capita, quæ Stoici per summum nefas omittebant. Quantus autem error, Systema onerare laudibus, Deistarum Systemate deterius!

LXVIII.

SED deterius etiam erat Stoicum illud Systema quacumque vel crassiori Idololatria, relate loquor ad Societatem continendam, conservandamque & augendam hominum felicitatem, aut ad eorum infelicitatem minuendam. Religio enim quacumque idololatrica, esto verborum sub involucris, fabularumque mysteriis, Revelationum figmentis, somniorumque interpretationibus, falsorum rituum ambagibus, & additamentis opinionum, interspersa & corrupta, prætulit adhuc tamen semper, promulgavitque summa illa, de quibus heic agimus, Capita & principia, uti apud sexcentos Scriptores videre est, & apud totum ea in re præsertim Herbertum de Cherbury, in Tractatu de Religione Gentilium; Ethnicique pene omnes, uti fuscè ostendit Seldenus, Libro de Jure Naturæ & Gentium primo, naturales Leges à Diis fuisse derivatas;

T 2 ipsos

ipſos Judices , & Vindices , ſibi perſuaſum habuere ; ipſos mortalium Cuſtodes ; quare allegata Capita , quacumque in Idololatria , maximum habuerint in actiones hominum , proindeque in Societatis ordinem , influxum . Non ignoramus Bæliana quidem Cogitata de Idololatrarum Societatibus , quas deteriores fuiſſe Auſtor ille exiſtimavit Societatibus (ſi quæ fuiſſent) Atheorum ; contendens , Ethnicorum divina de Natura opiniones non potuiſſe cum rectis vivendi regulis componi , iccirco ſatius fuiſſe , Idololatræ Religionē caruiſſe , quam ſuis ipſos fuiſſe Religionibus addiſtos ; ea proculdubio , ſubdit , ratione , qua melius aliquo cum homine ageretur , ſi eundem nullo modo exiſtere , quam ſi improbum , ipſum eſſe hominem quis adſereret .

LXIX.

Hunc tamen fallaciſſimo ſophiſmati ſexcenti jam Scriptores occurrerunt , nuperque Auſtor ; qui *de Legum-Spiritu* uſe pertractavit . Ut enim , inquit , neque utile incolumitati generis humani , neque neceſſarium eſt , hunc vel illum hominem exiſtere ; ita ex oppoſito , utile non modo , ſed prorsus neceſſarium eſt , Divinam non modo exiſtere , ſed etiam credi Naturam , atque Providentiam . Hiſce quippe ignoratis ,
aut

aut non creditis, vel independens, ut ajunt, erit homo, vel erit perduellis. Quid autem ab homine timendum, qui a superiore se Principio, Ente, & supremo Judice pendere non arbitretur? Quid non mali a perduelli homine expectandum? Adferere jam vero, Religionem principium cohibens non esse, quia non omnes omnino semper cohibet, idem peræque foret ac statuere, Civiles etiam Leges principium cohibens non esse, quod nec illæ perpetuo cohibeant; errore nec a Libertatis adfectis admissio. Quam enim pessima methodus differendi Bælii! Spisso ille in Opere mala omnia Ethnicorum a Religione, ut arbitratur, derivata enumeravit, prætermittis bonis omnibus eodem e fonte, eademque ab origine, profectis. Qui omnia, quæ five Monarchico in Imperio, five in Rebuspublicis evenere mala recenseret, horrorem proculdubio excitaret. Num igitur nec utilis, nec necessaria aliqua est Regiminis Civilis forma? Num Civiles Leges, Societati continendæ, minus necessariae? Vel si non necessaria esset privatis Religio personis, necesse profecto tamen est ei Principes subdantur, qui quum Civilibus se cohiberi Legibus minime arbitrentur, extremum aliquando inferrent, nisi Religionis freno moderarentur, subjectis Populis exitium. Sed atheismo vindicando invidiosam nimium dedit Bælius Idolola-

Idolatriæ cujuscumque faciem, deterioremq; , ac re-
vera Idololatria aliquando fuerit , conspectum;
quum in crassiori ejus quoque statu summorum
Capitum , nisi substantiam, ut ajunt, imaginem
saltem fuisse adservatam certum & apertum sit;
Naturam nempe aliquam existere Divinam; ipsam-
que rebus Mortalium providere ; alteram deni-
que futuram vitam , facta hominum pro meri-
tis compensaturam.

LXX.

MAJORI vi contra Bælium tot alii doctissimi Vi-
ri differuere, quibus opinio Idololatriæ Atheismum
præferens , relate præsertim ad ordinem Socie-
tatis, & felicitatem Civium, maximum visa est
paradoxorum omnium. Si enim Societas homi-
num ponatur , Religionis cujuscumque vinculo
carentium , quis dubitat , ipsam futuram fore
infinitum deteriore Societate hominum , in
qua Religionis veræ principia illa summa , &
Capita, quamvis corrupta & soluta, sint adhuc
tamen reliqua? Ut enim jam diximus, certum-
que est , nil aliud Idololatria fuit, quam Schis-
ma a prima , vera Patriarcharum Religione ;
vel hæresis ipsius Adamiticæ Religionis. Qui enim
origini Idololatriæ explicandæ ad malum confu-
giunt Genium , veluti ad evocatum aliquem e
ma-

machina Deum , quem æterni Numinis æmula-
 torem , & simiam esse concipientes , universas
 docent apud Gentes simulachra veræ invexisse
 Religionis , quibus suam ipsorum in perniciem ho-
 mines abuterentur , næ illi a natura rerum , &
 a veritate longe aberrarunt . Ut enim tempora-
 ria hæc origines rerum repetendi ratio nullo niti-
 tur fulcro ; illud accedit quoque , poni nullo mo-
 do posse ; perduellem illum , malumque Genium
 in causa esse potuisse , cur aliquam demum ho-
 mines Divinam crediderint naturam , atque Pro-
 videntiam ; sibi que persuaserint a Diis statuta vir-
 tutibus præmia , & supplicia peccatis , certam
 denique opinionem ipsi cur habuerint immorta-
 litatis animorum , diversorumque alterius vitæ
 statuum & locorum ; maximum , omnium qui-
 dem sententia , ad bene ordinateque vivendum ,
 & ad honestatem præcipue sectandam , incita-
 mentum . Quare falsum est ejusmodi certe cogi-
 tatum , nisi illud interpretemur de corruptione
 veræ Religionis , ope etiam Dæmonis inducta ;
 de quo nemo dubitabit . Itaque si quæcumque
 idololatræ Societas cum Societate conferretur
 Atheorum , dubium nullum est , maximum re-
 pertum iri inter utrasque discrimen , posteriori
 proculdubio minime propitium , & secundum .
 Illud autem ut probe intelligeretur , oporteret
 Idololatriam conferre cum Atheismo , non Bælia-

no

no tamen more , sed ut in Notis ad Pufendor-
 fium recte animadvertit Barbeyracius , illa in
 Comparatione , distinguere opus esset effectus
 non modo, qui ab Idololatria & Atheismo pro-
 prie , & immediate procedunt , ab effectibus a
 natura & conditione Idololatrarum, Atheorum-
 que derivatis; verum etiam Atheos illos, Ethni-
 cosque ponere oporteret iisdem præditos adfe-
 ctibus, & propensionibus, iisdemque præterpro-
 pter actos principiis, ideis, occasionibus, & cir-
 cumstantiis ; quare in solo demum Religionis
 negotio , ii de quibus esset actum , opponeren-
 tur . Secus enim si res esset , periculum inde
 immineret, ne Idololatriæ aut Atheismo ea per-
 peram assereremus omnia , quæ naturali potius
 aliquorum propensione, & institutioni hominum,
 moribus Regionum, circumstantiis aliquibus, ce-
 terisque causis , quæ nullum cum idololatria ,
 aut Atheismo habent nexum, essent asserenda .
 Illa autem in hypothesi , quis tunc statim non
 intelligit , palmam Religioni (quæcumque illa
 demum fuerit) esse concedendam; quum in qua-
 cumque vel imperfectissima Religione , tot ad-
 huc reperiantur naturalem ad honestatem & vir-
 tutem impellentia , quibus caret Atheismus ?
 Ovidius Libro Metamorphoseon octavo , quem-
 dam inducens de Natura Deorum dubitantem ,
 auditores omnes statim fingit stupore , & hor-
 rore

rore vehementissimo perculsos, illiusque hominis insana cogitata unanimi consensione reprobantes; subdens:

*Ante omnesque Lelex, animo maturus & ævo,
Sic ait: immensa est, finemque Potentia cœli
Non habet, & quicquid superi voluere pera-
tum est.*

Cura pii Diis sunt, & qui coluere coluntur.
Virgilius autem Libro Æneidos sexto sceleratorum poenis & Tartaro descriptis, memorandum illud adjicit:

*Discite Justitiam moniti, & non temnere
Divos.*

Titus Livius Camillum inducit ista proferentem: *Invenietis, omnia prospera evenisse sequentibus Deos, adversa spernentibus.* Denique Venerinus Vates, Libro Carminum III. Ode IV.

*Dii multa neglecti dederunt
Hesperia; mala luctuosæ.*

Ut infinita ejusmodi, etiam clariora, omittamus.

LXXI.

NEC enim falsi sunt illis Ethnici in testimoniis; consonare enim videntur ipsi Patres, dum de imagine ajunt illorum Caputum apud Gentiles adservata. Nota siquidem satis sunt Prudentii illa, in Apotheosi:

V

Et

*Et quis in Idolio recubans, inter Sacra mille,
Ridiculosque Deos venerans sale, cespite,
thure,*

*Non putat esse Deum summum, & super
omnia solum?*

*Quamvis Saturnis, Junonibus, & Cytheræis,
Portentisque aliis, fumantes consecret aras:*

*Attamen in cælum quoties suspexit, in uno
Constituit jus omne Deo, cui serviat ingens
Virtutum ratio variis instructa ministris.*

Origenes autem contra Celsum disputans, Libro VII. Adversario concedit factam fuisse etiam ab omnibus Gentilibus beatæ vitæ beatīs destinatæ animabus mentionem; terramque ista longe meliorem, Elysium campum, & Beatorum Insulas ab Idololatriis perpetuo decantatas. Idem habet Justinus Martyr, in Cohortatione ad Gentes, idem Tertullianus habet in Apologetico; idem Minucius Felix in Octavio; idem Theophilus Antiochenus; idem denique magnus Johannes Chrysostomus, ita ex principiis Gentilium, exque constanti & perpetua omnium consensione Gentium, de futura vita differens: *Et si enim tu Gentilis es, hanc tamen Orationem nostram suscipies. Audis saepe Cocytos, & Pyriphlegethonas fluvios, & stygis undam, & Tartarum, tantum a terra distantem, quantum hæc ipsa distat a cælo. Et si enim hæc, ut erant, nar-*

narrare non potuerunt Græci, utpote propriis mori-
ratioeiniis, nec non Traditionibus Noſtrorum male
acceptis, attamen imaginem quandam Judiciĩ acce-
perunt. Itaque invenias & Poetas, & Philoſophos,
& Oratores, atque omne Scriptorum genus hac de
re philoſophantes. Audis autem & Elyſium cam-
pum, & Beatorum inſulas, & prata, & myrtos,
& auram tenuem, odoremque ſuaviſſimum: choros
item ibi commorantes, amiſtos ſtola candida, cho-
reas agentes, atque hymnos quosdam concinentes :
ac univerſim malis & bonis poſt obitum repositam
pro meritis retributionem. Hæc Sanctus ille Pater,
in Libro adverſus Oppugnatores vitæ monaſticae
ſecundo. Rurſus vero, & æque expreſſe, Con-
cione quarta de Lazaro, ſcribit: Ne igitur pu-
remus res noſtras huiusce vitæ termino circumſcri-
bi; ſed credamus fore Judiciũ, & Remuneratio-
nem omnium, quæcumque heic a nobis geruntur.
Nam id eſt adeo manifeſtum, perſpicuumque cun-
ctis, ut & Judæi, & Gentiles, & Hæretici, bre-
viter, quiqueſquis eſt homo ſuper his conſentiat.
Quamquam enim non quemadmodum decet de Re-
ſurrectione ſentiant omnes, attamen de Judici-
o, deque pœnis, & de Tribunalibus, quæ illic ſunt,
omnes conſentiunt, illic eſſe aliquam eorum, quæ
heic geruntur, Remuneracionem. Adeo verum eſt,
futuræ doctrinam vitæ, diverſorumque notionem
ſtatuum Sæculi futuri, fuiſſe, quantum ad con-
tinen-

tinendam saltem Societatem satis esse videbatur, apud Idololatrias quoscumque adservatam. Fateor plurima fuisse ab eisdem contra virtutis & honestatis Leges perpetrata. Verum, non omnia erant, a Bælio præsertim, Idololatriæ tribuenda; quum hominum nemo, magis quam Bælius, demonstraverit, raro homines secundum principia, in quibus se versari profitentur, operari.

LXXII.

SED de Idololatria hucusque, cujus Vindices non sumus; satis enim ostendisse fuit, ejus quoque imperfectum sane Systema ad imperfectiorem tamen non accedere Philosophiæ Moralis Stoicorum. Illis imo, qui ponunt Stoicos, ex vi Systematis, & absque summis Capitibus Divinæ Providentiæ, & immortalitatis animorum, ad altissimum pervenire potuisse virtutis & perfectionis gradum, solvenda remanent infinita illa sexcentorum Scriptorum illustrium argumenta, quibus ad virtutes non dicam jugiter colendas, & vitia fugienda, sed præsertim ad instituendum continendumque Civilis Societatis ordinem, solam non esse satis honestatem cognitam, sed Religionem aliquam esse necessariam, idem clarissimi Auctores adversus Bælium ostendunt.

derunt. Nonne Athei ipsi veteres, & recentiores, Religionem idoneum Politicorum inventum Societati fovendæ dixere perpetuo, dicuntque? Id autem profecto, quod, pro ipsorum etiam cogitandi ratione, possibilis non sit Societas Atheorum. Si autem Atheorum Societas possibilis non est; certe neque possibilis fuisset Stoicorum Societas, qui Athei omnino, & revera erant. Quomodo autem virtute præditi dicantur, qui nullam valent constituere Societatem? Ordo enim Societatis pender ab eorum probitate, qui constituunt Societatem. Si nullam vero constituere poterant Stoici Societatem; itaque nullam habere poterant, aut conservare felicitatem. ~~Quæ enim felicitas homini esse potest~~, ubi nullus ordo, nullum Regimen, nulla bene beateque vivendi forma certa, & constituta est? Nec enim jure aliquo quis heic ex Wolfio, in Theologia ejus Naturali, Atheos objiceret Sinenfes, possibilitati Societatis cum Atheismo vindicandæ; quod utique nodum solvere nulla posse ratione videretur. Non enim Sinenfis Populus, Atheus est, sed quam maxime Idolatra. Nobiliores quidem, quique se ceteris doctiores arbitrantur, Numen liberum & intelligens, distinctumque a materia admittunt nullum; sed sunt sane pauciores illi præ reliqua pene infinita multitudine; nec universam constituunt

stituunt Sinensium Societatem. Verum fac etiam
possibilis foret Societas ordinata Atheorum, nil
proderit illa tamen Stoicis principiis, & opi-
nionibus; ostendendum siquidem primum esset,
homines ejusmodi in officio contineri imperio
& auctoritate idoli imaginarii Stoicorum, illius
scilicet sempiternæ, immutabilisque honestatis,
quæ nisi in insanorum illorum Declamatorum
verbis, nusquam fuit. Quamvis vero cognitio-
nem discriminis actus inter justos, & iniquos,
Rationi humanæ illos apud Atheos assereremus,
exequutionem tamen, siue illarum exercitium
actionum, omnemque coactionem, Civiles tunc
certe sibi solum vendicarent Leges; qua in hy-
pothesi verum fuerit, quod ad praxim saltem
spectaret, Hobesianum Systema, numquam ve-
ro Systema Stoicorum. Nam Civilibus in Legi-
bus opus esset, (ut proculdubio opus esset) So-
cietati hominum illorum continendæ, non exi-
steret ergo, neque usquam se se offerret, aut
alicujus virtutis esset, & utilitatis, honestas illa
immutabilis & sempiterna, tanta cum auctori-
tate, tantoque cum imperio, a Stoicis præconce-
pta, & posita.

LXXIII.

SED paucis omnia dicamus. Quid aliud, obsecro, sempiterna illa, & incommutabilis honestas Stoicorum, nisi certe Natura rerum ipsa necessaria, cogitatio nempe infinita, mundi anima, Naturæ quidem Lex, sed a Natura ipsa, ab intellectu, & extensione, & ab infinita unitate, minime distincta; ideoque Naturæ illa Lex, infinitaque & immutabilis honestas, Cartesianis quidem dicendi modis, sed ab atheis Spinosianis propugnata? Ut enim atheum est Systema Spinosianum, licet Naturam suam illam rerum omnium unam, Deum Spinoza appellet, eamque sub adtributorum nomine cogitationis, & extensionis, physice consideret, & prædicet; ita atheum certe est, fuitque Systema morale Stoicorum, qui Naturam ipsam, unitatem rati, sed eam moraliter tantum vestigantes, sempiternam immutabilemque honestatem, in qua auctoritatis unum esset, & imperii adtributum, moralibus dicendi modis vocavere. Quacumque enim in Philosophia, in qua, aut Creatio, aut Agens liberum & intelligens saltem, realiter distinctum a materia, & ab effectibus, positum non est, verus adest Atheismus, ut in suo Systemate intellectuâli Cudworthus ipse; veterum plurimum
Phi-

Philosophorum vindex, fassus est; Stoici autem nec veram Creationem admiscere, nec Agens intelligens, & liberum a materia, aut ab unitate, & mundi anima, atque ab effectibus, realiter distinctum; esto ejusmodi de rebus differentes, insanorum more semper declamarent; Athei igitur fuere. Illa namque ab ipsis prædicata sempiterna, & incommutabilis honestas non ponebatur proculdubio creata, aut ab Agente distincto, & libero producta; erat illa itaque increata; non verus ipsa tamen Deus, quia ab idea Dei auferri, aut in ejus consideratione prætermitti adtributa præsertim illa, quæ Stoici negabant, Libertas atque Providentia, non possunt. Erat igitur cæca, ut ita dixerim, rerum omnium natura, sive infinitæ materiæ infinita anima, unitas illa infinita, in quam omnia resolvebantur, oratorio more a Platonis, more Dialectico ab Aristotelæis, morali prædicata morè a Stoicis, Cartesiano a Spinosistis. Vitikius certe, & Buddeus, totque alii celeberrimi Scriptores, apertissime ostenderunt, Spinosam nil aliud veterum Philosophorum Atheismo, quam methodum addidisse geometricam. Si autem Systema ejusmodi formulis prædicatum Spinosianis, nec laudatur, nec admittitur, cur vel in ejus collatione cum doctrina morali Christianorum, admittetur & laudabitur, si tantum velo quasi quo-

quodam obtendatur formularum Stoicarum, ceu honesto imperitum apud Vulgus numine turpitudinem rei mitigante? In rem vero nostram ita denique ratiocinamur. Sempiterna illa, & immutabilis prædicata a Stoicis honestas metum Naturalis Legis osoribus injiciebat nullum; ubi nullus metus est, nulla vis Legum est; ubi nulla vis Legum est, ordinata Societas esse non potest; ubi ordinata Societas esse non potest, nulla poni potest, aut induci, aut conservari felicitas. Itaque a morali Stoicorum Philosophia, quæ nullum aliud præstat Legum fovendarum medium, quam sempiternam illam immutabilemque honestatem, nullam sperare hac possumus in vita felicitatem. De Stoicorum autem minime perturbato, in perturbatione, & confusione totius Societatis, animo, dicemus suo loco.

LXXIV.

IN præsens siquidem de Philosophia morali Christianorum, relate ad ordinem & felicitatem Societatis, a qua privatorum hominum felicitas pendet plurimum, dicendum est. Ponit igitur ejusmodi Philosophiam, Deum summum esse, semperque & ante omnia fuisse, Mentem simplicissimam, omnia scientem, omnia potentem Voluntatem, Rectorem & moderatorem rerum

X

omnium,

omnium , actorum Judicem supremum , & Vindicem justissimum legum homini indictarum ; Homines ab ipso conditos ad imaginem & similitudinem suam , animas iccirco sortitos esse immortales , ipsum autem unicum omnium finem , quem solo homines consequi poterunt virtutum exercitio ; ejusque consequutione beatum indipisci statum illum , qui perfectissimam demum adferat felicitatem : illarum autem virtutum otores ab ipso Vindice , & Judice meritis plectendos esse suppliciis , & pœnis . Relate autem ad Societatem ponit eadem moralis Christianorum Philosophia , hominem , naturali in conditione , tria necessario respicere , Deum scilicet , seipsum , ceteros ; quibus quidem quæ officia debentur , diversa quum proficiscantur a radice , tribus nempe ab amoribus , Dei , suimetipsum , & societatis , operationum Naturæ fontibus , ad harmoniam denique , ordinatamque ad proportionem debere amores illos redigi , veram ut Naturæ Legem , & conditionem constituent . Ex tribus autem illis ita ordinatis amoribus , sive illorum ex harmonia amorum , quæ Legum ope Christianarum facile in animum induci potest , ne non ordinatus nostri amor (causa malorum omnium) ceteris non sibi debito imperio dominetur , pulcherrimus atque felicissimus oritur Societatis status , in quo Civium quisque suam conservare valeat

valeat felicitatem . Ne vero ordinatissima illa Legibus inducta dissolvatur harmonia , listores digito monstrat suos Christiana eadem Philosophia , metum videlicet , & pœnas osoribus illius harmoniæ , ordinatæque proportionis infligendas , quibus Societatis felicitas in tuto collocata esse videatur . En quam belle id totum exprimat Prudentius , Libro contra Symmachum secundo .

Nonne hominem ac pecudem distantia separat una ;

Quod bona Quadrupedum ante oculos sita sunt ? ego contra

Spero , quod extra aciem longum servatur in ævum .

Nam , si rota mihi cum corpore vita peribit Nec poterit superesse meum post funere quidquam ,

Quis mihi Regnator celi ? quis Conditor orbis ?

Quis Deus ? aut quæ jam merito metuenda Potestas ?

Ibo per impuros fervente libidine luxus :

Incestabo toros : sacrum calcabo pudorem :

Inficiabor , habens aliquid sine teste propinqui

Depositum : tenues avidus spoliabo Clientes :

Longævam perimam magico cantamine matrem .

Tardat anus Dominum dilata morte secundum.

*Nec formido malum ; falluntur publica jura
Lex armata sedet ; sed nescit crimen oper-
tum :*

*Aut si res pateat , Judex corrumpitur auro .
Rara reos justa percellit pœna securi .*

*Sed quid ego hæc meditor ! revocat Deus ecce
severa*

*Majestate minax : negat interitura meorum
Post mortem momenta operum . Non occidet ,
inquit ,*

*Interior qui spirat homo ; luet ille perenne
Supplicium , quod subjectos male rexit ar-
tus .*

Hæc vera est auctoritas , hoc imperium , quod hominum continere valet Societatem , non illud a Stoicis sempiternæ immutabilisque honestatis idolo imaginario assertum , cujus vires formidare homines non poterant , quare in officio permanerent . Relate vero ad Leges in Philosophia Morali Christianorum constitutas , non arbitror perfectiores poni potuisse felicitati Generis humani acquirendæ , & conservandæ ; quare nec impii illi , Trypho , Celsus , Porphyrius , Lucianus , Julianus , qui nostra Mystera oppugnanda sibi constituerunt , & prorsus irridenda , moralibus tamen de Christianorum Legibus perperam
fen-

sensere. Unus inter recentiores, quem noverim,
 Bælius, impossibilem dixit Christianorum Legi-
 bus suis addictorum Societatem, quod nempe
 Christianam minus novit, ut observatum a plu-
 ribus jam est, Bælius Religionem; præcepta non
 valens distinguere a consiliis; aut præcepta esse
 ducens, quæ consilia solum erant. Verum nos
 nec de consiliis in præsens loquimur, neque de
 præceptis, sed de principiis modo Philosophiæ
 Moralis Christianorum, relate ad quæ, princi-
 pia morales Stoicorum Philosophiæ inania dici-
 mus, inertia, spernenda, inutilia, & inepta pror-
 fus, non solum ad conservandam augendam-
 que Societatis felicitatem, quod hucusque osten-
 dimus; sed, quod præcipuum in Quæstione est,
 & statim ostendemus, ad minuendam hominum
 infelicitatem.

LXXV.

PONATUR reapse possibilis ordinata hominum
 Societas, sine principiis Religionis, sine Legibus
 etiam Civilibus, necessario Societatis vel apud
 Hobbesianos retinaculo: ponatur immutabilis il-
 la & sempiterna Stoicorum honestas suo cum
 imperio & auctoritate existere revera: ponatur
 denique quicquid virtutis necessarium homini
 est, ab imperio & auctoritate sempiternæ illius
 incom-

incommutabilisque honestatis, non posse modo, sed etiam revera obtineri; (nec enim negabimus mille nos in præsens Viros, Matronasque admirari, amabili in consuetudine jugiter versantes, quæ morentur potius, quam te sancte pudor umquam violent; idque ob decorum illud quod Generis nobilitatem sequitur, ejusque conditionem) quis adhuc tamen jure imaginari potest, sempiternam hanc immutabilem honestatem homines ea posse consolari ratione, qua consolari eos potest spes bonorum futuræ vitæ, vel si bona ejusmodi (per modum hypotheseos id enunciatur) essent etiam imaginaria, & numquam ut ea homo certo præconcepit, futura? Quomodo infelicitatem ita imminuet Philosophia illa, quæ nihil sperandum expectandumque offert, atque illa, in qua summa beata, sempiterna, & perfectissima promittitur felicitas? Qui ad infelicitatis statum minuendum spem non esse necessariam cogitaret, maxime erraret. Quid est enim infelix status, nisi status ille, a quo velles removeri? ergo minuere non potes conditionem illius status, nisi sperando, fore ut ab illo removearis, actus igitur, quo minuis infelicitis conditionis statum, est ipsa spes, utin alium feliciorum transeas. Jam vero in fatali illo honestatis sempiternæ & incommutabilis idolo nullum aliud cum Stoicis admitti oportere docemur adtributum,

tum, quam auctoritatis, & imperii; itaque nullum erit in ea adtributum quod fovere possit spem mutandi illum infelicem statum. Imperium certe, nisi benefaciendi potestate temperetur, solum parit odium, metumque, & pavorem suapte natura injicit; ergo nullum novit elicere amorem, nullam fovere spem, nullam iccirco secum ferre potest jucunditatem, quæ fructus solius amoris est, & utilitatis; utilitas enim acceptum respicere solum potest, aut speratum beneficium, quod nec accipere, nec sperare ab eo potes, in quo nullum aliud sit adtributum, nulla alia potestas, quam auctoritatis & imperii. Hujusmodi autem, Stoicis erat contentibus, sempiterna illa & incommutabilis honestas; idonea igitur non erat ad minuenda momenta vitæ infelicia.

LXXVI.

FAC autem ex opposito momenta occurrant Christianis molestissima, quæ aut remove nullo modo possunt, aut remove solum possent virtute læsa & honestate. Quid tum illi vero ut illud vitæ tædium repellant, suamque minuant infelicitatem? Præclara illi quidem habent in supernaturalibus Christianæ Religionis veritatibus principia summa, & Capita, e quibus
 (Eco-

Œconomiae hujus cognitionem , & infelicitatis originem , haurire statim possent , seque sine causa in angustiis non esse , facillime intelligere . Omissis illis tamen veritatibus , quid ipsis eorum modo moralis suggerit Philosophia ? Illud statim certe , non omnia morte definire , & deleri ; sed alium beatissimum futurum hanc post vitam statum , virtutis & honestatis , veræque Legis Sectatoribus promissum ; adeoque ab ipsis , si in officio permanserint , brevi acquirendum . Quare elegantissime Prudentius , Libro contra Symmachum secundo :

*Sed facilis Fidei via provocat , Omnipotentem
Credere ; qui bona non tantum praesentia
donat ;*

*Sed ventura etiam , longisque intermina seclis
Promittit ; ne totus eam resolutus inane
In nihilum , pereamque brevem post luminis
usum .*

*Hæc igitur spondente Deo , quis fortis &
acer ,*

*Virtutisque capax , breve quidque perennibus
in se*

*Prætulit ? vel quis Sapiens poriora putarit
Gaudia membrorum , quam vivæ præmia
mentis ?*

Nempe , facile tunc Christianos humana docet Ratio , non esse illum omnino infelicem , qui
exi-

exigua habet momenta infelicitatis , felicitatis vero momenta infinita ; sed illum fatius omnino infelicem esse ; & miserum , qui momenta habet brevissima felicitatis , momenta vero tormentorum , & angustiarum sempiterna . Priores inter novit virtutis Cultores , & infelicitis etiam honestatis numerare ; iniquos autem alteram ad classẽ pertinere . Itaque quum nullus sit adeo perditus Christianus , qui veniam non possit , veræ auxilio poenitentia , Deive munere , sperare delictorum ; nullus etiam iccirco est , qui post tenebras lucem , & exacta tempestate serenum non possit expectare ; nullusque adeo est , qui meditatione illa præsentem non possit lenire dolorem , & momenta vitæ suæ minuere infelicia ; quum noverit momentaneum & leve tribulationis , & patientiæ æternorum pondus præmiorum operari ; nec esse condignas passiones brevissimi hujus vitæ temporis futuram ad gloriam , quæ perpetuo revelabitur in illis , qui honestatem , ceterasque virtutes erunt prosequuti . Ex hisce autem Philosophiæ moralis Christianorum certissimis principiis , quæ ceu satis constituta & certa , minime sibi demonstranda duxit Maupertuisius , summo tamen jure statuit Vir ille præclarissimus , eisdem mediis , quibus æternam supernaturalemque indipiscimur felicitatem , posse nos æque hujus felicitatem vitæ

Y

auge-

augere, aut lenire saltem, & minuere ejus infelicitatem.

LXXVII.

QUID ad hæc tamen doctissimus Zanottus ? Duriora sane, & cum Philosophiæ moralis Christianorum effatis minime, ut reor, componenda. Perfectiorem videri quidem regerit Christianorum Philosophiam, quod præstantiora gaudia promittat; illorum tamen expectationem gaudiorum non includi necessario in ratione agendi eorundem Christianorum. En ejus verba, Capite animadversionum sexto, pag. 282. *Jamque confert Maupertuisius Stoicorum spem cum spe & expectatione Christianorum, quibus incomprehensibilis promittitur, & supernaturalis Beatitudo, quam tamen remota veluti respicit Christianus, quodam tamen modo incipit ea frui, dum illa pascitur expectatione. Fateor, relate ad magnificam hanc spem nihili esse ducenda præmia illa, quæ Natura spondet; nec Philosophiam modo Stoicorum, sed sublimiorem etiam a Platonis inductam, parem esse Philosophiæ Christianorum; qua vigente, confidere illæ nunquam poterunt, Sectatores se promissionibus, aut blanditiis, indepturas. Quamvis tamen nobilis adeo, lætaque sit Christianorum expectatio, & idonea magis quam dici*

dici queat ad inducendam eorum in animos consolationem, caveat Maupertuisius tamen, ne eandem majore in pretio habeat, quam ipsi Christianorum filii, qui profitentur, ita esse se affectos, ut absque illa expectatione, qua indigere nolunt ad sequendam virtutem, recte tamen adhuc, ordinateque operarentur. Seque tunc solum existimant perfectos, quum ita sunt affecti, ut recte ordinateque operari pergant sine spe illorum premiorum. Hoc autem proposito ostendunt Christiani, fore, ut, si quando nulla etiam foret æternorum bonorum expectatio, fore, inquam, ut sola virtute essent contenti, servirentque adhuc honestati, quæ Deus est, in solo honestatis cultu votorum omnium compotes effecti. Ita autem quum affecti sint Christiani, ignoro, cur Philosophos illos deberent irridere, qui æterna ignorantes præmia solam honestatem coluere, omnem ab ipsa lætitiâ & consolationem haurientes. Quod quidem Christiani etiam præstarent, si cælesti illa carent & divina expectatione. Ille hucusque, quæ doctissimo fane Viro contra mentem, & casu quodam, excidisse reor; impossibile quum omnino sit fore, ut, ipso connivente, crudelior Christianæ Religionis inimica, Stoicorum Philosophia, inter ipsa Religionis altaria, ipsiusque adeo in conspectu Religionis, ad astra usque extollatur; Christiana vero Religio nobiliore

suo pretio, & monili pretiosiore, ipse scilicet præmiorum æternorum, nudata inducatur, quo humilior, deformior, & vilior, coram laudata inimica videatur. Et revera eam non esse, quam allegata ejus verba præferunt; mentem præclarissimi hujus Viri nulla ratione dubitabimus, si ea animadvertemus, quæ Capite scripserat antecedenti, nempe quinto, ubi Maupertuisio occurrens admiranti, quod quum Stoici morum Regulam sine Religione constituissent, hac tamen indigerent Christiani, quo vivendi normam figerent, optime sapientissimeque statuit Zanottus, *Christianos dare non modo operam ut virtute præditi sint, fortes, justi, temperantes, mansueti, liberales, humaniores, quemadmodum olim Stoici, sed ipsos æque velle, ut virtutes ejusmodi se se supernaturalem ad ordinem & habitum erigentes, ipsos caelesti incomprehensibilique præmio dignos efficiant, ad quod naturæ viribus pervenire numquam potuissent: tam beata spe Stoicos non fuisse actos, naturalem iccirco sequutos tantum honestatem: ast Christianos ex opposito ea nec posse, nec debere contentos esse, optantesque virtutem superiori ordine donatam superioribus ejus inquisitione uti mediis; adeoque in figenda morum regula, voce, invitatione, & promissis Numinis eosdem indigere. Qua equidem in re egregie, sapientissime, optime scribit præstantissimus hic*

hic Vir. Verum, quomodo obsecro hæc parum adeo diffita cohærere possunt, Christianos nempe *nec debere, nec posse* sola honestate naturali esse contentos, ipsosque *voce, invitatione, & promissis Dei* indigere; & Christianos *profiteri ita esse se affectos, ut expectatione Bonorum æternorum indigere nolint*, quo virtutem oppido sequantur; ipsosque *tunc solum se ducere perfectos quum ita sunt affecti*? Numquam sane datum mihi fuit intelligere quonam pacto hæc adeo opposita conciliari posse videantur; etsi id quam maxime optassem. Qui enim indiget voce, invitatione, promissis Dei, quique nec debet, nec potest sola naturali esse contentus honestate, ille certe numquam protestari poterit non indigere se voce, invitatione, promissis Dei, neque imaginari se tunc demum evadere perfectum, quum ita affectus est, virtutem ut sequatur ob illius pretium, & absque voce, invitatione, & promissis Dei; quod utique Christianorum cum Systemate componi non potest. Non enim heic de Stoicorum præceptis sermo est, quæ alii æque cum præceptis nostris contulerunt; sed sermo est de principiis Stoicæ ipsius Philosophiæ, aut verius, de principiis Philosophiæ moralis Christianæ, quibus carebat Philosophia moralis Stoicorum. Christianismum ne igitur imaginabimur omittentem expectationem bonorum æ-

ter-

ternorum? Christianam Philosophiam absque spe bonorum futuræ vitæ? Christianorum Systema non includet necessario. & semper præmia & pœnas seculi futuri? Sed ut hoc cogitatum est sane, a veritate alienissimum; nonne sapientissimum Zanottum animadvertere adhuc oportebat, ejusmodi hypothesi, extra hypothesim se Maupertuisii differere, & opposita ponere Principia, iis, quæ summo jure Maupertuisius præconceperat? Prætermittit iste quidem Mysteria Fidei nostræ supernaturalia; & Christianismum, ceu Sectam, ut olim habebatur, Philosophicam proponit infelicitati vitæ minuendæ; verum in moralis adhuc Christianæ Philosophiæ Systemate expectationem præmiorum alterius vitæ, ceu necessarium Caput; includi summo jure arbitratur. Inquirens enim Maupertuisius; quænam ex duabus illis moralibus Philosophiis Stoicorum quidam alia, alia Christianorum, aprior sit infelicioribus humanæ vitæ momentis minuendis; animadvertensque, in priori nullum proponi præmium expectandum, nullam spem, nullam gaudiorum expectationem; in altera vero summam proponi sperandam, expectandamque probis felicitatem; legitime inde Gallus Auctor consequutus est, hanc idoneam esse ad finem illum obtinendum, secus vero illam. Quid tunc Cl. Zanottus? Inducit Christianos protestari non verentes,

tes, illorum se expectatione præmiorum indigere nolle, quo virtutem sequantur, recteque & ordinate operentur; seque ita affectos esse, ut, etiamsi nulla foret bonorum æternorum expectatio, virtuti adhuc tamen servire vellent, eaque sola forent contenti; imo (quod maximum erratorum est) tunc solum se perfectos ducere Christianos, quum ita affecti sunt, ut absque expectatione illa servire pergant honestati. Hoc autem idem prorsus est, ac si quis contra Cl. Zanottum de Philosophia morali Stoicorum disputaturus, induceret Stoicos, aperte protestantes, sempiterna illa & incommutabili honestate se indigere nolle, quo secundum virtutem operentur; tuncque solum perfectos eosdem ducere se Stoicos, quum ita sunt affecti, ut recte agant, quin ad illam respiciant sempiternam & incommutabilem honestatem. Quod lepidum sane disputandi genus lætam præberet Lectoribus materiam. Inducuntur autem Christiani loquentes, ceteri præmiorum alterius vitæ expectatio, quid, ut ita dixerim, accidentale esset, & superadditum in Systemate Philosophiæ moralis Christianorum; staretque adhuc Christianorum Philosophia moralis, absque illa spe, & expectatione. Verum, ut hypothesis ejusmodi facto repugnare apertissime videtur, quum maxima Christianorum pars & copia vix ita affecta sit,

ut

ut præmiorum æternorum expectatione , illecebra , & spe , ad virtutem adhuc perpetuo trahatur , metuque æternorum suppliciorum semper retrahatur a peccato ; abest adeo ut virtuti absque divino præmio serviret ; illud accedit quoque , Cl. Zanottum , Stoicorum Philosophiæ quod majus conciliaret decus , prætermisisse in consideratione Philosophiæ moralis Christianorum , quod non omnino erat omittendum ; si enim prætermittere Christiani possent expectationem futuræ vitæ , & præmii virtutis , non esset tunc certe , cur contemnere , aut irridere pergerent Philosophiam moralem Stoicorum .

LXXVIII.

NOVERINT tamen , intelligantque quicumque heic abuti vellent auctoritate Cl. Zanotti , expectationem cælestium præmiorum omitti nullo modo posse in Systemate Philosophiæ moralis Christianæ . Nam etsi homines , quatenus tantum rationales sunt , suos semper Rationi conformare actus teneantur , tenerenturque adhuc , si nulla foret Christiana , aut alia , Religio ; quare protestari tunc jure possent , imo & deberent , sequi se virtutem , & honestatem amore ipsius virtutis , atque honestatis ; statim tamen atque ponimus , ipsos esse Christianos , quum non possint illam agendi causam , scilicet tunc ob præmium ,

mium, prætermittere, nec etiam tunc profiteri possunt illa se causa, illoque præmio, minime indigere. Christianum enim protestari se illa non indigere recte ordinateque agendi causa, idem prorsus esset, ac Christianum protestari se non esse Christianum; quod sane contradictorium foret. Quacumque revera ætate, quocumque tempore, quocumque in statu, beata illa gaudia sibi esse respicienda Christiani credidere. Canunt siquidem Christiani quotidie illa Psalmi CXVIII. *Inclinavi cor meum ad faciendas justificationes tuas, propter retributionem.* Legunt illa Matthæi V. *Mercēs vestra copiosa est in cælis.* X. *Mercedem Justī accipiet Non perdet mercedem suam.* Norunt illa Pauli, ad Hebræos II. de Moyse scribentis: *Aspiciebat in remunerationem.* Ad Philippenses III. *Nostre conversatio in cælis est.* I. ad Colossenses I. *Propter spem quæ reposita est vobis in cælis.* Heinc illa Apostoli ejusdem, II. ad Timotheum I. *Scio cui credidi; & certus sum, quia potens est depositum meum servare in illum diem.* Mentibus insculpta habent Christiani semper illa Johannis Epistola II. *Ne perdatīs quæ operati estis, sed ut mercedem plenam accipiatis;* illaque Apocalypseos II. *Reddere mercedem servis tuis Prophetis.* Mentibus æque insculpta habent ea Liturgicis in Libris universa ab Ecclesia, & Generalibus in Conciliis repetita,

ta, Sanctos nempe omnes tanta passos esse crudelissima tormenta, ut tuti & certi pervenirent ad palmam beatissimam Martyrii: tradidisse corpora sua propter Deum ad supplicia, ut hæres fierent in domo Domini; permansisseque immobiles, vitæ perennis gratia. Recitant quotidie Symbolum Christiani, quo se credere profitentur *remissionem peccatorum & vitam æternam*; & expectare *vitam venturi Saculi*. Vitam hanc autem æternam ea se profitentur ratione credere, qua *Deum Omnipotentem Creatorem cæli & terræ*. Ut autem insaniret qui in Systemate Christianorum prætermitti posse crederet Caput de Deo Creatore, ita valde erraret, qui imaginaretur consistere posse Philosophiam moralem Christianorum, sine Capite æternum præmium respiciente. Quorum causa est, quod quum non aliud sit illud præmium, & illa merces, quam Deus ipse, sive ejus Visio & fruitio, in qua sita est beatitudo hominis æterna, si Christianus posset sine crimine prætermittere expectationem illius mercedis, posset Christianus sine crimine Deum prætermittere: quod nefas cogitatu. Ad hæc, sicut sine fide, ita sine spe, impossibile est placere Deo: spes autem Christiana in nobis præstat, ut, intuitu retributionis futuræ, virtutes amplectamur, & sequamur; est enim spes, futurorum expectatio bonorum ex dono Dei, & ope-

operibus virtutum . Hoc imo spes includit , ut bona illa alterius vitæ , sub ratione mercedis , Deo sic jubente , expectentur ; hoc autem quum credere fide debeamus ; illud debemus spe Christiana expectare ; qua de re Theologi conveniunt universi . Si Christiani igitur protestarentur , se ad bene operandum indigere nolle præmio ; itaque tunc protestarentur , se ad bene operandum indigere nolle Deo . Sique protestarentur , se tunc solum perfectos esse , quum bene operantur , nulla habita ratione æterni præmii ; itaque & protestarentur , se tunc solum perfectos esse , quum bene operantur , nulla habita ratione Dei . Quæ sane non video , quomodo cum perspecta Cl. Zanotti pietate , ejusque recta cogitandi ratione , conciliari posse videantur .

LXXIX.

ABEST vero adeo , ut se Christiani tunc solum existiment perfectos , quum ita affectos esse se intelligunt , ut , absque expectatione illa præmiorum æternorum , secundum virtutem adhuc agerent , & honestatem , (quæ est Adversarii sententia) ut imo ex opposito Sacris in Litteris ii nobis , ceu virtutis cultores propter retributionem designentur , qui iisdem Sacris in Litteris sanctiores velati ceteris , perfectioresque

commendantur; & quos constat virtutem perfectissimo amore coluisse, Abrahamum nempe, Moysen, Davidem, Apostolosque, qui relictis omnibus, & sequuti Christum, quum ab ipso petiissent, *quid ergo erit nobis?* ampliorem ipsis spondit Deus præ aliis mercedem. Matthæi XIX. Quo Stephanus consolaretur, & alacrior efficeretur ad Martyrium, *vidit gloriam Dei*. Act. VII. Dorothea pro Christo moritura, *gratias*, inquebat, *tibi ago, quia me ad Paradisum tuum vocasti*; idemque eodem in statu præstitit erga Deum Laurentius, subdens: *Quia januas tuas ingredi merui*. Exemplar omnium imo perfectionum Christus nonne proposito sibi gloriæ gaudio Crucem sustinuisse dicitur ab Apostolo ad Hebræos XII. quo nobis ostenderet beatam illam gloriam semper præ oculis habendam? Imo quam de causa Christianorum Deus beatos; Matthæi V. dixit *pauperes spiritu, mires, misericordes, pacificos, mundos corde, eosque qui aut lugent, aut esuriunt, & sitiunt justitiam, aut ejus causa persecutionem patiuntur?* Num fortasse quod, ita quum sint affecti, virtutem sequantur, ejusque sint pulchritudine contenti? Num fortasse quia nullo indigere nolunt præmio, nulla indigere nolunt bonorum æternorum expectatione, ut in illis virtutibus versentur? Minime sane gentium; sed quia iidem demum

con-

consolabuntur, saturabuntur, misericordiam consequentur, filii Dei vocabuntur, possidebunt terram, Deum videbunt, ipsorumque futurum sit Regnum Cælorum, merces tot virtutum copiosissima. Mirum certe, si dum Christus, Apostoli, omnesque Sancti Patres, hortantur, Christianos Cœlestem ut patriam jugiter respiciant, quo perfecte agere in vita possint; aliquis eosdem tunc perfectos appellaret, quum ingratisissimorum instar Hebræorum pro nihilo haberent terram desiderabilem. Psalmo CV.

LXXX.

SED jam mihi videre videor, cur Zanottus, cetera doctissimus, in hunc lapsus sit errorem, ut expectationem vitæ æternæ prætermitti posse existimaverit in Philosophia morali Christianorum. Nempe, fando aliquid, forte ejus pervenit ad aures, non unum esse amorem Dei Theologicis in Scholis predicatum; sed alium amicitiae, & benevolentiae; alium vero concupiscentiae appellari; illum vocari amorem super omnia, & Deum respicere quatenus in se bonus perfectusque est; posteriorem vero, Deum respicere quatenus bonus nobis est, nostrum præmium, nostraque beatitudo, & æternæ felicitatis causa; priori autem illi amori nobiliorem tribui perfectioni-

ctionis gradum, quam posteriori; hæc, inquam, aut similia obiter fortasse a Viro præstantissimo audita; quorum ille Mysteriorum experts, quid demum sibi persuasit? Persuasit certe sibi, priorem illum amorem, quo Deus diligitur tamquam in se bonus & perfectus est, non includere amorem alterum, quo Deus idem diligitur tamquam nostrum præmium, felicitas, & beatitudo est, ceu dari posset verus Dei amor sine expectatione bonorum æternorum; illum autem amorem quo Deus diligitur, ceu æternæ nostræ felicitatis causa, arbitratus proinde est, amorem esse mercenarium. His autem positis falsis imaginibus, consequutus est, fore ut perfectiores essent Christiani, si absque mercenario illo amore, non dixit Deum, ceu in se bonum tantum; sed, quod deterius est, sequerentur honestatem tantum, & virtutem; fore tunc, inquam, perfectiores, quam si recte ordinateque operentur æternorum acti expectatione præmiorum. Verum ejusmodi tum in positionibus, tum etiam in consequutionibus, vident vel in solis Christianæ Religionis Elementis initiati majore numero errata esse, quam verba. Falsum enim præconciperet Zanottus, si fortasse præconciperet, amorem, quo Deus diligitur, quatenus in se bonus est, separari ab amore posse quo diligitur Deus, quatenus nobis bonus est. Falsum est, amorem quo dili-

dili-

diligitur Deus quatenus nobis bonus est, esse mercenarium amorem. Falsissimum, ne quid valde pejus adferam, denique est; perfectiores eos esse qui creaturam, sive virtutem amant, quatenus honesta est, quam qui amant Deum, quatenus nobis bonus est. Itaque perfectiores non erunt Christiani qui bene agunt sine expectatione mercedis, quæ Deus est & ob amorem solius honestatis, quæ res creata est; non erunt, inquam perfectiores iis, qui recte ordinateque operantur non intuitu solius virtutis, quæ res creata est, sed intuitu illius mercedis & præmii, quod Deus est.

LXXXI.

AMOREM revera Dei, quatenus bonus in se perfectusque est, amorem vocant amicitia. Ast quomodo poni amicitia potest, ubi mutuus amor non est, & communicatio etiam bonorum? Sed & amicorum est quod quærant invicem perfrui, ut D. Thomas ait in *III. Dist. 29. Questione II. Art. 4.* itaque, ut ille infert, perfectus Dei amor desiderium, & expectationem felicitatis secum habet; nec huiusmodi spes, & expectatio mercenarium amorem efficit, quum Deus ipse sit merces amoris, non aliquid a Deo diversum. Non enim mercenario amore Deum diligebat Paul-

Paullus, qui ad Philippenfes III. beatitudinem tamen *lucrum* appellavit; nec erubuit II. ad Timotheum IV. illa scribere : *tempus resolutionis meæ instat . Bonum certamen certavi , cursum consummavi , fidem servavi : in reliquo reposita est mihi corona justitiæ , quam reddet mihi Dominus in illa die justus Judex .* Scilicet , ut allegato loco , animadvertit Sanctus Præceptor, duo sunt Mercenariorum genera , unum eorum qui propter bona temporalia virtutem sequuntur . Hi autem & veri Mercenarii , & veri amoris erga Deum expertes. Aliud eorum, qui recte & ordinate agunt propter hæreditatem , incorruptibilem , incontaminatam , & immarcescibilem, conservatam in cælis , ut phrasi utar Apostoli Petri I. 1. Hi autem aut non Mercenarii , aut ex iis sunt , quibus abundat cælestis Dei domus , ut innuit Lucas Capite XV. Rectissime Augustinus , Sermone CCCXL. Edit. Maur. *Quia gratis amamus , quia oves pascimus mercedem quærimus . Quomodo convenit , gratis amo ut pascam , & mercedem posco , quia pasco ? nullo modo fieret hoc , nullo modo merces quæreretur ab eo qui gratis amatur , nisi merces esset ipse qui amatur .* Amor igitur Dei , ceu in se boni & perfecti , non excludit amorem Dei , ceu boni nobis; sed sunt ejusdem amoris diversi gradus , quorum perfectior minus perfectiorem secum adfert.

fert. Sed altissima hæc Myſteria non ultra Philoſophica in Quæſtione profanabimus. In rem noſtram animadvertere modo eſt, perperam ab Adverſariis, ſtatui, non ſolum poſſe a Chriſtianis prætermitti bonorum cœleſtium expectationem atque ſpem, ſed etiam illos appellari perfectiores, qui eam prætermittunt. Nam ſi Pſeudomyſtici a Theologis, a Patribus, ab Eccleſia, & a ſenſu, ut dicitur, communi omnium, damnantur, quod iidem, amorem Dei in ſe boni, diſtinguentes ab amore Dei nobis boni; priorem ſolum admittendum ducunt, non vero poſteriore, quem vocant mercenarium; quam invidioſior ſit oportet, obſecro, opinio, quæ perfectiorem ſtatuit illorum conditionem Chriſtianorum, qui virtutem & honeſtatem propter ejus pretium ſequuntur, conditione Chriſtiano- rum illorum, qui ſecundum virtutem agunt propter præmium, nempe Deum? In illo enim Syſtemate Pſeudomyſticorum, etſi male amor Dei rejicitur, quatenus eſt præmium, & bonum nobis; requiritur tamen, tamquam neceſſarius, Dei amor in ſe boni & perfecti; quare Deus eſt adhuc ſemper qui diligitur; nec omitti illo in Syſtemate videtur amor præmii, niſi ob amorem Dei. Aſt ſi ob amorem virtutis omittimus amorem præmii; tunc ob amorem creaturæ omittimus amorem Creatoris; ſcilicet ob amorem

virtutis omittimus amorem Dei ; quum non aliud præmium in Philosophia morali Christianorum poni, nisi Deus possit.

LXXXII.

VERUM, inquiebat doctissimus Zanottus, Christiani se ita affectos esse profitentur, fore, ut sine præmiorum æternorum expectatione *honestatem, quæ Deus est*, adhuc sequerentur, suam in ea indepturi felicitatem. Idque iterum repetit eodem in Capite, scribens, *Stoicum præceptum de honestate ceteris omnibus præferenda, non adeo contrarium esse præcepto Christianorum, Diliges Deum super omnia, hoc est ceteris omnibus præferes Deum, quia Deus honestas ipsa est*. Sed quid hoc nam rei est, *honestatem Deum esse* apud Christianos? Deus erat illa quidem Stoicorum, apud quos, Deus, Fatum, Fortuna, Providentia, æterna rerum colligatio, sempiterna & incommutabilis honestas, ceteraque ejusmodi, nomina erant diversa tantum ejusdem omnino rei ; sed non posset esse Deus Christianorum, nisi honestas illa immutabilem non modo haberet essentiam, verum etiam intelligentiam, voluntatem, vim creativam, & a quacumque re creata distinctionem, beneficentiam, liberalitatem, ceteraque adtributa, quæ in idea profecto solius honestatis non reperiuntur.

Ne-

Neque enim propositioni illi vindicandæ *Honestas Deus est*, aliquis heic mihi Johannis illud velim adferret: *Deus Charitas est*. Hellenisticam enim, hoc est hebraicam Anomaliā in eo quis ignorat? Adjectiva enim per ipsamet substantiva non semel exprimunt Hebræi, de quo exempla apud Grammaticos illius Linguæ infinita; quare sensus est; Deus charitatem habet; & revera statim subjicit sequenti commate Johannes; *in hoc apparuit Charitas Dei in nobis, quoniam filium suum Unigenitum misit Deus in mundum, ut vivamus per eum: in hoc est charitas, quoniam ipse prior dilexit nos, &c.* Sexcentique Interpretes locum illum Epistolæ Johannis significare ajunt ex Deo Charitas est, vel, Deus Charitatis auctor & donator est; eadem anomalia, qua Psalmista dixit: *Dominus fortitudo mea, illuminatio mea, salus mea. Tu es patientia mea, tu es spes mea, tu es expectatio mea*; quamvis hæc posteriora magis objective dicta esse videantur. Certe Deus, ut Theologi docent, Charitas tum formalis & increata, eaque vel essentialis, vel notionalis est, tum causalis & creata, idque per omnia causarum genera. Verum ut essentialiter Charitas a Christianis Deus dicitur, vix dici potest substantialiter honestas, quum non aliam honestatem noverunt umquam Christiani, quam creatam illam relationem quæ

in rebus ipsis est creatis; & quamvis essentiam tribuant honestati suam, numquam tamen eam Deum esse crediderunt; quare quum suos actus intelligunt Christiani conformationem habere cum humana Ratione, Legibusque Divinis & humanis, virtutem se quidem & honestatem consequutos, non tamen Deum, arbitrantur. Quoniam vero intelligo heic nonnulla explicanda esse a Cl. Zanotto non animadversa, sciendum est, uti nunc apud nonnullos Recentiores, ita olim apud Veteres, duo de Doctrina Juris & morum obtinuisse, diversa quidem inter se, in Ateismum tamen collimantia utraque, Systemata. Epicurus siquidem Legem Naturæ admittebat nullam, ut satis notum, innuitque Cardinalis Poliniacus, Libro contra Lucretium primo:

Nam quod in his rebus genitrix Natura ministrat

Humano Generi lumen, te Judice, vanum est;

Ipsa tibi cum lucis inops, & cæca putetur.

Hinc scelus in tenebris admissum, obscuraque virtus

In pari erunt pretio, pendebit utrumque vagantis

Arbitrio Vulgi, nec erit nisi nomen inane.

Heinc nullam quum admitteret Epicurus Naturæ Legem, nullum etiam admittebat Deum.

Stoi-

Stoici ex opposito, quum unam illam rebus omnibus intrinsecam, infinitamque admitterent Naturam, quam Deum, fatum, fortunam, Providentiam, necessitatem, & concatenatarum seriem rerum appellabant, Naturæ etiam Legem admiscere, sempiternam scilicet incommutabilemque honestatem; moralibus hisce dicendi modis animam tamen Mundi, sive infinitam cogitationem infinitæ materiæ cognatam, denotantes. Hobbesiani, inter recentiores, quique Societatem omnem, & Jura inventa metu statuerunt, nullam admittentes aliam Naturæ Legem, quam amorem proprium necessario Legum Civilium vinculo frenatum; ejusmodi, inquam, homines vere & proprie Legem Naturæ admittunt nullam, quam inter recentiores tamen admittunt ii, quos Naturalistas sive Spinosianos appellamus; ea ratione tamen Naturæ Legem admittentes, qua etiam Deum, quem quum extensione donent, & intellectu, exque proprietatibus componant corporeis, sensibilibus; & intelligibilibus, quæ omnes unum faciunt; hujusce inde unitatis ex visceribus, uti materiam, ita etiam prodiisse intellectum, prodiisse animam efficacem, prodiisse Naturæ Legem ponunt, quæ idem sit cum Natura tamen, cum efficaci anima, sive mundi, cum intellectu, cum extensione, & cum unitate, quæ Deus.

Ut

Ut igitur Stoicus, & Spinosianus homo honestatem sequutus, jure diceretur suum sequutus Deum, quod non alius sit ipsis Deus, quam Natura rerum, morali consideratione, immutabilis & sempiterna honestas appellata; ita de Christiano homine solam sequuto honestatem, dici numquam potest, ipsum tunc suum sequi Deum; quum Christianus Deum a natura perpetuo distinguat, Deumque extramundanam, ut ita loquar, sive supramundanam intelligentiam esse credat, & a relationibus, quas ad perfectiones & adtributa illius Intelligentiæ res creatæ habent, Intelligentiam ipsam apertissime secernat. Itaque si omiſſa infinitæ illius Intelligentiæ consideratione, suam Christianus figeret mentem in meditatione solum pulchritudinis creatæ relationis, nempe honestatis; si solam honestatem sequeretur, si sola contentus esset honestate; hujus quidem amore ipsum rapi jure diceremus, non autem Dei; illam sequi, sed non Deum; illi servire; sed non Deo; illa denique contentum esse, non vero divinorum agi expectatione præmiorum; adeoque nec operari tunc juxta decreta Philosophiæ moralis Christianorum; qua in hypothesi, quomodo contra Maupertuisium poterit differere Zanottus?

LXXXIII.

VERUM non despondet hic animum , sed pergit magis , & Capite Animadversionum VI. pag. 279. ita scribit : *Si Christianus nil aliud quærens quam Deum , beatam acquirit animi tranquillitatem , quare eandem non consequetur animi tranquillitatem etiam Stoicus , non alia de re sollicitus , quam de honestate ?* Quam quidem interrogationem suam posset Cl. Zannotti Vindex aliquis vehementer ex iis confirmare , quæ nos in limine statuimus hujusce Disceptationis . Distinximus quippe formalem ab objectiva felicitate ; hancque variam esse posse diximus , pro vario hominum , & temporum , statu , & desiderio ; illam vero in animi tranquillitate sitam omnino esse . Si igitur Stoici desiderium circa honestatem solum versaretur ; uti desiderium Christiani hominis versatur circa Deum ; tunc certe Stoicus virtutem & honestatem consequutus , deberet esse felix , ea ratione qua felix est Christianus consequutus Deum ; aut ea ratione qua hic nil aliud quærendo quam Deum ; beatam acquirit animi tranquillitatem ; ita & Stoicus non alia de re sollicitus quam de honestate ; etiamfi ejusmodi exercitium honestatis infelix esse videretur ; quia nullam esto tunc volupta-

luptatem adferret secum corpoream , adferret
semper tamen Stoico animi voluptatem , nempe
animi tranquillitatem , quam felicitatem forma-
lem appellamus ; adeoque honestas , quamvis in-
felix , vera felicitas Stoici objectiva esset , illius-
que prosequutio bonum ejusmodi esset , ut nul-
lum amplius , beatiusque excogitari ab eo pos-
set . Consequeretur enim tunc Stoici voluntas
quod maxime consequi optavit , expleretque se
in exercitio infelicitis etiam virtutis , quo tam-
quam summo flagravat bono ; quare illo in exer-
citio , vel ex illo , animi quies & tranquillitas ,
sive perceptio , sensatio , aut conditio , a qua
æternum Stoicus removeri nollet , adeoque vera
esset , & optima felicitas . Majorem siquidem vo-
luptatem consequitur Stoicus ex carentia gaudio-
rum , quæ nullum habent cum honestate nexum ,
quam ex gaudiorum consequutione consequere-
tur ; aut majori se affectum intelligere potest
voluptate , dum ejusmodi carere optans gaudiis ,
illis reapse caret , quam si , illis carere optans ,
ea adhuc tamen consequeretur . Non enim quod
in se bonum est , nos afficit semper , & felices
reddit , sed quod bonum nobis in tempore apre-
hendimus . Nam & maxima tristitia affectis nullum
advenire objectum magis ingratum potest , quam
suapte natura hilare & lætum ; neque mœstis au-
ribus insuavior sensatio , quam dulcis cantus , in
ipsa

ipsa veluti mœstitia, & in tristium consideratione objectorum, qui infortuniis aliquando maximis premuntur, dolorem lenientes suum. Da imperium amanti, illud amicæ postponet. Da Venerem Alexandro, eam postponet victoriæ opidi resistentis. Stoico igitur in animo nulla excogitari potest vehementior voluptas, quam omnibus, præter honestatem, carere gaudiis & bonis; sola siquidem honestas, quamvis omni carens spe, omnibusque voluptatibus & bonis, eam inducere valet Stoicorum in animum quietem, & tranquillitatem, quæ formalem, & veram constituit felicitatem. Nulla autem excogitari potest voluptas animi excellentior, vera & perfecta felicitate. Quæ a nobis excogitata & adjecta sunt opinioni præstantissimi Zanotti illustrandæ.

LXXXIV.

VERUM, tametsi de distinctione illa formalem inter, & objectivam felicitatem nullo pacto dubitandum esse videatur, dubitandum tamen est, an sola honestas, quæ nullum adlatura sit fructum, nullumque præmium, esse possit felicitas objectiva, & causa efficiens felicitatis formalis, in homine juxta præsentem statum & conditionem suam considerato. Si enim castramus & decorticemus hominem, (quod olim

Bb

a Stoi-

a Stoicis factum circumfertur) sique amorem proprium , & amorem naturalem suæ felicitatis ab ipso auferamus , tunc pervium erit imaginari , solam honestatem , dempta quacumque spe , quacumque voluptate , quacumque utilitate , posse esse felicitatem ipsius objectivam , sive efficientem causam felicitatis formalis & perfectæ animi tranquillitatis . At si hominem , anima & corpore præditum consideramus , & quatenus revera est , vix crediderim effici ipsum felicem posse in prosecutione Objecti , nullam secum ferentis spem , nullam voluptatem , nullam utilitatem . Imaginari homines quippe ab omnibus quos novimus diversos ; imaginari est homines imaginarios , & rationem cogitandi imitari illorum medicorum , qui præconceptis aliquibus arbitrariis in homine humoribus , & partibus , inveniunt statim in veneno remedium , & in remedio venenum , quod ejusmodi certe non est relate ad veros humores in homine existentes . Si enim quodcumque etiam , quod contra naturam totius humanæ naturæ propensionem desideratur , rationem habere debeat objectivæ felicitatis , & idoneum sit ad inducendam felicitatem formalem : itaque & Barbari se vel gloriæ cupiditate , vel mœrore occidentes , causam felicitatis suæ dixerint autocheiriam , quæ solum effectus tamen est ipsorum infelicitatis . Non negave-

gaverim nil se se objicere ingratum magis tristitia maxima affectis , quam quod suapte natura hilare est & lætum ; aut ut notio lætitiæ non ab eorum statu sumi debet , qui sunt tristitia maxima affecti , sed ab eorum conditione , qui vero in gaudio versantur ; ita notio felicitatis , sive felicitis conditionis , non ab eorum statu debet sumi , qui nullas explere possunt animi affectiones , sed a statu eorum qui desideria satiare valent in homine innata . Palato etiam non sano pœna est panis , qui sano est suavis ; & oculis ægris odiosa lux , quæ puris est amabilis ; nec ab ejusmodi bonis homines abhorrent ; nisi perseverante in ipsis corporis , animique ægritudine . Imo & ægri non defuere , qui fame mori voluerunt . Aut da mihi integrum , si vales Populum , totamque Nationem , quæ se fame mori patiatur ? quare non ex ægro indifferencia eruenda est naturæ erga cibum , aut aversio ab illo ; sed potius ex universis Nationibus & Populis naturæ propensio erga cibum . Vel igitur ponimus Stoicos iisdem actos affectionibus quibus ceteri Mortalium ; vel aliam & omnino oppositam in ipsis ponimus Naturam ? Si postremum hoc arbitrario præconcepimus (arbitrario dixi , quia quæ Stoici de sua ipsorum Apathia dicebant , pulchra quidem verba erant , sed tamen verba ; neque enim eo pervenire potest hominum Natura ;

imo neque ipsos se passionum expertes credidisse, mox ostendemus.) Illud, inquam, si arbitrario præconcepimus; tunc sane ita animi tranquillitatem indipisci poterunt sola prosecutione honestatis, uti ceteri mortales prosecutione felicioris status maxime optati. Ast ut imaginaria erit æque illa felicitas; illud quoque accedit, Philosophiam moralem Stoicorum numquam conferendam esse cum Philosophia nostra, quæ objecta proponit desiderio humanæ Naturæ congruentia; quum Philosophia contra Stoicorum Objectum proponat homini, non in rerum natura existenti, sed tantum beneficio mentis possibili, respondens. Quod si Stoicos ejusdem esse generis cum ceteris omnibus Mortalibus semel præconcepimus; tunc vero dicimus non adeo posse ipsos tranquillitatem animi indipisci solius prosecutione sempiternæ immutabilisque honestatis, uti tranquillitatem animi acquirunt Christianorum filii amore, spe, & prosecutione futuri præmii & Dei; quum sempiterna & immutabilis honestas Stoicorum iis careat adtributis, quæ Christianorum Deus possidet, iis adtributis, quæ valeant inducere in hominis animum tranquillitatem, adeoque ipsum felicem efficere, aut minus saltem infelicem. Non enim felices, aut infelices minus, effici possumus, nisi amore, spe, aut utilitate. Jam vero quum Deus sit omnino
ama-

amabilis, atque nos etiam amet, nostrum fovere potest quam maxime amorem; quumque Deus summam homini promiserit felicitatem, ea potest ratione hominis fovere spem; quum denique Deus sit beneficentissimus, omnem inde a Deo expectat Christianus utilitatem; cujus expectatione tranquillitas inducitur; aut, si in angustiis versetur animus, futuræ illius meditatione felicitatis, momenta minuit hujus vitæ infelicia, suamque saltem lenit infelicitatem. Quid enim amor Dei, & præmii, in Christiano, nisi perfectio, & complementum naturalis desiderii felicitatis, ut prima parte, quæstione sexagesima secunda, articulo septimo, egregie evincit Divus Thomas? Oppositum evenit in Philosophia morali Stoicorum, siue his carent omnibus Philosophi illi solam inquirentes honestatem. In illa siquidem, quam præ oculis semper habent, sempiterna & incommutabili honestate, non aliud, ut Zanottus etiam profitetur, agnovere ipsi adtributum, quam auctoritatem quamdam, & imperium; nullam igitur posuere imaginario illo in idolo intelligentiam, amorem nullum, nullam liberam benefaciendi voluntatem, atque potestatem. Jam vero, eo solum ex capite, quo Idolum illud capax amandi homines non erat, neque igitur Stoicorum poterat fovere aut etiam elicere amorem. Quis enim
ama-

amare diu id potest, a quo amari se non posse sit sibi persuasum?

Aut amet, aut faciat cur ego semper amem.

Ut enim ameris, amabilis non modo ut sis necessum est, sed etiam ut ames. Sempiterna illa igitur, & incommutabilis honestas æstimationem, venerationemque, & admirationem, obtinere a Stoicis quidem potuisset, sed amorem tamen nunquam potuisset. Quin potius imperium & auctoritas, nisi benefaciendi, ut diximus, potestate temperetur, invidiam & odium conciliare solent, non amorem. Itaque nullo illius sempiternæ & immutabilis amore honestatis feliciores effici Stoici umquam potuissent.

LXXXV.

SISTENDUM heic tamen modicum nobis est, ut videamus, quæ subjicit Cl. Zanottus, qui Maupertuisium oppugnaturus cogitantem, ita constitutam esse hominis naturam, ut aliquo sine amore esse non possit, quare Deum amando, felix evadere posse videatur; postquam, ut vidimus, rogasset, cur, si Christianus, nil aliud quærens quam Deum, beatam acquirat animi felicitatem; cur, inquam, eandem animi tranquillitatem Stoicus æque, nulla alia de re, quam de honestate sollicitus, acquirere non possit; postquam, hæc, inquam, rogasset, ita prosequitur præ-

præstantissimus hic Vir: Fateor, magnificam magis, nobiliorem, divinioremque futuram Christiani animi tranquillitatem, ceu raptibus quibusdam & ecstasibus comitatam, quibus gaudere Stoici non possunt. Verum; aliud est, nobiliorem esse tranquillitatem Christianam Stoica tranquillitate; aliud est, Stoicum nulla gaudere posse tranquillitate; qui etiam si non experiatur interiores quasdam suavitates, & amoris languores, monitum velim tamen Maupertuisum, Christianos æque suavitates illas interiores, illosque amoris languores sæpesæpius non experiri, nec etiam quærere. Diva siquidem Theresia in ecstasim rapta semper non fuit, nec in ecstasim semper rapi voluisset, magis optans Deo obedire; quam eo frui. Quod totum tamen scribendi genus vereor ne tanti Viri dignitati & gravitati minus tribuendum esse videatur. Quid enim huc faciunt, obsecro, ecstases, raptus, suavitates, & languores, cum amore, quo, pro Philosophiæ suæ moralis principiis, Christianus Deum amat suum, ut ab ipso feliciorum demum statum, & beatam omnino conditionem consequatur? Nil talem certe præferunt Catecheses omnino omnes, nil Patres, aut Doctores, nil tale Philosophia moralis Christianorum. Augustinus in Libro de Disciplina Christiana, ita scripsit: *Homo enim quomodo a se fieri non potuit, sic nec beatus fieri a se potest. Alia res eum fecit*

rit hominem quod non est ipse homo: alia res cum factura est beatum, quod non est ipse homo. Denique errans videt ipse, quia per se non potest beatus esse, & amat aliud unde sit beatus; unde se fieri putat beatum, hoc amat. Nullæ autem heic ecstases, nulli raptus, languores nulli, qui rarissime profecto, incomperoque nobis modo, ut, hisce de rebus diligentissime pertractans, docet Cardinalis Bona, & tantum in perfectissimis dicuntur evenire; nec ad amorem, quo Deum Christianus suum prosequi tenetur, spectant. An non vero sine ecstasibus, languoribus, & raptibus, quod jucunditatem in nobis excitat, amare vehementissime non possumus, illoque amore consolari? Loquimur enim heic de amore frequentissimo, loquimur illo de amore, sine quo recte dixit Maupertuisius, videri homines esse non posse; nam & idem sensit sane Divus Thomas, docuitque, Opusculo LXI. Capite decimonono his verbis: *Natura autem humani cordis cognata est actioni dilectionis; unde Hugo a Sancto Victore, Vita cordis amor est, inquit, & ideo impossibile est ut sine amore sit cor, quod vivere quærit.* Id autem fusius, ex cordis proprietatibus, pergit ostendere Sanctus Præceptor. Allegatæ sane Cl. Zanotti animadversioni ansam non dedit Maupertuisius, qui amorem Dei ex toto corde, nil aliud esse definivit, quam subdere se libenter
 ejus

ejus voluntati, seque ob id etiam in angustiis con-
 solari. Jam vero, quum in sempiterna illa, &
 incommutabili honestate Stoicorum; non solum
 amoris erga homines adtributum non reperiatur,
 neque a Stoicis admittatur ipsis; verum etiam
 nec reperiatur, aut admittatur benefaciendi po-
 testas & voluntas; sed adtributum solum cujus-
 dam auctoritatis & imperii: igitur sempiterna
 ejusmodi Stoicorum immutabilis honestas neque
 spem fovere Stoicorum poterat, nec aliquam il-
 lis adferre utilitatem. Si autem nulla spes ex
 virtutis, & honestatis exercitio Stoicis erat re-
 liqua, nullam inde haurire poterant infelicitatis
 minuendæ rationem. Certe aliud consolationis
 genus habere ipsos non potuisse fatetur etiam
 Cl. Zanottus, quam ipsum virtutis, & honesta-
 tis exercitium, conformationem scilicet actuum
 suorum ad sempiternam illam & immutabilem
 honestatem. Verum ejusmodi conformatio ad
 honestatem illam incommutabilem, ejusmodi
 virtutis exercitium, esse aliquando poterat, fuit-
 que revera sæpenumero infelicissimum. In infe-
 licitate vero illa, virtutis exercitium vel statum
 inducit, a quo Stoicus removeri nollit, vel sta-
 tum, a quo optaret removeri? Si infelix virtus
 statum inducit, quem Stoicus removeri vellet,
 itaque tunc felix non est. Quomodo enim ap-
 pellari felix potest, qui eo in statu constitutus
 Cc est,

est, a quo vellet removeri? Si autem ex opposito nollet Stoicus ab infelici illo statu removeri; tunc igitur Stoicus nec amat, nec quærit, nec acquirit felicitatem in virtutis exercitio, quia in exercitio virtutis non vult ab infelici statu removeri. Virtutem enim dicere, numquam in Stoico infelicem, insanum non modo prorsus est, sed contra naturam, contra confessionem, contra Historiam Stoicorum ipsam. Infelicem autem statum, dicere non infelicem, contradictorium est. Itaque quum, juxta Cl. Zanottum etiam, Stoici nullum aliud quam honestatem habuerint felicitatis consequendæ medium, statim atque honestatis exercitium apud ipsos infelix erat, nullum revera reliquum ipsis erat felicitatis consequendæ, aut minuendæ infelicitatis medium; adeoque in meditatione, & exercitio honestatis eam acquirere non poterant animi tranquillitatem, quam acquirere Christiani possunt in meditatione Dei, & in expectatione bonorum æternorum.

LXXXVI.

REVERA si in sola prosecutione honestatis tranquillitatem animi, adeoque & felicitatem consequi facile filii Stoicorum potuissent, cur seipsos demum aliquando occidissent? Prostat mihi

mihi videtur statim Zanotti Cl. responsum, Capite ejus Animadversionum V. pag. 271. ubi de virtutibus agens Stoicorum, & præsertim de contemptu mortis, de quo melius a Maupertuisio cogitatum voluisset; Tunc enim, subdit, intelligerent omnes, quibus de causis, quove tempore & modo, pro Stoicorum effatis possit, aut debeat etiam homo se dimittere e vita; non enim quocumque se modo occidere, Stoicum est, Cato, qui illius, ut fertur, fuit Secta, tantamque sua sibi morte conciliavit gloriam, eo non devenit tamen, nisi quum demum novit, non amplius se suis posse Civibus prodesse. Secus profecto se non occidisset. Intelligens tamen, se præsto adhuc esse Patriæ non posse, dignitati duxit consulendum suæ, arbitratus sequi se virtutem, voluntaria morte obeuntem. Barbaros in mortem ruere desperatione actos constat, utque modum ponant angustiis & infelicitati; Stoicos contra Ratione ductos, non fini angustiis statuendo & infelicitati, quæ in Sapientem cadere non potest, hac migrare e vita; sed ut se solum joco, & Fortunæ ludibrio, aut contumeliæ subducant; ut decus demum concilient virtuti. Scilicet id Fortuna curat, & spectata Stoici alicujus morte, magni ipsa faciet decus & pretium virtutis. Hisce in Vindiciis Stoicorum quam animosior Justo Lipsio Zanottus; qui sane, quo in Stoicis hypothesis Chri-

stiano jure propugnandis progredi quis possit ; probe noverat. Dum enim Tacitus , Libro Historiarum secundo , Plotium Firmum inducit , Prætorii Præfectum , morituro ob Vitellianorum victoriam Othoni dicentem : Ne fidissimum Exercitum , ne optime meritos milites desereret ; majore animo tolerari adversa , quam relinqui : fortes & strenuos , etiam contra fortunam , insistere spe , timidos & ignaros ad liberationem formidine properare ; in Notis ad ejusmodi verba statim subjicit Lipsius : *Hæc illa sunt , quibus jugulare Stoicos adversa omnis manus solet : pro quibus scutum habeo , equidem quod opponam , nisi Religio me veret .* Eadem autem uti oportebat etiam Zanottum in scribendo diligentia ; quum non major Lipsii olim fuisse apud suos , quam apud nos Zanotti Cl. auctoritas esse videatur .

LXXXVII.

PRIMO animadvertendum tamen , hoc etiam in loco , fucum Viro Cl. fecisse Declamationes Stoicorum , ipsumque facile nimium credidisse , Stoicos ea fuisse simplicitate , & dementia , ut se , non desperationis causa , sed virtutis ergo , denique occiderent . Id autem profecto est falsissimum . Declamabant illi quidem semper , ut infelices alios hortarentur ad autocheiriam ; sed
ip6.

ipsi doloso & artificioso paradoxo, quo statuebant, infelicitatem in Sapientem cadere non posse, meliora tempora voto exoptabant, qualiacumque tolerabant, & autocheiriam stultis, stolidisque, & desperatis relinquebant. Seneca reapse ad Lucilium scribens, Epistola quarta Libri primi, his utebatur verbis: *Non vides, quam ex frivolis causis vita contemnatur? Alius ante Amicæ fores laqueo pependit: alius se præcipitavit e tecto, ne Dominum stomachantem diutius audiret: alius, ne reduceretur e fuga, ferrum adegit in viscera. Non putas virtutem hoc effecturam, quod effecit nimia formido?* Erant igitur Desperatorum exemplis ad voluntariam mortem Stoici impellendi, ceu desperationis, & formidinis exempla animos possent addere virtuti; & diuturnis adhortationibus ipsa indigeret, quo generosum denique erumperet in actum. Abest tamen adeo, ut generosa se morte Stoici occiderent, ut quum primorum Christianos temporum alacres ad martyria properare cernerent, alacritatem quidem illam mentis perturbationi tribuerent, sed simul tamen suam ipsi sibi segnitiam adhuc exprobrarent. Marcus enim Aurelius Antoninus, Libro ad seipsum nono, *Quenam est anima, inquiebat, quæ parata sit, si jam e corpore migrare, aut exstingui, aut dispergi, aut permanere oporteat? Paratam autem dico, ita ut a proprio iudicio res*
pro

proficiscatur , non obstinatione mera , pro more Christianorum , sed considerate , & graviter . Epictetus vero , de animi firmitate agens , Libro quarto Capite 7. querebatur , neminem persuaderi potuisse ut Tyrannorum gladios contemneret ; dum Christiani (quos Galilæos appellabat) furore quodam & consuetudine , vel terricula-menta mortis irriderent : *Furore quidem , & consuetudine sic adversus hæc adfectus esse potest , ut Galilæi .* Quæ omnia textubus in græcis sunt expressiora . Errabant illi quidem universæ tribuentes Christianorum Sectæ , quod proprium modo erat Montanistarum ; furoremve & perturbationem animi , sive obstinationem appellantes , quod virtutem in veris Martyribus , & constantiam appellare oportebat . Nec alia de causa Stoici illi , Marcus Aurelius , & Epictetus , ita de Christianorum in Martyriis alacritate cogitabant , nisi quia revera Stoici ipsi erant , nempe veram animorum immortalitatem inficiabantur ; ea ratione qua , simili quum versaretur in opinione Lucanus , ita antiquissimis de Gallis spe futura vitæ mortem in bello non timentibus , Libro cecinit Pharsaliæ primo :

*Longæ (canitis si cognita) vitæ
Mors media est ; certe Populi , quos despiciunt
Aetios ,*

Felices errore suo ! quos ille timorum

Ma-

*Maximus haud urget lethi merus; inde ruendi
In ferrum mens prona Viris, animæque ca-
paces*

Mortis, & ignavum peritura parcere vita.

Errorem appellat, felicem tamen, quem animadverterent optarem Admiratores Stoicorum; quo vel ab ipsis immortalitatis animæ irrisoribus intelligerent aptissimum & naturale omnino habitam illam semper consolationis argumentum. Ceterum qui in illa versabantur spe, ea etiam utebantur, ceu maxime idoneo ad excitandos ad fortia animos, & ad contemnendam mortem, incitamento. Eo certe usus est Mathathias, quo Judæos ad bellum adversus Antiochum vehementer hortaretur, ut Libro patet Machabæorum primo, Capite secundo. Et Titus milites excitaturus suos in prælio contra Circumcisos, *Quis nescit*, inquebat, *Virorum fortium animas, in acie ferro corporibus solutas, purissimo ætheris elemento inter astra collocari; easque Manes bonos, & propitios Heroas Posteris illorum conspiciendas dare?* ut apud Flavium Josephum legimus, Libro de Bello Judaico VI. Capite primo. An ne vero latere poterat Marcum Aurelium, fuisse Christianis persuasum animas post mortem esse superstites, easque gaudio afficiendas, ut ipsi aiebant sempiterno? Cur igitur obstinationi potius & furori asserit, quod felici;
ut

ut ita dixerim, Christianorum errori (pro Stoicorum opinione)tribuendum potius esse videbatur? Nempe Sæctatoribus sempiternæ & immutabilis honestatis fas omnino erat maligne cogitare, deque ceteris maligna verba facere. Christiani tantum videant oportet, ne quid detrimenti res Stoica accipiat; caveantque, ne aliquam spectatissimis illis immutabilis sempiternæque honestatis Adseclis inferant injuriam; aut non maximam habeant eorum virtutis, & Philosophiæ moralis rationem. Interim si Marcus Aurelius, & Epictetus Christianos calumniati sunt, non crediderim umquam tamen suam ipsos Sæctam calumniari voluisse; quare eorum testimonio, illisque dicendi modis elucet sane apertissime, neminem tunc repertum iri, ipsis Stoicæ Sæctæ Principibus fatentibus, qui graviter, considerateque, judicio suo; & prædicata illa animi tranquillitate, se occideret, sed consuetudine tantum quadam, & perturbatione animi, obstinationeque, quales Christianis perperam asserabant. Ex opposito, nisi cum Ethnicis Zanottus adferat, primores illos Christianos alacriter ad Martyrium properasse obstinatione tantum, & perturbatione quadam animi; ergo inferre poterit quantam illis contulerit alacritatem, quantamque vel media inter tormenta lætitiâ, spes certa bonorum æternorum. Num quid simile in
omni

omni Stoica Historia poterit ipse reperire? Certe si indicia signaque respicimus, moralis Stoicorum Philosophia medium ipsis, fateor, suppeditabat, quo modum imponerent calamitati & dolori, nempe mortem; non medium vero, quo lenire possent & minuere dolorem, nempe spem aliquam, & expectationem melioris conditionis. Num denique de Stoicis loquebatur Seneca, Epistola quinta Libri tertii, dum agebat: *Non revoco te ad historias, nec ex omnibus Seculis contemptores mortis, qui sunt plurimi, colligo. Respice ad hæc nostra tempora, de quorum languore & deliciis querimur; omnis ordinis homines succurrent, omnis fortunæ, omnis ætatis, qui mala sua morte præciderunt? Rectissime* igitur positum erat a Maupertuisio, non adeo terribilem esse voluntariam mortem, ubi Religio non obftet; vimque & efficaciam opinionis, atque moris tantam esse, ut præstare id demum possit, quod perfectior Ratio præstat aliquando. Barbarorum autem exemplis usus est; quare effatum illud confirmaret, ea prorsus ratione, qua Lucianus de morte Peregrini Indos memoravit homines, stultissimos, & inanis gloriæ cupidos, voluntariam in mortem ruentes, quo insanam gloriæ cupiditatem Peregrini, qui constructo in Olympiis rogo, seipsum ultro in ignem conjecerat, atque ita extinxerat, Cynicorumque il-

Dd

lud

lud facinus celebrantium impotentiam irrideret. Qua proculdubio de re si Maupertuisium probe directeque; ut ajunt, oppugnare animus Zanotto erat, incumberebat ipsi, ut evinceret, aut iis etiam fas esse voluntaria morte occumbere, qui Religione tenentur id vetante; aut solis fas fuisse Stoicis voluntaria morte se occidere; aut nemini prorsus, vel omnis Religionis experti, fas adhuc esse se occidere.

LXXXVIII.

QUIA tamen in eo præsertim sumus, ut pergamus vindicare Maupertuisium, relate ad necessitatem, & præstantiam Religionis præ Philosophia morali Stoicorum; in examen satius revocabimus, an Stoici eo essent animo & consilio, ut autocheiriam certis solum de causis, certoque tempore permitterent; nec unquam se occiderent ut modum ponerent infelicitati, sed ut confulerent tantum dignitati suæ, & virtuti, & ut decus eidem conciliarent. Senecam certe Stoicorum Philosophiam & principia caluisse dubitabit nemo. Ex iis tamen, quæ Epistola scribit prima Libri decimi, aperte statim patet, secus valde rem se habuisse. Nil melius, inquit, *æterna Lex fecit, quam quod unum introitum nobis ad vitam dedit, exitus multos.*
Ego

Ego expectem vel morbi crudelitatem , vel hominis , cum possim per media exire tormenta , & ad-versa discutere ? Hoc est unum cur de vita non possimus queri : neminem tenet . Bono loco res hu-mane sunt , quod nemo nisi vitio suo miser est . Placet ? Vive , Non placet ? licet eo reverti unde venisti . Heinc & Tragici illa :

Ubique mors est : optime hoc cavit Deus :

Eripere vitam nemo non homini potest ;

At nemo mortem ,

Venusinus autem Vates , qui Stoicorum opi-niones lætam non semel fecit suorum Operum materiam , Libro Sermonum tamen primo , Epi-stola XVI. Sapientem , pro Stoicorum præconce-ptis ; serio describens , illum sic inducit cum Pen-theo loquentem , scribens :

*Vir bonus & sapiens audebit dicere : Pentheu
Rector Thebarum , quid me perferre , patique
Indignum coges ? adimam bona . Nempe pe-
cus , rem ,*

*Lectos , argentum ? tollas licet , In mani-
cis &*

Compedibus sævo te sub Custode tenebo .

Ipse Deus , simul atque volam , me solvet ,

Opinor ,

Hoc sentit ; moriar ; mors ultima linea rerum .

Omitto sexcenta alia Stoicorum testimonia , qui-bus , in angustiis & necessitate vivere , malum

quidem esse fatebantur, sed in angustiis & necessitate vivere, necessitatem nullam esse subiciebant; calcareque ipsam necessitatem licere, ut Seneca Epistola agebat IX. Libri primi. Quare in angustiis positi, profligare se ejusmodi homines dicebant ex ædificio putrido & ruente, suamque voluntaria in morte reperire libertatem. Quibus equidem in omnibus dicendi modis furorem potius & perturbationem quamdam mentis mihi videre videor, quam lenitatem illam animi & tranquillitatem in voluntaria Stoicorum morte a Zanotto prædicatam. Abest adeo, ut illius principiis Philosophiæ suum quis posset lenire dolorem, suamque minuere infelicitatem. Nota sunt quidem illa Senecæ de Catone: *Deus bonorum amantissimus; fortunam, cum qua exerceantur, illis assignat. Ecce spectaculum quod Deus respiciat: Fortis cum mala Fortuna. Nec video quid habeat in terris Jupiter pulchrius, quam ut spectet Catonem jam fractis partibus stantem, & inter iras publicas rectum Diis lubenter spectabunt Alumnus suum tam claro & memorabili exitu vadentem; ac se humanis casibus eripientem.* Nota sunt, inquam, ista, ex quibus sua de Catone mutuatus est Zanottus. Sed quis statim & heic non intelligit perpetuum Declamatorium dicendi genus Stoicorum? Quo enim pacto ista, historico si interpretemur, aut philosophico etiam sen-

sensu, conciliari demum poterunt cum iis quæ
 dem Seneca statuerat, non expectaturum se vi-
 delicet vel morbi, vel hominis crudelitatem,
 quum voluntaria possit morte per media exire
 tormenta, & discutere adversa? Quomodo Sa-
 pientia Catonis conciliari cum Viro potest opti-
 mo & Sapiente Venusini Vatis, qui ad ultimam
 confugiebat lineam rerum, ne manibus & com-
 pedibus vinctus, sævo sub custode, a Tyranno
 teneretur? Sane si Stoicæ tantum virtutis ope
 seipsum occidit Cato, itaque ejusdem Stoicæ
 virtutis ope idem præstiterint oportet Cassius,
 & Brutus; ejusdem Stoicæ præsidio virtutis
 idem præstiterint oportet Antonius & Dolabel-
 la; **ejusdem virtutis præsidio** Mithridates, Hir-
 canus Josephi filius, & Ptolomæus a Catone vi-
 ctus, ceterique idem præstiterint oportet pene
 infiniti, qui numquam tamen, nisi post ingen-
 tes Exercituum, rerumque suarum clades, vo-
 luntario fato periere. Quis obsecro rerum faciem
 & statum, quis partium studium illorum tem-
 porum non nosse potest, virtute ut duce vitam
 hostes Cæsaris projecisse credat? Quam vere Au-
 ctor Supplementi Lucani, Libro VI. Romani
 illius mentem illo in statu describit! sic enim
 illum inducit loquentem:

Non datur ergo

*Sponte mori victis (inquit:) nec obire Catoni
Dum*

*Dum dabit injustus Victor mandata licebit?
 Caesaris expectem gladios, atque in caput istud
 Jus illi agnoscam Superi? Dominumque fa-*
tebor

*Esse meum, quem Roma suum decreverat
 hostem,*

Quemque ego damnaram; num justam inju-
sta dederunt.

*Bella potestatem? non sic; ob, Numina, certe
 Humanas placuit vobis confundere leges,*

Et dare jus scelerei.

Ob imponendum igitur infelicitati finem ad autocheiriam Stoici etiam confugiebant, quod vel ex eorum Declamationibus adparet; quibus non est, cur iis, qui meditari valent, posse se in præsens fucum facere confidant.

LXXXIX.

MEDITARI liquidem valenti occurrit statim, cur Stoicorum, ut ita dixerim, ætate ad autocheiriam homines facile adeo confugerent, quin etiam de sempiterna illa & incommutabili honestate cogitarent. Duo sane in causa fuisse videntur, quare in hoc facinus, virtutis veluti simulatione ruere deberent. Sævitia Tyrannorum nempe, deque futura vitâ dubitatio; sive potius propagata nimis persuasio animum superstitem
 non

non esse . Quam terribilia essent Catonis tempora, ex Historia satis patet, sed præsertim ex Lucano , idoneo revera rerum illarum Vate , cujus cantus adeo est doctrina Stoica refertus , perniciosissimam ut exhibeat imperitis Lectoribus materiam . Qui vero ætatem illam exceperunt poenarum artifices Tyranni , satis noverant quid esset efficere, ut miseri, sine morte etiam, sentirent se mori . Quare Lycus in Hercule furente :

*Qui morte cunctos luere supplicium jubet
Nequit Tyrannus esse ; diversa irroga .
Miserum veta perire : felicem jube .*

Tiberius, Suetonio si fides, Nurui Agrippinæ , mori inedia destinanti , ore per vim diducto , cibum infulciri jubebat ; eodemque jubente , mori volentibus vis adhibita vivendi ; nam mortem leve adeo supplicium putabat , ut quum audisset unum ex eis Carnulium nomine anticipasse eam , exclamaverit : Carnulius me evasit . Et in recognoscendis custodiis precanti cuidam poenæ maturitatem , respondit : nondum tecum in gratiam redii . Imaginem & faciem terribilium illorum apud Romanos temporum , satis etiam horridam , e Tacito habemus in Agricolæ Vita, & ex Latino Pacato , in Panegyrico Theodosii Augusti ; quare non dubitandum, mortem tunc fuisse miseris solatium , & finem optabilem

lem malorum, vel illis etiam miseris, qui acti pavore futuri Seculi fuissent. Quanto magis igitur voluntariam in mortem ruere eos oportebat, qui, in luctu & miseriis, mortem ærumnarum requiem, non cruciatum esse; eamque cuncta Mortalium mala dissolvere, ultra neque curæ, neque gaudii locum esse cogitabant? Erat hæc Cæsaris sententia, ut ex Sallustio novimus, & Tullio in Catilinaria quarta; quapropter a fontibus, mortis pœnam esse removendam statuebat, ceterum autem suppliciorum acerbitates omnes eisdem irrogandas. *Intelligit enim, subdebat Tullius, mortem a Diis immortalibus, non esse supplicii causa constitutam, sed aut necessitatem naturæ, aut laborum & miseriarum quietem esse. Vincula vero, & ea sempiterna, certe ad singularem pœnam nefarii sceleris inventa sunt. Itaque municipiis dispertiri jubet: adjungit gravem pœnam Municipibus, si quis eorum vincula ruperit: horribiles custodias circumdat, & dignas scelere hominum perditorum. Sancit, ne quis eorum pœnam, quos condemnat, aut per Senatum, aut per Populum levare possit. Eripit etiam spem, quæ sola hominem in miseriis consolari solet. Quæ postrema velim ab admiratoribus Stoicorum considerata; imo perspectam universam eorum, de quibus hoc loco dicimus, complexionem; intelligerent tunc facile profecto, minime opus*

opus fuisse , quo se aliquando homines occiderent , ut ad sempiternam illam respicerent , & incommutabilem honestatem ; nec tantum animi , aut temporis ipsis reliquum fuisse , quo de virtutis decore in tuto collocando cogitarent ; sed in funera præcipitasse , quod nullam non modo evadendi spem haberent , sed nec aliquam unde sperare possent futuros se destinata morte obita felices . Adeo desperationi , non virtuti , erat totum illud autocheiriæ negotium , apud Stoicos etiam , tribuendum .

XC.

VEREOR non defuturos olim , qui Animadversiones Cl. Zanotti in Librum Maupertuisii criminari pergant , quod sui extra hypothesim Adversarii ipse semper differuisse videatur . Maupertuisius siquidem in Collatione sua Philosophiæ moralis Stoicæ cum Philosophia morali Christianorum , nil aliud sibi considerandum proponit , quam Sectæ utriusque principia : Zanottus præcipue virtutes , & præcepta . Maupertuisius nullam haberi vult Declamationum rationem : Zanottus sua ex Declamationibus Stoicorum videtur sumere argumena . Maupertuisius viam quærit qua infiniti pene homines minuere infelicitatem vitæ possint : Zanottus ; illam aptam

E e

& ido-

& idoneam tuetur, quam paucissimi calcare possunt; quid enim naturale & pervium magis, quam felicitas, quæ spe concipitur felicioris status; ex opposito quid magis impervium atque abstractum, quam felicitas, quæ hauriri e sequela debeat sempiternæ & immutabilis honestatis Stoicorum? Maupertuisius denique de rebus agit, prout revera sunt: Zanottus totus est in possibilibus præconcupiendis; quibus sane constitutis, opposita Christianæ Philosophiæ Stoica non erit. Stoicos ratione tantum ductos e vita migrasse adserit & propugnat Cl. Zanottus, non vero ut modum ponerent infelicitati; nec id alia de causa; nisi quod, eorum opinione, cadere in Sapientem infelicitas non potest. Ast non videt Vir doctissimus, ejusmodi meram fuisse Declamationem; illosque tunc loquutos de Sapiente possibili, non vero de Sapiente existente in natura rerum; deque Sapiente, secundum quod esse revera sapiens debuisset; non autem de Sapiente, secundum quod revera erant Stoici? Si enim Declamationibus tantum utimur in definitione rerum & Systematum, neque in Christianum poterit cadere infelicitas. Salvianus siquidem, in Libro de Judicio & Providentia Dei, solvendum sibi sumens deductum ex malorum felicitate, hac in vita, & infelicitate bonorum argumentum; malosque Christianos a bonis secer-

cernens, prioribus debita potius ait hujusce vitæ mala; in bonos autem ea cadere non posse; quia, inquit, *quamvis videantur ignorantibus esse miseri, tamen virtute præditi Christiani non possunt esse aliud, quam beati. Superfluum autem est, ut eos quispiam vel infirmitate, vel paupertate, vel aliis istiusmodi rebus existimet esse miseros, quibus se illi confidunt esse felices. Nemo enim aliorum sensu miser est, sed suo. Et ideo non possunt cujusquam falso judicio esse miseri, qui sunt vere sua conscientia beati. Nulli enim, ut opinor, beatiores sunt, quam qui ex sententia sua atque voto agunt. Humiles sunt, hoc volunt: pauperes sunt, paupertate delectantur: sine ambitione, ambitum respuunt: in honori sunt, honorem respuunt; lugent, lugere gestiunt: infirmi sunt, infirmitate latantur. Itaque quicquid illud fuerit, quicumque vere religiosi sunt, beati esse dicendi sunt. Nonne vides declamatorium dicendi genus, quod pluribus adhuc prosequitur Salvianus, esto veriore sententia finem Declamationi denique imponat, homines ejusmodi appellans vel in angustiis felices, quod beatitudinis futura præmia consequentur? Nec negamus certe, ita esse debere affectos Christianos; ejusmodi fuisse Apostolum, dum inquiebat, quum infirmior, tunc potes sum; ejusmodi fuisse olim; esseque in præsens nonnullos; ejusmodi demum posse omnes*

E e 2 esse;

esse; verum felicitas illa in eisdem est ob expectationem cælestium bonorum, quæ efficere aliquando etiam potest, ut mala ipsa, ceu gaudia, desiderentur. Ast si, omissa expectatione illa, beatos adhuc dicere pergerem omnes in angustiis versantes Christianos, ea solum de causa quod tristibus gauderent; aut quod, etsi aliorum sensu miseri essent, non tamen suo; si ejusmodi, inquam, Christianorum imaginariam conditionem objicerem Zanotto, quare illi persuadere conarer, infelicitatem cadere in Christianum non posse; non ne tunc mere declamarem? nonne Vir prudentissimus simplicitatem irrideret meam? Nonne me apertissime magno Apostolo opponerem scribenti, Epistola sua ad Corinthios prima: *Si in hac vita tantum in Christo sperantes sumus, miserabiliores sumus omnibus hominibus?* De Stoicis, in quos cadere non poterat infelicitas, eodem modo cogitandum. Scilicet eorum de felicitate non ex Declamationibus definiendum, sed ex causis ejusdem felicitatis. Si Christianos in angustiis constitutos, felices dicas, aut saltem minus infelices, quod meliorem tunc sperent conditionem; causam idoneam adfers eorum felicitatis; aut quare minuant infelicitatem; quia hebes quisque novit, homines spe consolari. Præcipua siquidem miserorum consolatio est spes, sine qua desperatio sequeretur in-

infortunium; ipsa lenimentum calamitatum est,
 dolorum levamen, fulcrum passionum, omnes-
 que præcedens voluptates; ingerit ipsa animis
 fortitudinem & virtutem, ingerit patientiam,
 ingerit præcipue lætitiā. Quis umquam sine
 spe vitam vellet tolerare? Illi quoque qui opi-
 nantur nullos se post mortem futuros, morituri
 adhuc tamen, se deceptum iri sperant, & for-
 tasse se futuros. Verum si Stoicos in angustiis
 constitutos, felices adhuc dicas, aut minus in-
 felices, quod vel in angustiis sempiternam illam
 immutabilemque sequantur honestatem; nullam
 aliam adfers eorum felicitatis causam, quam
 causam ipsorum infelicitatis, ipsam nempe vir-
 tutem infelicem, quæ, quum sit infelicitatis caus-
 sa, intelligit hebes quisque, non posse una esse
 felicitatis etiam causam, aut saltem causam mi-
 nuendæ infelicitatis.

XCI.

NIHIL tamen agimus, dum aliquam adhuc
 intactam ex Stoicis Declamationibus relinqui-
 mus. Stoicos minime alienos fuisse ab illis re-
 bus, quæ jucundiorē faciunt vitam, animad-
 vertit præclarissimus Zanottus, subditque, pag.
 270. *iplos nec divitias recusasse, nec voluptates,*
nec cetera vitæ commoda; tantum vero res ejusmo-
di

*di minime bona appellasse . Scilicet unam honestatem fuisse ab eisdem bonum appellatam ; cuius ergo vitam amittere non verebantur . Angustias quidem in inferiorem , ut ita dicam , animæ eorum partem cadere potuisse ; numquam vero in eorum mentem ; heinc summam mentis tranquillitatem vel in autocheiria conservasse ; cuius rei , consequitur demum , pag. 272. meritam si habuisset Gallus Auctor rationem , tamen si non adeo grande facinus ipsi autocheiria videatur , non levis tamen momenti rem ipse quoque eandem duxisset , statim atque sui occisio sedato adeo & tranquillo perpetranda foret animo , uti revera eam Stoici perpetrandam esse contendebant . Quæ quidem dum exscribo , animum subeunt meum similia illa Senecæ , in Libro de Providentia , Stoico de animo ita differentis : *Est omnibus externis potentior ; nec hoc dico , non sentit illa , sed vincit ; & alioquin quietus placidusque contra incurrentia attollitur ; illaque ejusdem de Consolatione ad Helviam . Corpusculum hoc buc atque illuc jactatur ; in hoc supplicia , in hoc latrocinia , in hoc morbi exercentur : animus quidem sacer & æternus est , & cui non possunt injici manus . In corporibus igitur Stoicorum omnia aderant angustiarum signa & indicia ; sed nullæ in animo angustia ; quare si ætate nostra Stoicus aliquis viveret , haud esset illi multum laborandum ,*
ut.*

ut aliquam feligeret ex dissentientibus opinionibus, mutui nempe influxus, aut caussarum occasionalium, aut harmoniæ præstabilitæ, aut alterius systematis, commercio animam inter & corpus explicando; haud multum negotii scilicet res illi ejusmodi facesseret, quum, si vera dicant, vix aliquod intercesserit Stoicum inter corpus suppliciiis affectum, ejusque Stoicam animam commercium.

XCII.

EGO tamen serio ut respondeam, sic existimo; Sapientis hominis videri, quum de re agens controversa aliquas transit in partes, easque tueri posse contendit, opposita etiam enodare argumenta; præsertim si gravissimi Viri ea in medium protulerint; illorum quippe sive Virorum, sive argumentorum rationem exiguam habere, idem demum est, ac exiguam habere adoptati Systematis rationem. Jam vero Divus Augustinus, Libro de Civitate Dei nono, allegatam Stoicorum doctrinam ita sumit oppugnandam, ut ipsa Cl. Zanotti verba sibi in examen revocanda proposuisse videatur. Capite enim citati Libri quarto illud respiciens effatum Stoicorum, quo nullum aliud esse bonum dicebant præter virtutem, & honestatem, ita ratiocinatur Sanctus

Etus Pater : Cicero tamen in Libris de finibus bonorum & malorum, verbis magis quam rebus Stoicos, adversus Platonicos, & Peripateticos certare convincit : quandoquidem Stoici nolunt bona appellare, sed commoda corporis & externa ; eo quod nullum bonum volunt esse hominis præter virtutem, tamquam artem bene vivendi ; quæ non nisi in animo est. Hæc autem isti simpliciter, & ex communi loquendi consuetudine, appellant bona ; sed in comparatione virtutis, qua recte vivitur, parva & exigua. Ex quo fit, ut ab utrisque quodlibet vocentur, seu bona, seu commoda, pari tamen æstimatione pensentur, nec in hac quæstione Stoici delectentur, nisi ~~novitate verborum~~. Ut igitur jure affirmari posset, Stoicos ita delectatos fuisse in prosecutione honestatis, uti ceteri hominum delectari solent in prosecutione ejus quod utile sibi, & jucundum est, oportuisset, opinor, primum ostendere, Stoicos non ita affectos fuisse ab eo quod utile, & jucundum esse solet, uti affecti revera ab eo sunt ceteri Mortalium ; oportuissetque ostendisse, discrimen quod in Systemate eorum circumfertur inter ea quæ commoda tantum sunt, & illud quod revera solum bonum est, esse reipsa magni nominis discrimen, & ab eorum apathia derivatum. Tunc enim quum diversæ veluti ab aliis naturæ dici possent, consequi etiam posset, ipsos ita suam acquirere feli-

felicitatem in solius prosecutione honestatis, uti Christiani in prosecutione illius Objecti erga quod suum exercere amorem possunt, sibi que jucunditatem maximam adlaturum est, atque utilitatem. Verum si Stoici jisdem acti adhuc erant adfectionibus, quibus aguntur ceteri mortalium; si Tullio, Augustino, imo & præstantissimo Zanotto, confitentibus, Philosophi illi nulla gaudebant apathia, verum divitias, voluptates, ceteraque vitæ delinimenta, pari æstimatione pendebant ac reliqui mortales, totumque discrimen in mera logomachia situm erat, quod commoda scilicet ea appellarent, quæ alii vocabant Naturæ bona; aut ærumnas, infortunia, vulnera, podagram; ceteraque ejusmodi, minime mala esse dicerent, quod ex jisdem homo moraliter malus non efficeretur; (quod utique plusquam anile videretur Cogitatum :) itaque tunc eos æque se consolari necesse erat in earum solum prosecutione rerum, quæ aut amorem foverent, aut jucunditatem adferrent, aut utilitatem. Statim vero atque sempiterna ab ipsis prædicata & immutabilis honestas nullum, ut diximus, haberet adtributum, quod eorum fovere amorem posset; nullum, quod aliquam ipsis adferret jucunditatem & utilitatem; sed illa solum, quæ odium ciere valent, & invidiam, imperium nempe & auctoritatem; eorum exple-

F f re non

re non poterat sempiterna ejusmodi honestas naturales, quibus adhuc agebantur, adfectiones: itaque, in illius prosecutione, animi tranquillitatem consequi non poterant; adeoque nec felicitatem.

XCIII.

ET revera, Augustinus, quo evinceret, allegato loco falsam & inanem esse illam Stoicorum distinctionem inter animum & corpus, relate ad passiones, ex A. Gellii Libro Noctium Atticarum decimo nono, historiam in medium adducit Stoici Philosophi, qui tempestatis in periculo, magis quam ceteri expalluerat. Rogatus autem ille, cur, Stoicus quum foret, tantum in pavorem incidisset, educto statim ille Epicteti Libro, in quo Doctrina continebatur Zenonis, & Chrysippi, rursus discrimen illud in scenam traxit inferiores inter partes animi atque mentem; in illis vero contra rationem prævalere dicebat passiones; alteram contra eisdem dominari, eisque non consentiendo, sed potius resistendo, virtutis regnum exercere. Talem autem descriptum etiam a Virgilio Æneam, ubi Libro Æneidos IV. agebat:

Mens immota manet, lacrymæ volvantur inanes.

Verum urgere pergebat semper magis Augustinus,

nus, rogareque, quare, si nihili vitam, & cetera vitæ commoda pendebat Philosophus ille in tempestatis periculo versatus, cur, inquam, periculum adeo perhorruisset, ut, apertissimo pallo-
loris etiam, pavorisque infiniti testimonio, ani-
mi angustia panderetur? Vel enim commercium
tunc admitti debuisset nullum animam inter &
corpus; vel nullum, animum inter, & men-
tem, inferioresque inter, & superiores animi
partes; quæ sunt certe nugamenta, & deliria.

XCIV.

CETERUM, rem intimius inspexit adhuc San-
ctissimus ille Auctor, Libro decimo nono, Ca-
pite quarto, ubi majores esse animi ægritudines,
& morbos animadvertit, quam ipsius corporis;
mentemque magis in angustias a seipsa aliquan-
do redigi, quam a malis, & periculis externis;
quare Stoici tametsi nihili facere hæc etiam pos-
sent, numquam tamen adeo immota ipsorum
remaneret mens, ut virtute tantum sua sum-
mam posset consequi felicitatem. Hinc ad au-
rocheiriam Stoicorum transit in examen revo-
candam, quam se dato pacatoque evenire non
potuisse animo vehementissime evincit. Porro
*ipsa virtus, inquit, qua non est inter prima Na-
tura, quoniam eis postea doctrina introducente su-*
Ff 2. per-

pervenit ; cum sibi bonorum culmen vendicet humanorum , quid hic agit nisi perpetua bella cum viriis , nec exterioribus , sed interioribus ; nec alienis , sed plane nostris & propriis ; maxime temperantia , qua carnales frenantur libidines , ne in quaque flagitia mentem consentientem trahant ? Quid illa virtus , quæ Prudentia dicitur ? Nonne tota vigilantia sua , bona discernit a malis , ut in illis appetendis , istisque vitandis nullus error obrepat ? Ac per hoc ipsa nos in malis , vel mala in nobis esse testatur . Jam vero illa virtus , cujus nomen est fortitudo , in quantacumque Sapientia , evidentissima testis est humanorum malorum , quæ compellitur patientia tolerare . Quæ mala Stoici Philosophi miror qua fronte mala non esse contendunt , quibus fatentur , si tanta fuerint , ut ea Sapiens vel non possit , vel non debeat sustinere , cogi eum mortem sibiimet inferre , atque ex hac vita migrare . O vitam beatam , quæ ut finiatur , mortis quærit auxilium ! Si beata est , maneat in ea : si vero propter ista mala fugitur ab ea , quomodo est beata ? Aut quomodo ista non sunt mala , quæ vincunt fortitudinis bonum , eandemque fortitudinem non solum sibi cedere , verum etiam delirare compellunt , ut eandem vitam & dicat beatam , & persuadeat esse fugiendam ? Quis usque adeo cæcus est , ut non videat quod si beata esset , fugienda non esset ? Sed si propter in-

fir-

*firmitatis pondus, qua premitur, hanc fugiendam
 fatentur; quid igitur caussæ est, cur non etiam
 miseram, fracta superbiæ cervice, fateantur?
 Utrum, obsecro, Cato ille patientia, an potius
 impatientia se peremit? Non enim hoc fecisset,
 nisi victoriam Cæsaris impatienter tulisset. Ubi est
 fortitudo? Nempe cessit, nempe succubuit, nem-
 pe usque adeo superata est, ut vitam beatam de-
 relinqueret, desereret, fugeret. Quomodo igitur ma-
 la non erant, quæ vitam miseram, fugiendam-
 que faciebant? Magna vis est in eis malis, quæ
 fortitudinem faciunt homicidam: si tamen adhuc
 dicenda est fortitudo, quæ ita his malis vincitur,
 ut hominem, quæ sicut virtus regendum tuendum-
 que suscepit, non modo non possit per patientiam
 custodire, sed ipsa insuper cogatur occidere. De-
 bet quidem etiam mortem Sapiens ferre patienter,
 sed quæ accidit aliunde. Secundum istos autem,
 si eam sibi ipse inferre compellitur, profecto fa-
 rendum est eis, non solum mala, sed intolerabi-
 lia etiam mala esse, quæ hoc eum perpetrare com-
 pellunt. Specimen hoc est argumentorum Au-
 gustini, quibus egregie ostendit, summum bonum
 in sola virtutis prosecutione, sive in sola profe-
 quutione sempiternæ illius, quam Stoici prædi-
 cabant, & incommutabilis honestatis, non esse
 collocandum. Quum autem ejusmodi neque Theo-
 logica sint, neque Tribunitia argumenta, cur ea
 præ-*

prætermittere visus est præclarissimus Zanottus? non enim indecorum ipsi fuisset hæc Augustini loca interpretari, & illustrare.

XCV.

ET sane, in se se occidente Stoico, in Stoico expallescere coram mortis, aut infortunii periculo; animum adhuc tueri summa gaudentem tranquillitate, idem omnino est, ac tueri id, de quo quæritur; idemque ac positum habere, & constitutum id, de quo est maxime disputandum. Dubitatur enim, & dubitari debet ab omnibus, qui sensum habent, ut dicitur, communem, an qui extremis in angustiis constitutus est homo, sua adhuc gaudeat animi tranquillitate; inquiritur etiam, quam ratione conservare illam possit? aut quonam pacto illam minuere posset infelicitatem? Nec alia via cognosci status animi, & mentis potest, quam ex indiciis corporis, & signis, ex effectibus, & operibus ab ejusmodi homine perpetratis. Statuere autem pallores, tristemque faciem, sui denique occisionem; esse signa & indicia tranquillitatis animi, idem prorsus foret ac statuere, risum esse indicium doloris, fugam esse signum confidentis animi, bene compactum corpus, hilar-

rem-

remque vultum, esse indicium ægritudinis; vitæ amorem signum esse infelicitatis; idem esset demum atque ea inferre, & constituta dicere, quæ delirantes ipsi negarent atque irriderent. Statuere vero tranquillitatem animi non esse in Stoico negandam, ob sinistra illa signa & indicia, hoc, iterum dicimus, id omnino est, de quo quæritur, & dubitatur. Confugere namque, veluti ad illius tranquillitatis causam, ad sempiternæ & incommutabilis prosecutionem honestatis, aliud profecto non est, quam ad id confugere, de quo rursus inquiritur, differiturque. Dubitatur nempe, an prosecutio illius honestatis inducat in animum hominis tranquillitatem, aut ejus infelicitatem minuat; & jure sane dubitatur, quum omnia indicia, & signa hominis aliquando Stoici, ejusque actus, & effectus, pallor nempe, tremor, aut autocheiria, sint indicia, & signa doloris, & infelicitatis; neque ipsa, aut natura sua, aut Stoici meditatione, minuire ejus infelicitatem possit, quod nullum adtributum præferat, quod hominis aut amorem fovere valeat, aut jucunditatem, aut utilitatem. Itaque non poterit infelicis umquam hominis leniri & immitti infelicitas, nisi ad illud bonum, saltem mentis consideratione denique confugiat, quod amorem, & spem ejus foveat, aut utilitatem. Hocce autem bonum quod-

nam

nam aliud, quam spes felicioris status, imo expectatio bonorum æternorum?

XCVI.

REVERA, si seriam instituis comparisonem eos inter, qui futurorum aguntur expectatione gaudiorum, & illos, qui ejusmodi expectatione carent, patebit statim, quantum relate ad priorum Philosophiam, inanis sit Philosophia posteriorum; & non modo ad inducendam felicitatem, aut infelicitatem minuendam, sed etiam ad virtutem hac in vita fovendam, inepta esse videatur. Ut enim olim animadvertebamus, ii, qui nullam spem immortalis vitæ & Retributionis, dum de consilii capiendi deliberatione agitur, jure videntur dubitare; quum scilicet adeo non semel cum honestate pugnet id, quod esse dulce, & utile videtur. Quum enim heinc voluptas, & utilitas ad se rapere, honestas ex opposito ad se trahere inde videatur, fit ut vehementer distrahatur in deliberando animus, afferatque ancipitem curam cogitandi. Etsi enim virtus sit bonum utique hac in vita maximum, si beata tamen esse demum non possit, visque & natura ejus, in malis modo tolerandis, aut in feroci quadam constantia, aut in arduo se occidendi facinore, constituatur, amittit

tit tunc profecto rationem boni, finisque expendi. Homines quippe, tametsi iustitia aliquando, fortitudine, & virtutis amore etiam summo præditi, constantes adeo tamen esse non possunt, ut extrema in infelicitate lenitatem animi retineant, & tranquillitatem. Itaque quum ita constituta sit hominis natura, ut nimis sit adversitatibus impar, cedereque cogatur generosus etiam animus necessitati, id amare demum, sequi, & colere non potest, quod sibi causa veluti dolorum est, quodque omnem ab eo aufert quietem, & vitæ utilitatem. Si enim homines secum cogitent, virtutem illam, in qua sæpe numero versantur, quamque non semel sequerentur, aut esse, aut futuram sibi infortuniarum originem & fontem; felicioraque omnino, & prospera iis evenire, aut adventura, qui nullum habent, aut admittent, saltem in tempore, cum virtute & honestate commercium: jam in dies de virtute honestateque eos sentire & cogitare, nativamque augeri animi impotentiam necessum est.

XCVII.

Quod si mentem hominis ex opposito subeat cogitatio, qua virtutem hac utique in Œconomia sæpesæpius haud multum delectationis utilitatisque habere cognoscat; futurum tamen, ut

Gg

bre-

brevia hæc damna diuturnioribus gaudiis compenſet; fortis, jam vero tunc, & conſtans adeo evadit animus, ut ærumnoſas quoque virtutis vices hilariter & facile valeat ſuſtinere. Novit ille quidem, aliquam partem iri ſecundis, ex rebus voluptatem; plurimum etiam, apud inſanum vulgus, honoris & dignitatis. Aſt quum in ſpem erigitur, fore, ut animi pro humanitate & clementia, moderatione & æquitate, ceteriſque virtutibus, coronas & præmia largiturus ſit tandem omnium Retributor Deus, horret mens in cogitatione vitiorum, arduamque licet virtutem deperire pergit, & honeſtatem ſequi. Cuicumque enim certo perſuaſum & conſtitutum eſt, fore, ut virtutem ſequutus & honeſtatem, ceteraque Legis præcepta, diuturno poſſit, æterno imo eſſe tempore beatus; vitia ex oppoſito, & non ordinatos animi impetus, affectusque, ſeveriſſimas ſibi fore ut adferant pœnas, & triſtiſſimum exitium; in ea jam erit animi tranquillitate & conſtantia, quæ ad virtutem inſelicem ſuſtinentam neceſſariæ ſunt; aut ſpe, & expectatione illa, duram lenire ſaltem perget vitæ conditionem, ſuamque minuere inſelicitatem. Ille imo, qui virtutem hæc in Œconomia, ſive ſuapte natura, ſive ex humanis rerum vicibus, nullam voluptatem, aut utilitatem ferre poſſe arbitratur; dum tamen ſupremum Ens eſſe ſanctiſſimum, & libe-

& liberalissimum credit, quod providentiam habens erga genus humanum, compensaturum altera est in vita improbos pœnis, justosque præmio & vera felicitate; de virtute ille, inquam, perget adhuc recte, & secunde sentire, quam, si nulla futura esset post mortem vita, fortasse contemneret, quippe qui uberiora adeo expectat vitæ bene ordinateque actæ præmia, vix quodcumque concipi hac in *Œconomia utilitatis & jucunditatis* ex virtute posset, aptum ad illam arbitratur incitamentum. Sunt denique, & quidem non pauci, vitam qui pro virtute & honestate in præsens generose profunderent, aperte protestantes tamen, non alia se de causâ virtutem amplecti & honestatem, nisi quod grande illud tandem, venturum sit præmium beatæ pacis atque immortalitatis. Adeo nil fatale magis evenire virtuti posset, quam nullam umquam ferre secum felicitatem.

XCVIII.

QUI revera virtutem, & honestatem propter se amandas, etiamsi nullus esset Retributor Deus, cum Stoicis, & Zanutto, docent, ipsi sibi apertissime contradicere videntur. Qua enim alia de causâ amari virtus posset, nisi quod ejus in exercitio aliquam indepturi essemus tranquillitatem

Gg 2

ani-

animi cum honestate conjunctam ; inque illius prosecutione rationem vigere præconciperemus ordinis , & harmoniæ cum Lege mentis , atque conscientia ? Verum , quid concipi & amari veluti ordinatum potest in natura rerum , nullum si ponatur ordinis liberum & intelligentissimum principium , totiusque harmoniæ perfectissimum exemplar sed omnia fato & necessitate contigisse , & contingere credantur ? Quid autem ordinatum minus hac in vita , quam felices beatosque nonnullos aliquando esse homines iniquos , probos autem , infelices ? Ast si , pro principiis Philosophiæ moralis Christianorum , Œconomia Sæculi futuri cum hodierna nectas Œconomia ; tunc omnia profecto ordinate fluunt , splendet ordinis & harmoniæ principium , & exemplar , ratioque conformationis viget inter honestatem & Legem mentis , interque virtutem & virtutis illud præmium , quod solum perfectam adferre potest animi tranquillitatem . Omnia opposita sint oportet in Systemate , & Philosophia morali Stoicorum . Quæ enim mœstior cogitatio , aut quæ infeliciores conditio ; ea , in qua maxime timendum sit , sperandum autem nihil ; in qua nihil sit , quod adfectiones animi satiare valeat , naturale scilicet felicitatis desiderium ; nil quod animi angustias demum leniat ; nil quod expectare possit animus gravi hoc corporis pondere dissolutus ;

lutus; sed ea solum se se objiciant, quæ asperum facere solent hominem atque turbatum; quæ denique non innatum modo erga virtutem studium imminuunt, sed ipsa etiam eradicare pergunt virtutum intrinseca principia, adfectiones nempe naturales, clementiam & humanitatem? Denique Christianus felicem se, morte obita, futurum cum Deo sperans, virtutem perfectiorem amat; Stoicus in mortem voluntariam ruens, virtutem perfectissimam non amat. Nam etsi vinculum admitti deberet nullum virtutem inter, & illud præmii genus, quod ad jucunditatem quamdam, & tranquillitatem etiam animi spectat, vera tamen virtus illud præmium, illumque optare quammaxime debet statum, qui mentem perficit, animumque constituere potest in statu perfectissimo virtutis.

XCIX.

OMNES revera, qui beatam expectavere futuri Sæculi felicitatem, maximum, ejus in meditatione, invenerunt miseriarum levamen. Psalmista igitur ita Psalmo LXXVI. *Renuit consolari anima mea, memor fui Dei, & delectatus sum.* Psalmo LXXXIII. *Quam dilecta tabernacula tua Domine virtutum! Concupiscit & deficit anima mea in atria Domini. Beati qui habitant in do-*

domo tua, Domine, in sæcula sæculorum laudabunt te. Psalmo CXXI. *Lætatus sum in his quæ dicta sunt mihi: in domum Domini ibimus.* Matthæi V. sic Salvator ad Apostolos: *Beati estis cum maledixerint vobis, & persecuti vos fuerint, & dixerint omne malum adversum vos mentientes propter me: gaudete & exultate, quia merces vestra copiosa est in cælis.* Apostolus ad Romanos scribens, eos hortabatur, ut essent *Spiritu ferventes, Domino servientes, spe gaudentes, in tribulatione patientes.* (XII. 12.) Scribens vero ad Hebræos IV. 11. *Festinemus, inquebat, ingredi in illam requiem; quam non modo ceu finem laborum, & angustiarum respiciebant, sed beatæ veluti etiam sedem tranquillitatis animi, & felicitatis.* Divus Augustinus Sermone CLVIII. de verbis Apostoli, *Etenim ipsa spes, inquebat, peregrinationi necessaria est; ipsa est quæ consolatur in via. Viator enim quando laborat ambulando, ideo laborem tolerat, quia pervenire sperat. Tolle illi spem perveniendi, continuo franguntur vires ambulandi.* Sermone autem primo de diversis: *Et ecce Spes lætat nos, nutrit nos, & in ista laboriosa vita consolatur nos.* Enarrans illa Psalmi CXVII. *Vox lætitiæ, & salutis in tabernaculis Justorum, ethnicos ad Tyrannos respiciens, & ad Martyres Christianos, hæc habet: Ubi vocem mæroris, & exitii putabant esse.*

esse, qui in eorum corpora sæviebant. Non enim sentiebant interiora gaudia Sanctorum de spe futura. Unde Apostolus, non solum autem, sed etiam gloriamur, inquit, in tribulationibus. Ad quæ adludens, Enarratione in Psalmum CXXVII. ita rursus: *Sæculi homines infelicitè felices sunt; Martyres autem feliciter infelices erant. Erant enim ad tempus infelices, sed in æternum felices. Quid enim dicit Apostolus? Quasi tristes, semper autem gaudentes. Quare semper? Et hic, & ibi. Hic enim unde gaudemus? De spe. Ibi unde gaudebimus? De re. Magnum gaudium habet Spes. Ad illud Psalmi CXXV. Et facti sumus sicut consolati, subjicit: idest, gavisi sumus tamquam consolationem accipientes. Consolatio non est, nisi miserorum; consolatio non est, nisi gementium, & lugentium. Quare quasi consolati, nisi quia adhuc gemimus? Gemimus in re, consolamur in Spe. Enarratione autem in Psalmum CXLV. Fidei hominibus, & peregrino in Sæculo, inquiebat, nulla est jucundior recordatio, quam Civitatis illius, unde peregrinatur; sed recordatio Civitatis in peregrinatione, non est sine dolore, atque suspirio. Spes tamen certa reditus nostri, etiam peregrinando tristes consolatur, & exhortatur. Hac ergo spe accepta, quæ non potest esse sine gaudio, gaudet anima. Et rursus: Sed quid te consolatur? Spes. Denique Libro decimonono de Civitate*

tate Dei, Capite quarto, oppugnata Stoicorum opinione, qui tranquillitatem animi, & felicitatem consequi hac se posse in vita arbitrabantur, aut lenire infelicitatem prosecutione immutabilis & sempiternæ honestatis, ita consequitur magnus ille Doctor: *Vita igitur, quæ istorum tam magnorum, tamque gravium malorum, aut premitur oneribus, aut subjacet casibus, nullo modo beata diceretur, si homines, qui hoc dicunt, sicut victi malis ingravescentibus, cum sibi ingerunt mortem, cedunt infelicitati, ita victi certis rationibus, cum quærunt beatam vitam, dignarentur cedere veritati, & non sibi putarent in ista mortalitate sine summi boni esse gaudendum; ubi virtutes ipsæ, quibus hic certe nihil melius, atque utilius in homine reperitur, quanto majora sunt adjutoria contra vim periculorum, laborum, dolorum, tanto fideliora testimonia miseriarum. Si enim veræ virtutes sunt, quæ nisi in eis, quibus vera inest pietas, esse non possunt; non se profitentur hoc posse, ut nullas misérias patiantur homines, in quibus sunt: neque enim mendaces sunt veræ virtutes, ut hoc profiteantur; sed ut vita humana, quæ tot, & tantis hujus sæculi malis esse cogitur misera, spe futuri sæculi sit beata, sicut & salva. Infinitus autem forem si universa optimi hujus Ecclesiæ Doctoris exscribere vellem testimonia, quæ huc profecto faciunt.*

Cer-

Certe Augustinum legenti videri pene posset sua ex tanto Scriptore Maupertuisium fuisse mutuum. Noverat ille etiam imperium, & auctoritatem quam secum ferre dicitur honestas; obligationem noverat quam habet homo se conformandi Legibus mentis & honestatis. Verum egregie adhuc scripsit, Tractatu XXVI. in Johannem : *Porro si Poeta dicere licuit : trahit sua quemque voluptas ; non necessitas, sed voluptas ; non obligatio, sed delectatio : quanto fortius nos dicere debemus trahi hominem ad Christum, qui delectatur veritate, delectatur beatitudine, delectatur justitia, delectatur sempiterna vita, quod totum Christus est. Da amantem, & sentit quod dico : da desiderantem, da ferventem, da in ista solitudine peregrinantem, atque sitientem, & fontem æternæ patriæ suspirantem : da talem, & scit quid dicam.* Jure igitur & merito, philosophica licet dicendi ratione, statuit præclarissimus Maupertuisius, illis ipsis mediis, quibus nos æternam supernaturalemque indipiscimur felicitatem, posse æque, nisi hujus felicitatem vitæ augere, ejusdem tamen lenire saltem, aut minuire infelicitatem.

C.

UT autem laudes jure & merito tribuendæ sunt Maupertuisio infinitæ, quod recte adeo sentierit de Philosophia morali Christianorum, ita malam in partem accipi nolum quæ contra statuit, differvitque Cl. Zanottus. Reor siquidem, animi ergo, neque consequutionibus prævisis; rerumque antiquatarum actum præjudiciis, hanc ipsum descendisse in arenam, propugandamque duxisse relate etiam ad nostram, Philosophiam moralem Stoicorum. Ajo ipsum imo, pia potius intentione id certe præstitisse. Dubitans namque nonnullos fortasse repertum iri de virtute & honestate non adeo sollicitos, quod æternorum spe & expectatione præmiorum vix, aut minime agantur; quo brevius ostenderet, virtutem adhuc & honestatem sequi ab eisdem oportere, Stoicos illis proposuit saltem imitandos, qui, pro recepta apud Vulgus sententia, sine ullius expectatione præmii, quod honestum ordinatumque est sequi dicebantur. Optima igitur voluntate id illum præstitisse quisque mecum fateatur; tamen æque fortasse fuisset præclarissimo huic Viro considerandum, frequentes nimium esse in præsens Lockii Sectatores; frequentioresque Libros illos, qui tenuitatem illius Systematis, quod

quod soli honestati, solisque virtutis imaginibus innititur, ostendunt; adeoque virtuti & honestati inculcandæ, alia media & Systemata esse in præsens occupanda, uti sexcenti mortalium præstantissimi, remotis etiam in regionibus, doctè adeo feliciterque præstiterè. Id quum ille non animadverterit, periculum pene videretur imminere, ne dum ipse in tanta hodierna luce, & splendidissimo meridie, comparate ad Philosophiam moralem Christianorum, Stoicorum adhuc tenebras & umbras celebrare & exaggerare pergit; periculum, inquam, pene videretur imminere, ne, dum hac agendi ratione Adseclas se Zanottus virtutis amantissimus acquisiturum honestati nostris in Regionibus confidit; exterorum aliquis, cui, morali consideratione, æternæ & incommutabilis honestatis nomine, sit Natura Deus, in animum inducat suum, novum e tanti viri manibus accessisse aris sui Numinis donarium.

F I N I S.

Nos F. ANTONINUS BREMOND Sac. Theol.
 Professor, ac totius Ord. FF. Prædicatorum
 humilis Magister Generalis, & Servus.

Harum serie, nostrique auctoritate officii,
 quantum in nobis est, facultatem concedimus
 R. P. Magistro F. Casto Innocenti Anfaldi,
 Provinciæ nostræ Lombardiæ, typis edendi
 Opus ab ipso elaboratum, cui titulus: *Vindiciæ
 Mauperruisianæ &c.* dummodo a duobus in Sac.
 Theol. Magistris Ordinis nostri prelo dignum ju-
 dicetur, & serventur cetera de Jure servanda..
 In nomine Patris &c. In quorum &c.

Dat. Romæ in Conventu nostro S. M. S. M.
 die 18. Maji 1754.

Fr. Antoninus Bremond
 Magister Ordinis.

Reg. pag. 18.
 Fr. Thomas Ignatius M. Natta
 Magister, & Socius.

Atten-

Attente legi Librum A. R. P. Magistri F. Casti Innocentis Anfaldi , cui titulus , *Vindiciæ Maupertuisianæ* &c. omniaque inveni cum Orthodoxæ Religionis Scitis & effatis consonare . Itaque dignum eum censeo qui typis committatur.

F. Alexander Pius Bolis
Sac. Theol. Magister, & Prior Cœnobii
S. M. Angelorum Ferrariæ.

Mandante Reverendissimo P. F. Antonino Bremond, Ordinis nostri Magistro Generali, perlegi Vindicias Maupertuisianas A. R. P. Magistri F. Casti Innocentis Anfaldi in Atheneo Ferrariensi Sac. Theol. Professoris; in quibus nihil a sana doctrina alienum offendi; quare eas typis dignissimas censeo.

Ferrariæ in Ducali Cœnobio S. M. Angelorum
Die 1. Junii 1754.

F. Pius Thomas Boeri Sac. Theol.
Moral. in publico Ferrariensi
Atheneo Professor.

Hu-

- P**atriarcha Josephi, Ægypti olim Proregis, Religio a criminationibus Basnagii vindicata. Neapoli excudebat Felix Carolus Mosca, 1738. in 8. Iterum Tomo XXIII. Collectionis Calogerianæ pag. 135. Venetiis apud Simonem Occhi 1741. Iterum Brixie, apud Johannem Baptistam Bossinum, 1747. in 8.
- De inopia veterum Monumentorum pro copia Martyrum dignoscenda adversus Doduvellum Dissertatio. Mediolani apud Josephum Ricchinum Malatestam. 1740. in 8.
- De traditione Principiorum Legis Naturalis Libri III. Mediolani, apud Josephum Ricchinum Malatestam. 1742. in 4.
- De Romana Tutelarium Deorum in Oppugnationibus Urbium Evocatione Liber singularis. Brixie ex Typographia Johannis Marie Rizzardi, 1743. in 8. Iterum, Venetiis apud Petrum Valvasensem. 1753.
- De Martyribus sine Sanguine altera adversus Doduvellum Dissertatio. Mediolani apud Josephum Ricchinum Malatestam. 1744. in 8.
- De Forensi Judæorum Bucina Commentarius. Brixie excudebat Johannes Maria Rizzardi. 1745. in 4.
- Herodiani Infanticidii Vindiciæ: Accedit Dissertatio de Loco Johannis aliter atque habet Vulgata, a nonnullis Patribus lecto. Brixie apud Johannem Mariam Rizzardum. 1746. in 4.
- De Authenticis Sacrarum Scripturarum apud Sanctos Patres Lectionibus ad Benedictum XIV. Pontificem Maximum Libri II. Verone apud Augustinum Carattoni. 1747. in 4.
- De Futuro Seculo ab Hebræis ante Captivitatem cognito adversus Johannem Clericum Commentarius. Mediolani in Regia Curia. 1748. in 8.
- De Diptycho Quiriniano Epistola ad Eminentissimum Cardinalem Quirinum; Tomo XL. Collectionis Calogerianæ, pag. 187.
- De Diptycho Quiriniano Epistola Secunda ad Eminentissimum Cardinalem Quirinum. Brixie apud Jacobum Turlinum, 1749.

1749. in 4. *Iterum, Venetiis, Tomo XLII. Collectionis Calogieriana, pag. 237.*
- De Tarsensi Hercule in viridi Jaspide insculpto ad Clariss. Virum, Albertum Mazzolenum, Abbatem Casinensem Epistola, Brixia, apud Jacobum Turlinum. 1749. in 4.*
- Oratio habita in Atheneo Ferrariensi, dum Publici Sacre Theologiae Professoris munus auspicaretur, anno MDCCL. Ferraria apud Josephum Barberium, 1750. in 4.*
- Oratio habita in Atheneo Ferrariensi anno MDCCLI. Ferraria apud Josephum Barberium. 1751. in 4.*
- De Baptismate in Spiritu Sancto & Igni Commentarius Sacer Philologico-Criticus, cui accedunt binæ Orationes in Atheneo Ferrariensi habita. Mediolani in Regia Curia. 1752. in 4.*
- Oratio in Atheneo Ferrariensi habita, anno MDCCLII. Venetiis, apud Simonem Occhi. 1752. in 4.*
- De Sacro & publico apud Ethnicos pictarum Tabularum cultu adversus recentiores Græcos Dissertatio. Venetiis apud Petrum Valvasensem. 1753. in 4.*
- Oratio Ferrariensi in Atheneo habita in Dedicatione publica Bibliotheca anno MDCCLIII. Ferraria apud Josephum Barberium. 1753. in 4.*
- Vindicia Maupertuisiana ab Animadversionibus Viri Clarissimi Francisci Maria Zanotti, quibus quantum Philosophia morali Stoicorum præstet Religio in infelicitate vitæ minuenda demonstratur. Venetiis, apud Petrum Valvasensem, 1754. in 4.*

Corrèttore D. Stephano Cavallieri.

11130





